

ҲАВОРИЙЛАРНИНГ ФАОЛИЯТИ

Кириш

Мазкур китоб муаллифи Луқодир, бу унинг иккинчи китобидир. Унинг биринчи китоби “Луқо баён этган мұқаддас Хушхабар” деб аталған. Муаллиф Луқо бу Хушхабарда Исонинг фаолияти ва таълимотини батағсил баён этади. Мазкур китобда эса у ўз ҳикоясини давом эттириб, ҳаворийларнинг фаолиятини изчил ёритади.

Китобнинг туб мағзи Исонинг шогирдлариға айтган қуйидаги сўзларида акс этган: “Мұқаддас Рух сизларни қамраб олганда, куч-қудратга тўласизлар. Қуддусда, Яхудия ва Самарияда, ер юзининг ҳамма бурчакларида сизлар Менинг шоҳидларим бўласизлар” (1:8). Китобда Исо Масиҳни ўлиқдан тирилтирган Худонинг қудратига ва Мұқаддас Рухнинг фаолиятига катта ургу берилади. Китобни “Мұқаддас Рухнинг ҳаворийлар орқали кўрсатган фаолияти” деб номласа ҳам бўлади.

Бу китобда қўплаб давлатлар тилга олингани боис, дастлабки ўқища китобнинг ягона мақсади Масиҳ ҳақидаги Хушхабарнинг ёйилишини тасвирлаб беришdir, деб ўйлашимиз мумкин. Аммо муаллиф бу китобни ёзишда бундан-да буюкроқ мақсадни кўзлаган. Исо Масиҳ самога кўтарилиб кетгандан кейин, Унинг шогирдлари бир қатор муаммоларга дуч келганлар. Энг катта муаммолардан бири “Худонинг халқига қўшилишга кимнинг ҳақи бор?” деган савол эди. Исо Масиҳ ва унинг биринчи шогирдлари яхудий бўлганлари сабабли, Хушхабар фақатгина яхудийларга қаратилган, деб ўйлашлари табиий эди. Аммо ҳаворий Филип Хушхабарни Самарияликларга олиб боргандан кейин ва ҳаворий Бутрус Рим юзбошиси Корнилийнинг уйига ташриф бу юргандан сўнг, масиҳийларнинг бу мавзудаги тушунчasi ўзгара бошлади. Улар, Исо Масиҳ яхудийларни ҳам, файрияхудийларни ҳам гуноҳларидан халос қилишга келган, деган хуносага келишади. Худо ҳар бир миллат ва халқни Исо Масиҳга ишонишга чорлади.

Ҳаворий Павлуснинг шарофати билан Масиҳ ҳақидаги Хушхабар дунёнинг қўп жойлариға етиб боради. Павлус Масиҳга имон келтиришдан олдин, фарзий мазҳабига мансуб бўлиб, ўша даврнинг машҳур Таврот тафсирчиси, Олий кенгаш аъзоси Гамалиёлнинг шогирди эди. Таврот қонунини мукаммал билган Павлус яхудий динини жон-жаҳди билан ҳимоя қиласи, у Масиҳ жамоатини* аёвсиз таъқиб этади. Бироқ Исо Масиҳ ваҳийда Ўзини Павлусга аён қилгандан кейин, Павлус Исонинг содиқ шогирдларидан бирига айланади. Шундан сўнг Павлус Рим империясининг деярли ҳамма ҳудудларида Хушхабарни ваъз қиласи. У ҳатто дунёнинг ўша замондаги энг буюк шахри Римга етиб бориб, шоҳлару ҳукмдорларга Масиҳ тўғрисидаги Хушхабарни айтади.

Мазкур китобга бир нечта ваъз киритилган. Бу ваъзлар ёрдамида биз ўша даврдаги масиҳийларнинг дунёқарашини теранроқ англаш оламиз, уларнинг жамиятдаги ижтимоий зиддиятларга бўлган муносабатини кўрамиз. Бу зиддиятларга яхудий ва бутпараст халқларнинг удумлари, Рим ҳукумати ва Юнон маданияти мисол бўлиб хизмат қиласи. Бироқ китобдаги воқеалардан кўриниб турибдики, Исо Масиҳ ҳақидаги Хушхабарнинг ёйилишини ҳеч ким ва ҳеч нарса тўхтата олмайди, ҳеч қандай зиддият унга тўсқинлик қила олмайди.

1-БОБ

Муқаддима

¹⁻² Эй Теофилус, биринчи китобимда* мен сизга Исо бошидан то осмонга кўтарилигунга қадар қилган ҳамма ишлари ва ўргатган таълимоти тўғрисида ёзган эдим. У осмонга қўтарилишдан олдин, Муқаддас Рух кучи орқали Ўзи танлаган ҳаворийларга кўрсатмалар берган эди. ³ Исо азоб чекиб ўлгандан кейин, бир қанча ишончли далиллар орқали ҳаворийларга тирилганини кўрсатди. Қирқ кун давомида уларга зоҳир бўлиб, Худонинг Шоҳлиги* тўғрисида гапирди. ⁴ Исо Ўз ҳаворийлари билан дастурхон атрофида ўтирар экан, уларга шундай амр берди: “Куддусдан кетиб қолманглар, осмондаги Отамнинг* берган ваъдаси* бажо бўлишини кутинглар. Бу ваъда ҳақида олдин ҳам сизларга айтган эдим. ⁵ Яхё одамларни сувга чўмдирав эди*, сизлар эса яқин кунларда Муқаддас Рухга чўмдириласизлар.”

Исо осмонга кўтарилади

⁶ Ҳаворийлар бирга йиғилгандарида, Исодан шундай деб сўрадилар:

— Раббимиз, Истроил шоҳлигини тиклайдиган вақтингиз келмадими?

⁷ Исо уларга шундай жавоб берди:

— Вақт ва даврларни Отам Ўз ҳокимияти орқали ўрнатган, буларни билиш сизнинг ишингиз эмас. ⁸ Аммо Муқаддас Рух сизларни қамраб олганда, куч-қудратга тўласизлар. Қуддусда, Яхудия ва Самарияда, ер юзининг ҳамма бурчакларида сизлар Менинг шоҳидларим бўласизлар.

⁹ Исо шу гапларни айтгандан кейин, ҳаворийларнинг кўзи олдида осмонга кўтарилиди. Булут Исони ҳаворийларнинг кўзларидан яширди. ¹⁰ Исо кўтарилиб кетгандан кейин ҳам ҳаворийлар кўзларини узмай осмонга қараб турадилар. Шу пайт бирдан оқ кийим кийган икки одам уларнинг олдида пайдо бўлди.

¹¹ — Эй Жалилаликлар! — деди улар. — Нимага осмонга қараб турибсизлар? Исо осмонга кўтарилганини ўз кўзингиз билан кўрдингизлар. У осмонга қандай кўтарилган бўлса, худди шундай қайтиб келади.

Ўн иккинчи ҳаворий танланади

¹² Шундан кейин улар Зайтун деб аталган тоғдан* Куддусга қайтиб келдилар. Зайтун тоғи Қуддус ёнида бўлиб, шаҳардан тахминан бир чақирим масофада* жойлашган эди.

¹³ Улар шаҳарга киргандарида кейин, ўзлари турадиган хонадоннинг болохонасига чиқдилар. Бутрус, Юҳанно, Ёқуб, Эндрус, Филип, Тўма, Бартоломей, Матто, Халфей ўғли Ёқуб, ватанпарвар* Шимўн, Ёқуб ўғли Яхудо шу ерда эдилар.

¹⁴ Улар яқдиллик билан тоат-ибодатга берилган эдилар. Улар қаторида баъзи бир аёллар, шунингдек, Исонинг онаси Марям ва Унинг укалари ҳам бор эди.

¹⁵ Бир куни 120 нафар имонли биродар йиғилган эди. Бутрус улар олдида туриб, шундай деди: ¹⁶⁻¹⁷ “Биродарларим! Муқаддас Рух олдиндан Довуд орқали Яхудо* ҳақида башорат қилганди. Муқаддас битиклардаги Унинг бу сўзлари амалга ошиши керак эди. Яхудо бизларнинг биримиз ҳисобланиб, бу хизматда иштирок этишга танланганди. Аммо у Исони ҳибсга олиш учун келганларга бошчилик қилди. ¹⁸ Кейин ёвуз иши билан қўлга киритган пулга дала сотиб олди. Аммо ўша ерда йиқилиб тушди, қорни ёрилиб, ичак-човоқлари чиқиб кетди. ¹⁹ Бу воқеа бутун Қуддус аҳолисига маълум бўлди, шунинг учун одамлар ўша жойни Ҳақалдамах*, яъни Кон даласи деб атадилар. ²⁰ Забур китобида шундай ёзилган:

«Унинг макони ташландиқ бўлиб қолсин,
У ерда яшайдиган бирон жон қолмасин.»*

Яна шундай дейилган:

«Унинг ўрнини бошқаси олсин.»*

²¹⁻²² Шунга кўра, биз Яхудонинг ўрнига бошқа бир одамни танлашимиз керак. Токи у, биз сингари, Раббимиз Исонинг тирилгани ҳақида гувоҳлик берсин. Бу одам Раббимизнинг Яҳё томонидан сувга чўмдирилган кунидан бошлаб, то осмонга кўтарилиган вақтгача бизга ҳамроҳлик қилганлардан бири бўлиши шарт.”

²³ Шундай қилиб, улар икки кишини олдинга чиқардилар. Улардан бири Юсуф (унинг яна Барсабо ва Юстус деган исми ҳам бор эди), иккинчиси эса Маттиё эди. ²⁴⁻²⁵ Улар ибодат қилиб, шундай дедилар: “Эй Раббимиз! Сен ҳамма одамларнинг юрагини биласан. Мана шу икковидан қайси бирини ҳаворийлик хизмати учун танлаганингни бизга кўрсатгин, чунки Яхудо хизматини ташлаб, ўзига тегишли ерга кетган.”

²⁶ Ҳаворийлар улар учун қуръа* ташладилар. Қуръа Маттиёнинг чекига тушди. Маттиё ўн бир ҳаворийга қўшилди.

2-БОБ

Муқаддас Руҳнинг келиши

¹ Ҳосил байрами* куни келганда, ҳамма имонлилар бир жойда йифилдилар.

² Бирдан осмондан шиддатли шамол эсганга ўхшаш овоз келиб, улар ўтирган уйнинг ичини тўлдирди. ³ Улар тил шаклидаги алангани кўрдилар. Ўша аланг ёйилиб, ҳар бирининг устига тушди. ⁴ Шунда ҳаммалари Муқаддас Руҳга тўлдилар, Муқаддас Руҳ берган қобилиятга кўра, улар бошқа тилларда гапира бошладилар.

⁵ Ўша пайтда Куддусда дунёдаги ҳар бир юртдан келган тақводор яхудийлар яшар эди. ⁶ Улар бу овозни эшитганларида, бир талай оломон йифилиб келди. Ҳар бири ўз тилидаги гапларни эшитиб, довдираб қолди. ⁷ Улар ҳайрат ва ҳаяжон ичида: “Қаранглар, гапираётган бу одамлар Жалилаликлар-ку! — деб хитоб қилдилар. — ⁸ Қандай қилиб ҳар биримиз туғилган юртимизнинг тилларини эшитяпмиз? ⁹ Орамизда Парфиядан, Мидия, Элам, Месопотамия, Яхудия, Каппадокия, Понтус ва Асиядан келганлар бор. ¹⁰ Фригия, Памфилия, Миср, Ливиянинг Киринеяга яқин ерларидан келганлар ҳам бор. Баъзиларимиз Римдан келганмиз, биз яхудийлармиз, орамизда яхудий динига кирган* Римликлар ҳам бор. ¹¹ Баъзиларимиз Крит ва Арабистондан келганмиз. Шундай бўлса-да, улар Худонинг қилган қудратли ишлари тўғрисида бизга ўз тилларимизда гапириб бераётганини эшитиб турибмиз.”

¹² Улар ҳайратланиб, бошлари қотиб, бир-бирларидан: “Бу нимадан дарак беради?” деб сўрардилар. ¹³ Бошқалар эса: “Ие, улар ичиб маст бўлиб қолибдилар-ку”, деб масхара қилишарди.

Бутруснинг нутқи

¹⁴ Шунда Бутрус ўн бир ҳаворий билан олдинга чиқди-да, оломонга қаратада шундай деди: “Эй яхудий биродарлар, Куддус ахолиси! Гапимга қулоқ солиб, шуни уқиб олинглар! ¹⁵ Бу одамларни сизлар маст деб ўйляяпсизлар, аммо ундей эмас. Ахир, эндигина эрталаб соат тўққиз* бўлди-ку! ¹⁶ Аксинча, Йўэл

пайғамбарнинг айтганлари бажо бўлмоқда:

¹⁷ «Худо айтмоқда:

Охирги кунларда*,
Ўз Руҳимни ёғдираман ҳар бир инсон устига,
Ваҳийлар келади йигитларингизга.
Башоратлар қилар сизнинг ўғил-қизларингиз.

Кароматли тушлар кўрар қарияларингиз.
¹⁸ Ўз Руҳимни ёғдираман ўша кунларда
Ҳаттоқи қулу чўриларингиз устига.
Улар башорат қиларлар.

¹⁹⁻²⁰ Менинг буюк ва даҳшатли куним келишидан олдин,
Мен осмонда мўъжизалар яратаман,
Ерда аломатлар кўрсатаман:
Қон, олов, қалин туман ҳосил қиласман.
Қуёш қораяди, ой қон тусига киради.

²¹ Раббимизга илтижо қилган ҳар бир инсон қутқарилади.»*

²² Эй Истроил халқи, бу гапларимни эшишиб олинглар: Носиралик Исо орқали Худо сизларнинг орангизда мўъжизалар ва аломатлар кўрсатди. Шу йўл билан Исода илоҳий ҳокимият борлигини Худо тасдиқлади. Буни ўзларингиз биласизлар. ²³ Худо Ўзининг режаси бўйича Исони сизларнинг қўлингизга топширишни азалдан қарор қилган эди. Сизлар эса ғайрияҳудийларнинг қўллари билан Уни хочга михлатиб ўлдирдингизлар. ²⁴ Аммо Худо Уни тирилтириб, ўлим азобларидан озод қилди. Ўлим ўз кучи билан Исони ушлаб туришга қодир эмасди. ²⁵ Довуд У ҳақда шундай деган эди:

«Мен доим Эгамга кўз тикаман,
У ўнг томонимда бўлгани учун
Мени ҳеч нарса қўзғата олмас.

²⁶ Шу боис, эй Эгам, юрагим қувончга тўла,
Тилим ҳам шод-хуррамдир.
Танам умид билан яшайди.

²⁷ Мени ўликлар диёрида* қолдирмайсан,
Тақводорингни* қабрда чиритмайсан.

²⁸ Менга ҳаёт сўқмоқларини Ўзинг кўрсатасан,
Хузурингда шодлик Мени қамраб олади.»*

²⁹ Биродарларим! Бобомиз Довуд тўғрисида сизларга очиқ-ойдин гапиришим керак. У ўлди, дафн қилинди, унинг қабри бугунгача шу ердадир. ³⁰ У пайғамбар бўлгани боис, Худо унга: «Ўз наслингдан бўлган биттасини тахtingга ўтқазаман*», деб ичган онтини* ёдида тутарди. ³¹ Довуд келажакни олдиндан кўриб, Масиҳнинг тирилиши тўғрисида гапирган эди. Худо Масиҳни ўликлар диёрида қолдирмаслиги ва Масиҳнинг танаси чиримаслиги ҳақида Довуд башорат қилганди*. ³² Ана шу Исони Худо тирилтириди, бунга ҳаммамиз гувоҳмиз. ³³ Худо Исони юксалтириб, Уни тахтининг ўнг томонига* ўтқазди. Отаси Худонинг ваъдаси бўйича Исо Муқаддас Руҳни қабул қилиб, Уни бизнинг устимизга ёғдириди. Буни ўзларингиз кўриб ва эшишиб турибсизлар. ³⁴⁻³⁵ Довуд осмонга чиқмаган бўлса-да, шундай деган эди:

«Эгамиз айтмоқда Раббимга:
Душманларингни оёқларинг остига пойандоз қилмагунимча,
Сен Менинг ўнг томонимда ўтиргин.»*

³⁶ Бутун Истроил халқи шуни аниқ билиб қўйсин: сизлар михлаган Исони Худонинг Ўзи жамики борлиқ устидан хукмдор қилди. Исо ҳам Масих*, ҳам Раббийдир.”

³⁷ Ҳалойиқ бу гапларни эшилди-ю, юраклари тилка-пора бўлди. Улар Бутрусадан ва қолган ҳаворийлардан:

— Биродарлар, энди биз нима қилайлик? — деб сўрадилар.

³⁸ Бутрус уларга деди:

— Тавба қилинглар, ҳар бирингиз Исо Масихнинг номи билан сувга чўминглар, токи гуноҳларингиз кечирилсин. Шунда сизлар Муқаддас Рӯҳни инъом қилиб оласизлар. ³⁹ Худо сизларга ва болаларингизга, узоқдагиларга, Эгамиз Худо Ўзига даъват этганларнинг ҳар бирига ваъдасини берган.

⁴⁰ Бутрус бошқа кўп далиллар билан уларга гувоҳлик бериб: “Ўзларингизни бу бузуқ насл устига келаётган жазодан сақланглар”, дея ўтинди. ⁴¹ Шундай қилиб, Бутруснинг айтган хабарига ишонганлар сувга чўмдирилди. Ўша куни имонлилар сони уч мингтага кўпайди. ⁴² Улар ҳаворийларнинг таълимотини ўрганишга, биродарликка, Раббимиз Исони хотирлаб, нон синдиришга* ва ибодатга ўзларини бағишладилар.

Имонлиларнинг ҳаёти

⁴³ Ҳаворийлар орқали Худо кўплаб мўъжизалар ва алматлар кўрсатарди, бундан эса ҳамма ҳайратга тушган эди. ⁴⁴ Барча имонлилар тез-тез йиғилишиб турар эдилар. Улар ҳамма нарсада ҳамжиҳат эдилар. ⁴⁵ Мол-мулкларини сотиб, пулини ҳар кимнинг эҳтиёжига қараб тақсимлаб берардилар. ⁴⁶ Имонлилар ҳар куни Маъбадда йиғилардилар. Бир-бирлариникига меҳмонга боргандга эса Раббимиз Исони хотирлаш учун нон синдирилар, соддадиллик билан, юракдан севиниб овқатланишарди. ⁴⁷ Худога ҳамду санолар айтардилар, халқнинг ҳурмату эътиборидан баҳраманд эдилар. Ҳар куни Эгамиз нажот топаётганларни имонлиларнинг қаторига қўшарди.

3-БОБ

Шол тиланчи шифо топади

¹ Бир куни Бутрус билан Юҳанно кундузи соат учларда* — ибодат вақтида Маъбадга кетаётган эдилар. ² Ўша пайтда Маъбад олдига бир шол одамни олиб келишди. Уни ҳар куни Маъбаднинг Гўзал деган дарвозасига келтириб қўйишарди, у эса тиланчилик қилиб, Маъбадга келган одамлардан садақа йиғарди. ³ Ўша одам Бутрус билан Юҳаннонинг келаётганини кўриб, садақа бериб кетинглар, деб ялинди. ⁴ Иккови унга тикилди. Шу пайт Бутрус:

— Бизга қара! — деди. ⁵ У одам бирон нарса олиш илинжида икковига диққат билан қаради. ⁶ Бутрус эса унга деди:

— Менинг пулим йўқ, аммо ўзимда бор нарсани сенга бераман. Носиралик Исо Масих номи билан сенга буюраман: ўрнингдан туриб юр!

⁷ Шундан кейин Бутрус шол одамни ўнг қўлидан ушлаб, ўрнидан туришига қўмаклашди. Шу заҳоти шол одамнинг оёқлари билан тўпиқлари мустаҳкам бўлди. ⁸ У сакраб турди-ю, юра бошлади. Кейин у юриб, сакраб, Худога ҳамду сано

айтиб, Бутрус ва Юҳанно билан бирга Маъбад ҳовлисига кирди.⁹ Юриб Худога ҳамду сано айтаётган бу одамни халқ кўриб,¹⁰ таниб қолди. Одамлар: “Гўзал дарвозаси ёнида ўтириб, садақа сўрайдиган одам-ку бу!” деб ҳайратланиб, юз берган воқеадан ҳайрон қолдилар.

Бутруснинг Маъбадда айтган нутқи

¹¹ Бутрус билан Юҳанно Сулаймон айвони* деган жойда турар эдилар. Шол одам икковининг қўлидан маҳкам ушлаб олган эди. Халқ ҳайрат ичидаги уларнинг олдига югуриб келди. ¹² Бутрус одамларни кўргач, уларга қарата нутқ сўзлади: “Эй Истроил халқи! Нега бунга ҳайрон бўляпсизлар? Худди биз ўз қудратимиз ёки художўйлигимиз билан бу одамга шифо бергандай, нега бизга тикилиб қаравапсизлар?¹³ Бу одамга ота-боболаримиз Иброҳим, Исҳоқ ва Ёқубнинг Худоси шифо берди. Шу орқали Худо Ўзининг Қули* Исони улуғлади. Аммо сизлар Исони тутиб бердингизлар. Пилат* Уни озод этишга қарор қилганда ҳам, сизлар Уни Пилатнинг ҳузурида рад этдингизлар.¹⁴ Ҳа, сизлар Муқаддас ва Солиҳ бўлган Исони рад қилиб, Унинг ўрнига бир қотилнинг озод бўлишини талаб қилдингизлар.¹⁵ Сизлар ҳаётга бошловчини ўлдирдингизлар. Аммо Худо Уни ўлиқдан тирилтириди. Биз бунга гувоҳмиз.¹⁶ Ўзларингиз кўриб-билиб турган мана бу одам Исонинг номига бўлган имони туфайли соппа-соғ турибди. Исо берган бу имон уни кўз ўнгингизда бутунлай соғайтириди.

¹⁷ Эй биродарлар, сизлар Ислама қилган бу ёмонлигинизни хукмдорларингиз каби, билмасдан қилганингизни биламан. ¹⁸ Аммо Худо пайғамбарларнинг оғзи билан айтган башоратини бу қилмишингиз орқали бажо қилди. Ахир, пайғамбарлар, Масиҳ азоб чекади, деб олдиндан айтган эдилар. ¹⁹ Энди тавба қилинглар, Худога юз буринглар, токи гуноҳларингиз кечирилсин. ²⁰ Шунда Эгамиз сизларга фароғат вақтини ато қиласи. У сизлар учун танланган Масиҳни — Исони юборади. ²¹ Худо Ўзининг муқаддас пайғамбарлари орқали азалдан эълон қилгандай, ҳамма нарсалар янгиланадиган давр келади. Аммо ўша давр келгунча Исо самода қолиши керак.

²² Мусо шундай деган эди: «Эгангиз Худо сизлар учун халқингиз орасидан менга ўхшаган бир пайғамбар чиқаради. Унинг айтган ҳар бир сўзига қулоқ солинглар.²³ Ўша пайғамбарга итоат этмайдиган ҳар ким Худонинг халқи орасидан ажратиб олиниб, ийӯқ қилинади.»* ²⁴ Ҳақиқатан ҳам, Шомуил ва ундан кейин келиб хабар берган ҳамма пайғамбарлар биз яшаётган бу кунлар ҳақида башорат қилган эдилар. ²⁵ Худонинг Ўз пайғамбарлари орқали берган ваъдалари сизлар учундир. Сизлар Худонинг Иброҳим орқали ота-боболарингиз билан тузган аҳдини ўзларингизга мерос қилиб оляпсизлар. Ахир, Иброҳимга Худо: «Сенинг зурриётинг* орқали ер юзидаги жамики халқлар барака топади», деб айтган эди. ²⁶ Худо Ўз Қули* Исони зоҳир қилгандан кейин, Уни биринчи бўлиб сизларнинг орангизга юборди. Чунки У ҳар бирингизни ёмон йўлдан қайтариб, сизларга барака бермоқчи.”

4-БОБ

Бутрус билан Юҳанно Олий кенгаш олдида

¹ Бутрус билан Юҳанно халқа гапириб турганларида, бир неча руҳонийлар*, Маъбад миршаббошиси* ва саддуқий* мазҳабининг баъзи аъзолари келдилар.

² Уларнинг қаттиқ жаҳли чиққан эди, чунки бу иккала ҳаворий халқга таълим бериб, Исо ўлиқдан тирилди, деб ваъз қилаётган эдилар. ³ Улар иккала ҳаворийни ушлаб, вақт кеч бўлгани учун эртаси кун эрталабгача қамоқда сақладилар. ⁴ Аммо

бу хабарни эшитганларнинг кўпчилиги имонга келди. Шундай қилиб, имонлиларнинг орасидаги эркакларнинг сони беш мингга етди.

⁵ Кейинги кун бош руҳонийлар*, йўлбошчилар, Таврот тафсирчилари* Куддусда йифилдилар. ⁶ Олий руҳоний Ханан*, Кајафас, Юҳанно, Искандар ва олий руҳоний оиласига мансуб бўлган бошқа эркаклар йифинда иштирок этдилар.

⁷ Улар иккала ҳаворийни ўртага турғизиб қўйиб, сўрадилар: “Буни қандай қудрат билан, кимнинг номидан қилдингизлар?”

⁸ Шунда Муқаддас Руҳга тўлган Бутрус уларга шундай деди: “Эй ҳалқ раҳнамолари ва йўлбошчилари! ⁹ Агар бир хаста одамга қилинган яхшилик туфайли биздан ҳисоб талаб қилаётган бўлсангиз ва бу одамнинг қандай қилиб соғайганини сўраётган бўлсангиз, ¹⁰ сизлар, эй Истроил ҳалқи, ҳаммаларингиз шуни билиб қўйингларки, мана бу одам Носиралик Исо Масиҳ номи билан тамомила соғайиб, олдингизда турибди. Исони сизлар хочга михлаган эдингизлар, Худо эса Уни ўлиқдан тирилтириди. ¹¹ Ахир, Исо тўғрисида Муқаддас битикларда шундай ёзилган:

«Эй бинокорлар, сиз рад этган тош
Бинонинг тамал тоши* бўлди.»*

¹² Нажот бошқа ҳеч кимдан келмайди. Унинг номи — бутун оламда нажот берадиган ягона номдир.”

¹³ Кенгаш* аъзолари Бутрус билан Юҳаннонинг жасоратини кўрдилар ва уларнинг ўқимаган, оддий одам эканликларини билиб, ҳайрон қолдилар. Бутрус билан Юҳанно Исонинг шериклари эканини англадилар. ¹⁴ Шифо топган одам ҳам иккала ҳаворий билан бирга турган эди. Шунинг учун ҳалқ раҳнамолари ва йўлбошчилари уни кўриб, икковининг гапларига қарши бирон сўз айта олмадилар.

¹⁵ Шундай қилиб, улар ҳаворийларга: “Мажлисхонадан чиқинглар”, деб буйруқ бердилар. Сўнгра ўзаро муҳокама қила бошладилар: ¹⁶ “Бу одамларни нима қиламиш? Бу ажойиб мўъжизани мана шу одамлар қилганини Куддусдаги ҳар бир одам билади, биз буни инкор эта олмаймиз. ¹⁷ Аммо бу хабар ҳалқ орасида янада ёйилиб кетишининг олдини олиш учун, бундан кейин Исонинг номи билан ҳеч кимга гапирмайсизлар, деб уларни огоҳлантириб қўямиз.”

¹⁸ Шундай қилиб, улар икковини чақирдилар ва: “Исонинг номи билан умуман гапирмайсизлар ёки таълим бермайсизлар”, деб буйруқ бердилар. ¹⁹ Бутрус билан Юҳанно эса уларга шундай жавоб қайтардилар: “Худодан кўра сизларга итоат этсак, Худонинг назарида тўғри бўладими? Ўзларингиз хулоса чиқараверинглар. ²⁰ Биз эса кўрганларимиз ва эшитганларимиз тўғрисида гапирмасдан тура олмаймиз.”

²¹ Шундай қилиб, Кенгаш аъзолари уларни охирги марта огоҳлантириб, қўйиб юбордилар. Уларни жазолаш учун ҳеч қандай сабаб топа олмагандилар, чунки бутун ҳалқ юз берган воқеани билиб, Худога ҳамду сано айтарди. ²² Ахир, мўъжизали аломат туфайли шифо топган одам қирқ йилдан ошиқ вақт давомида шол бўлган эди.

²³ Бутрус билан Юҳанно озод бўлишлари биланоқ, дўстларининг олдига қайтиб келдилар ва бош руҳонийлар билан йўлбошчиларнинг уларга айтган гапларини сўзлаб бердилар. ²⁴ Дўстлари бу гапларни эшитганларидан кейин, ҳаммалари биргалиқда баланд овозда Худога шундай деб ибодат қилдилар: “Эй Эгамиз! Сен осмон билан ерни, денгизни ва улардаги ҳамма мавжудотни яратгансан! ²⁵ Қулинг — бобомиз Довуд орқали Муқаддас Руҳинг билан шундай

дегансан:

«Нега қутуради халқлар?!
 Нега беҳуда фитна қилар элатлар?!
²⁶ Эгамизга ва Унинг Масиҳига қарши
 Замин шоҳлари саф тортдилар,
 Ҳукмдорлар Унга қарши бирлашдилар.»*

²⁷ Ҳақиқатан, Ҳирод* билан Пўнтий Пилат* ғайрияҳудийлар ва Истроил халқи билан бирга бу шаҳарда Сенинг муқаддас Қулинг*, Ўзинг Масиҳ қилиб танлаган Исога қарши тўпландилар*. ²⁸ Қудратинг ва хоҳиш-ироданг билан Ўзинг илгаридан қарор қилган ҳамма нарсани улар ижро этдилар. ²⁹ Энди, эй Эгамиз, уларнинг таҳдидларига қара! Сенинг сўзингни жасорат билан айтишимиз учун, биз, қулларингга куч бер. ³⁰ Қудратингни кўрсат, токи Муқаддас Қулинг* Исо номи билан хасталарга шифо берайлик, аломатлар ва мўъжизалар кўрсатайлик.”

³¹ Ҳаммалари ибодат қилиб бўлганларидан кейин, улар йиғилиб турган жой силкинди. Ҳаммалари Муқаддас Руҳга тўлиб, Худонинг сўзини жасорат билан гапирадиган бўлдилар.

Имонлилар мол-мулкларини тақсимлаб берадилар

³² Имонга келганлар яқдил ва ҳамжиҳат эдилар. Улардан биронтаси ўзига қарашли бирон нарсани “Бу меники”, деб айтмас, бор мол-мулкларини умумий деб билишарди. ³³ Ҳаворийлар буюк қудрат билан Раббимиз Исонинг тирилганига гувоҳлик берардилар. Худо уларнинг ҳаммаларига мўл-кўл мурувват кўрсатарди. ³⁴ Имонлиларнинг орасида биронта муҳтож одам йўқ эди. Дала ёки уй-жой эгалари бор нарсаларини сотардилар, сотувдан тушган маблағни олиб келиб, ³⁵ ҳаворийларнинг ихтиёрига берардилар. Пуллар одамларнинг эҳтиёжига қараб тақсимланарди. ³⁶ Имонлилар орасида Леви қабиласидан бўлган Юсуф исмли бир одам бор эди. У асли Кипрдан эди. Ҳаворийлар унга Барнабо, яъни “далда берувчи” деган ном берган эдилар. ³⁷ Юсуф ҳам даласини сотиб, пулини ҳаворийларга инъом қилди.

5-БОБ

Ханониё билан Сапфира

¹ Ханониё деган бир одам хотини Сапфира билан келишиб, мулкидан бир қисмини сотди. ² Ханониё пулнинг бир қисмини ўзига олиб қолди. Хотини бу ҳақда биларди. Ханониё пулнинг қолганини ҳаворийларга олиб бориб берди.

³ Бутрус ундан сўради:

— Ханониё, нимага шайтонга қалбингдан жой бериб, Муқаддас Руҳга ёлғон гапирединг? Ернинг пулидан бир қисмини олиб қолдинг-ку! ⁴ Мулкингни сотмасингдан олдин, у сеники эди, сотганингдан кейин ҳам, пул сеники эди. Бундай иш қилишга қандай журъат этдинг?! Сен одамларга эмас, балки Худога ёлғон гапирединг!

⁵ Ханониё бу сўзларни эшитиши биланоқ ерга йиқилиб жон берди. Бу воқеани эшитганларнинг ҳаммаси қаттиқ ваҳимага тушиб қолди. ⁶ Йигитлар келиб, унинг жасадини кафанладилар, кейин уни олиб чиқиб, дафн қилдилар.

⁷ Уч соатлардан кейин Ханониёнинг хотини келди. Юз берган ҳодисадан у бехабар эди. ⁸ Бутрус аёлдан сўради:

— Менга айт-чи, сен билан эринг ерларингизни фалон нархга

сотдингизларми?

— Ҳа, ўшанча нархга сотдик, — деб жавоб берди аёл. ⁹ Шунда Бутрус аёлга деди:

— Нима учун сизлар Эгамизнинг Руҳини синашга қарор қилдингизлар? Ана, эрингни дағн қилган одамлар эшикдан кириб келишяпти. Энди улар сени ҳам олиб чиқадилар.

¹⁰ Шу заҳоти аёл ҳам йиқилди-ю, жон берди. Йигитлар кириб келиб кўрдиларки, аёл жон берибди. Улар аёлни ҳам олиб бориб, эрининг ёнига дағн қилдилар. ¹¹ Бу воқеани эшитган одамлар ва бутун жамоат* ваҳимага тушиб қолди.

Мўъжизалар ва ажойиботлар

¹² Ҳаворийлар халқ орасида кўплаб мўъжизалар ва ажойиботлар кўрсатардилар. Ҳамма имонлилар Сулаймон айвонида* йиғилишарди. ¹³ Халқ уларга ғоят хурмат кўрсатар, бегоналардан ҳеч ким уларга қўшилишга журъат қилолмасди. ¹⁴ Аммо Раббимиз Исога имон келтириб, жамоатга қўшилган эркагу аёллар сони тобора кўпайиб бораверди. ¹⁵ Одамлар: “Бутрус йўлдан ўтаётгандা, унинг сояси буларнинг устига тушсин”, деб хасталарни кўчаларга олиб чиқишарди. Уларни чорпояларга, тўшакларга ётқизиб қўйишарди. ¹⁶ Бир талай оломон ҳам Қуддус атрофидаги қишлоқлардан келди. Улар ҳам хаста, ёвуз руҳлардан азоб чекаётганларни олиб келган эдилар. Хасталарнинг ҳаммаси шифо топди.

Ҳаворийлар қувғин қилинадилар

¹⁷ Шунда саддуқий мазҳабидан бўлган олий руҳоний ва унинг барча шериклари ҳаворийларга қаҳрини сочдилар. ¹⁸ Улар ҳаворийларни ҳибсга олиб, давлат қамоқхонасига ташладилар. ¹⁹ Аммо тунда Эгамизнинг бир фариштаси қамоқхона эшигини очди, ҳаворийларни ташқарига олиб чиқиб, шундай деди:

²⁰ — Боринглар, Маъбадда туриб, бу янги ҳаёт тўғрисидаги хабарни одамларга айтинглар.

²¹ Ҳаворийлар бу гапни эшитиб, аzonда Маъбад ҳовлисига кирдилар ва одамларга таълим бера бошладилар.

Олий руҳоний ва унинг ёрдамчилари Маъбадга келдилар ва Олий кенгашни, яъни ҳамма Истроил йўлбошчиларини чақиртирдилар. Ҳаворийларни олиб келиш учун қамоқхонага одам юбордилар. ²² Маъбад миршаблари бориб, қамоқхонада ҳаворийларни топа олмадилар. Улар қайтиб келиб, хабар бердилар:

²³ — Борсак, қамоқхона маҳкам қулфланган, соқчилар эшик олдида туришган экан. Аммо эшикларни очиб ичкарига кирганимизда, ичкарида ҳеч кимни топа олмадик.

²⁴ Маъбад миршаббоши* ва бош руҳонийлар бу сўзларни эшитиб, ҳаворийларга нима бўлди экан, деб ҳайрон бўлдилар. ²⁵ Шу пайт бир одам келиб, хабар берди:

— Сизлар қамоққа ташлаган одамлар Маъбад ҳовлисида турибдилар, одамларга таълим беряптилар.

²⁶ Миршаббоши билан миршаблар бориб, ҳаворийларни ҳибсга олдилар, аммо зўрлик қилмадилар. “Одамлар бизни тошбўрон қилмасин”, деб қўрқдилар.

²⁷ Улар ҳаворийларни олиб келиб, Олий кенгаш олдида турғизиб қўйдилар. Олий руҳоний уларга шундай деди:

²⁸ — Биз сизларга, бу Одамнинг номи билан таълим берманглар, деб қатъий тақиқламаганмидик?! Сизлар эса бутун Қуддус бўйлаб таълимотингизни ёйиб

юборибсиз! Бу Одамнинг қонини бизнинг гарданимизга юклаяпсизлар!

²⁹ Бутрус билан ҳаворийлар шундай жавоб бердилар:

— Биз инсонга эмас, Худога итоат этишимиз лозим. ³⁰ Сизлар Исони ёғочга* михлаб ўлдирган эдингизлар, ота-боболаримизнинг Худоси эса Уни тирилтириди.

³¹ Худо Исони юксалтириб, Ўзининг ўнг томонига ўтқазди*. Истроил халқи тавба қилисин, уларнинг гуноҳлари кечирилсин деб, Худо Исони Сарвар ва Нажоткор қилиб тайинлади. ³² Биз буларга гувоҳмиз, Муқаддас Рух ҳам гувоҳдир. Худо Муқаддас Рухни Унга итоат этадиганларга инъом қилган.

³³ Олий кенгаш бу гапларни эшитиб, ғазабга минди, ҳаворийларни ўлдирмоқчи бўлди. ³⁴ Олий кенгашда халқнинг ҳурматига сазовор бўлган бир Таврот тафсирчиси бор эди. Унинг исми Гамалиёл бўлиб, у фарзийлардан* эди. Гамалиёл ўрнидан туриб, ҳаворийларни қисқа вақтга ташқарига олиб чиқишларини буюрди. ³⁵ Шундан кейин у Олий кенгашга деди:

— Эй, Истроил йўлбошчилари, бу одамларни бирон нарса қилмоқчи бўлсангиз, эҳтиёт бўлинглар. ³⁶ Эсингизда бўлса, бир қанча вақт олдин Февдас деган одам буюкликка даъво қилганди. Ҳатто тўрт юзтacha одам унга эргашди. Аммо Февдас ўлдирилди, унинг издошлари тарқалиб, йўқ бўлиб кетди. ³⁷ Шундан кейин ахолини рўйхатга олиш пайтида пайдо бўлган Жалилалик Яҳудо бир қанча одамни ортидан эргаштириди. У ҳам ҳалок бўлди, унга эргашганларнинг ҳаммаси тарқалиб кетди. ³⁸ Шу боис сизларга айтяпман: бу одамларга қарши бирон ҳаракат қила кўрманглар. Уларни ўз ҳолига қўйинглар! Уларнинг режалари ва қилаётган ишлари инсонники бўлса, бу ишлари барҳам топади. ³⁹ Агар Худодан бўлса, сизлар уларни мағлуб қила олмайсизлар. Яна ўзларингиз Худога қарши жанг қилаётган бўлиб қолманглар.

⁴⁰ Шундай қилиб, Олий кенгаш Гамалиёлнинг маслаҳатига рози бўлди. Улар ҳаворийларни чақириб, қамчи билан савалатдилар, “Хеч қачон Исонинг номи билан гапирмайсизлар”, деб буйруқ бериб, қўйиб юбордилар.

⁴¹ Ҳаворийлар Олий кенгаш ҳузуридан хурсанд бўлиб чиқдилар, чунки улар “Худо бизни Исонинг номи учун ҳақоратланишимизга лойиқ ҳисоблади”, дер эдилар. ⁴² Улар ҳар қуни Маъбад ҳовлисида ва одамларнинг уйларида таълим берардилар. Исонинг Масиҳ экани тўғрисидаги Хушхабарни ваъз қилишда давом этавердилар.

6-БОБ

Хизматга танланган етти киши

¹ Шу вақт давомида шогирдларнинг сони ортиб бораверди. Аммо шу пайтда юонзабон ва орамийзабон* яхудий имонлилар орасида зиддият пайдо бўлди. Юонзабон яхудийлар: “Кундалик озиқ-овқат тақсимланганда, юонзабон бевалар эътибордан четда қоляптилар”, деб эътиroz билдирилар. ² Ўн икки ҳаворий жамики шогирдларни йиғиб, уларга шундай дедилар:

— Биз Худонинг каломини ваъз қилишни бир четда қолдириб, озуқа тарқатиш билан овора бўлишимиз нотўғри. ³ Биродарлар, орангиздан етти кишини танланглар. Улар обрў-эътиборга эга, Муқаддас Рухга ва доноликка тўлиб-тошган бўлсин. Уларни бу хизматга тайин этайлик. ⁴ Биз эса ўзимизни ибодатга ва Худо каломининг хизматига бағишлийлик.

⁵ Уларнинг гапи бутун жамоага маъқул бўлди. Жамоа имонга ва Муқаддас Рухга тўла Стефанни, шунингдек, Филип, Прохорус, Никанор, Тимон, Парменас ва илгари яхудий динига кирган* Антиохиялик Николасни танладилар. ⁶ Улар бу

одамларни ҳаворийларнинг олдига турғизиб қўйдилар. Ҳаворийлар уларга қўлларини қўйиб, ибодат қилдилар.

⁷ Шундай қилиб, Худонинг сўзи ёйилиб бораверди. Шогирдлар сони Қуддусда кўпайди. Руҳонийларнинг кўпчилиги имонга келдилар.

Стефан ҳибсга олинади

⁸ Стефан Худонинг марҳаматига ва илоҳий қудратга тўлган эди*. У халқ орасида ажойиб мўъжизалар ва аломатлар кўрсатди. ⁹ Аммо “Озод қилинган қуллар” деган синагога аъзоларининг баъзилари — Киринеяликлар, Искандарияликлар, шунингдек, Киликия ва Асияликлар Стефан билан баҳслаша бошладилар. ¹⁰ Муқаддас Рух Стефанга кўп донолик берди, шунинг учун улар Стефанинг гапларини инкор қила олмадилар. ¹¹ Шундан кейин синагога аъзолари баъзи одамларни гижгижлаб: “Стефан Мусога ва Худога қарши куфр сўзлар айтганини эшитдик”, деб айтишга кўндирилар. ¹² Шу йўл билан улар халқни, йўлбошчиларни, Таврот тафсирчиларини қайрадилар. Улар Стефанни ушлаб, Олий кенгашга олиб келдилар. ¹³ Шунда улар сохта гувоҳларни ёлладилар. Сохта гувоҳлар шундай дедилар: “Бу одам мана шу муқаддас Маъбадга ва қонунга қарши гаплар айтишдан тўхтамаяпти”. ¹⁴ Унинг айтишича, Носиралик Исо Маъбадни қулатар эмиш, Мусо бизларга берган урф-одатларни ўзгартираб эмиш.” ¹⁵ Олий кенгашда ўтирганлар Стефанга тикилиб қарадилар, унинг юзи худди фариштанинг юзига ўхшаш эканини кўрдилар.

7-БОБ

Стефанинг Олий кенгаш олдидағи нутқи

¹ Олий руҳоний Стефандан: “Шу гаплар ростми?” деб сўради. ² Стефан шундай жавоб берди: “Биродарлар, оталар! Менинг гапларимга қулоқ солинглар. Бобомиз Иброҳим ҳали Хоронда яшамасдан олдин — Месопотамияда* бўлган пайтда улуғвор Худо унга зоҳир бўлиб, ³ шундай деди: «Ўз юртингдан, қариндош-урӯғларинг олдида чиқиб кет. Мен сенга бир юртни кўрсатаман, ўша ерга борасан.»* ⁴ Шундан кейин Иброҳим Халдейлар юртини* тарқ этиб, Хоронга бориб ўрнашди. Иброҳимнинг отаси вафот этгач, Худо уни Хорондан ҳозир сизлар яшаб турган юртга кўчирди. ⁵ Худо Иброҳимга у ердан мулк бермади, ҳатто бир қарич ер ҳам бермади. Лекин Иброҳимга ва унинг наслига ўша юртни мулк қилиб беришни ваъда қилди. Ваҳоланки, ўша пайтда Иброҳимнинг фарзанди йўқ эди. ⁶ Худо унга шундай деди: «Сенинг наслинг бегона бир юртда мусофири бўлиб яшайди. Тўрт юз йил қул бўлиб, жабр-зулм тортади. ⁷ Аммо уларни қул қилиб оладиган халқни Мен жазолайман. Шундан кейин улар ўша юртдан чиқадилар ва бу ерда Менга сажда қиласидилар.»* ⁸ Кейин Худо унга суннат аҳдини* берди. Шундай қилиб, Иброҳимдан Исҳоқ туғилди. Исҳоқни саккиз кунлигига Иброҳим суннат қилди. Исҳоқдан Ёқуб туғилди, у ҳам суннат қилинди. Ёқубдан ўн икки қабила асосчилари туғилди, улар ҳам суннат қилинди.

⁹ Ёқубнинг ўғиллари ўзларининг укалари Юсуфга ҳасад қилиб, уни Мисрга сотиб юбордилар. Аммо Худо Юсуф билан бирга бўлиб, ¹⁰ уни ҳамма кулфатлардан сақлаб қолди. Худо Юсуфни шунчалик доно қилдики, у Миср фиръавнининг илтифотига сазовор бўлди. Фиръавн Юсуфни бутун Миср ва ўзининг хонадони устидан ҳоким қилиб тайинлади. ¹¹ Ўша даврда бутун Миср ва Канъон бўйлаб очарчилик тарқалди, кўп азоб-уқубатлар келиб чиқди. Ота-боболаримиз егулик топа олмай қолдилар. ¹² Ёқуб, Мисрда дон бор экан, деб эшишиб қолди. У ўғилларини, яъни бизнинг боболаримизни Мисрга биринчи бор

сафарга жүнатди.¹³ Улар Мисрға иккинчи марта борғанларида, Юсуф ақаларига ўзини танитди. Шундай қилиб, Юсуфнинг уруғ-аймоғи фиръавнга маълум бўлди.

¹⁴ Шундан кейин Юсуф отаси Ёқубни, ҳамма қариндош-уруғларини ёнига чақирди. Улар ҳаммаси бўлиб етмиш беш* киши эдилар. ¹⁵ Шундай қилиб, Ёқуб Мисрға кетди. Ёқуб ҳам, унинг ўғиллари, яъни ота-боболаримиз ҳам Мисрда вафот этдилар. ¹⁶ Уларнинг суюкларини Шакам шахрига олиб келиб, Иброҳимнинг мақбарасига қўйдилар. Бу мақбарани Иброҳим шакамлик Хамўрнинг ўғилларидан бир қанча кумушга сотиб олган эди.

¹⁷ Худонинг Иброҳимга берган ваъдаси амалга ошадиган пайт яқинлашгани сари, Мисрдаги халқимиз ғоят кўпайиб борар эди. ¹⁸ Мисрни бошқа ҳукмдор бошқара бошлади. У Юсуф тўғрисида ҳеч нарса билмасди. ¹⁹ Улар ота-боболаримизга найранг ишлатдилар. Ота-боболаримиз чақалоқларидан воз кечишларига тўғри келди, чақалоқлари ўлдирилди. ²⁰ Шу пайтда Мусо туғилган эди. У жуда чиройли бола эди. Ота-онасининг уйида Мусони уч ой парваришилаганларидан кейин ²¹ охири, воз кечишга мажбур бўлдилар. Фиръавнинг қизи Мусони сақлаб олиб, ўз ўғлидай тарбия қилди. ²² Мусога Мисрликларнинг илму маърифати ўргатилди, у сўзда ҳам, ишда ҳам буюк одам бўлди.

²³ Мусо қирқ ёшга кирганда, унинг юрагида қардошлари бўлган Истроил халқини кўриш орзузи туғилди. ²⁴ Мисрликлардан бири Истроил халқидан биттасига шафқатсизлик қилаётганини кўрганда, Мусо қардошини ҳимоя қилди. Мисрликни ўлдириб, қардошининг ўчини олди. ²⁵ Мусо: «Худо мен орқали халқимни озод қилмоқчи, буни халқим тушунса керак», деб ўйлади. Аммо улар тушунмадилар. ²⁶ Кейинги қуни Мусо Истроил халқидан иккитаси жанжаллашаётганини қўриб, уларни яраштироқчи бўлди: «Қулоқ солинглар, эй одамлар, ахир, сизлар биродарсизлар! Нега бир-бирингизни хафа қиласизлар?» ²⁷ Аммо қардошини хафа қилаётган одам Мусони туртиб деди: «Ким сени бизнинг устимииздан ҳукмдор ёки ҳакам қилиб қўйди? ²⁸ Кеча Мисрликни ўлдирганингдай мени ҳам ўлдирмоқчимисан?»* ²⁹ Мусо бу гапни эшитгач, Мисрдан қочиб кетди ва Мидиён юртида* мусофири бўлиб яшай бошлади. Бу юртда Мусо икки ўғил кўрди.

³⁰ Орадан қирқ йил ўтгач, Мусо саҳродағи Синай тоғи ёнида бўлганда, бута алангаси ичидаги унга бир фаришта* зоҳир бўлди*. ³¹ Мусо буни қўриб, ҳайрон бўлди. Яхшироқ қўриш учун бутага яқин борди. Шу пайт у Эгамизнинг овозини эшитди: ³² «Мен ота-боболарингиз — Иброҳим, Исҳоқ ва Ёқубнинг Худосиман.» Мусо қўрққанидан титраб, қарашга журъат этмади. ³³ Шунда Эгамиз Мусога деди: «Оёғингдаги чорифингни еч, чунки сен турган жой муқаддас ердир. ³⁴ Халқимнинг Мисрда чеккан азобларини кўрдим, уларнинг оҳ-воҳларини эшитдим. Мен уларни озод қилиш учун келдим. Энди кел, Мен сени Мисрға юбораман.»

³⁵ Мана шу Мусони халқ рад қилиб, унга: «Ким сени бизга ҳукмдор ва ҳакам қилиб қўйди?» деб айтганди. Худонинг Ўзи эса Мусони ҳукмдор ва халоскор қилиб юборди. У буни бута ичидаги зоҳир бўлган фаришта орқали амалга ошириди.

³⁶ Мусо Истроил халқини Мисрдан олиб чиқди. Мисрда, Қизил денгизда ва саҳрода қирқ йил давомида мўъжизалар ва аломатлар кўрсатди. ³⁷ Истроил халқига: «Худо сизлар учун ўз халқингиз орасидан менга ўхшаган бир пайғамбар чиқаради**», деб айтган ҳам ўша Мусо эди. ³⁸ Саҳрода Истроил халқи билан бирга яшаган Мусодир, Синай тоғида оталаримиз билан бирга турган, фаришта билан гаплашган ҳам удир. Бизга бериладиган Худонинг ҳаётбахш каломини Мусо фариштадан қабул қилди. ³⁹ Аммо ота-боболаримиз Мусога итоат этишни истамадилар. Аксинча, улар Мусони менсимай, кўнгилларида Мисрға қайтишга

мойил бўлдилар. ⁴⁰ Улар Ҳорунга шундай дедилар: «Биз учун худолар ясаб бер, улар бизни йўлда бошлаб борсин. Бизни Мисрдан олиб чиқсан Мусога нима бўлганини билмаймиз.»* ⁴¹ Ўша пайтда улар бузоқ тасвирини ясадилар, ўша бутга қурбонлик қилдилар. Шундай қилиб, қўлларининг ижоди олдида кўнгилхушлик қилдилар. ⁴² Шу сабабдан Худо улардан юз ўгириди, самовий жисмларга сажда қилишсин, деб уларни тарк этди. Зотан, пайғамбарлар китобида шундай ёзилган:

«Эй Истроил халқи, сизлар жуда кўп қурбонликлар келтирасизлар! Мен ота-боболарингизни қирқ йил сахрова олиб юрганимда, улардан шу қадар кўп қурбонлигу назрларни талаб қилмадим! ⁴³ Сизлар ўзингиз ясаган худоларга — Мўлаҳ ва Райфон* тасвиirlарига топиниб юрибсизлар. Шунинг учун Мен сизларни Бобил юртига сургун қиласман. Қани, энди туинглар! Мўлаҳнинг чодирини ва Райфоннинг тасвири бўлган юлдузни кўтариб олиб кетинглар.»*

⁴⁴ Саҳрова ота-боболаримизнинг Муқаддас аҳд чодири* бор эди. Бу Чодир, Худо Мусога буюргандай, У кўрсатган намуна бўйича ясалган эди. ⁴⁵ Кейинроқ ўша Чодир оталаримизга берилди. Оталаримиз Ёшуа билан кетгандарида Чодирни ўzlари билан олиб кетдилар. Ўшанда Худо қувиб юборган халқларнинг ерини оталаримиз тортиб олган эдилар. Чодир шоҳ Довуд замонигача ўша юртда оталаримиз билан қолди. ⁴⁶ Худонинг марҳаматига сазовор бўлган Довуд: «Ёкубнинг Худосига маскан* қуриб берай», деб Ундан изн сўради. ⁴⁷ Аммо Худога уйни Сулаймон қуриб берди. ⁴⁸ Ваҳоланки, Худойи Таоло инсон қўллари билан ясалган уйларда истиқомат қилмайди. Худо пайғамбар орқали айтгандай:

⁴⁹ «Осмон Менинг тахтимдир,
Ер оёғим тагидаги курсидир.
Менга қандай уй қуриб бера оласиз?!
— демоқда Эгамиз. —
Қайси жой Менга маскан бўла олади?!

⁵⁰ Ахир, ҳаммасини Ўз қўлларим билан яратганман.»*

⁵¹ Сизлар ўжар халқсиз! Эй юраклари, қулоқлари суннат қилинмаганлар!* Сизлар ҳам, ота-боболарингизга ўхшаб, ҳар доим Муқаддас Рухга қарши турасизлар. ⁵² Ота-боболарингиз пайғамбарларнинг ҳаммасини қувғин қилгандар! Солиҳ Зотнинг* келишини башорат қилгандарни улар ўлдирганлар! Энди эса сизлар Солиҳ Зотни сотиб, қатл қилдингизлар. ⁵³ Худонинг қонунини олган сизларсиз. Аммо ўша қонун сизларга фаришталар орқали берилганига* қарамай, сизлар унга риоя қилмадингизлар.”

⁵⁴ Олий кенгаш аъзолари Стефаннинг сўзларини эшишиб, ғазабга миндилар, ғазабдан тишларини ғижирлатдилар. ⁵⁵ Аммо Муқаддас Рухга тўлган Стефан осмонга тикилиб, Худонинг улуғворлигини кўрди. Исо Худонинг ўнг томонида* турар эди.

⁵⁶ “Қаранглар! — деди Стефан. — Мен осмон очилганини кўряпман. Инсон Ўғли* Худонинг ўнг томонида турибди!”

⁵⁷ Улар эса қўллари билан қулоқларини беркитиб олдилар, сўнг бирданига ҳаммалари овозлари борича бақириб, Стефанга ташландилар. ⁵⁸ Улар Стефанни шаҳар ташқарисига олиб чиқдилар ва тошбўрон қилдилар. Унга қарши гувоҳлик берганлар эса чопонларини Шоул* деган йигитнинг оёқлари остига қўйдилар.

⁵⁹ Улар Стефанни тошбўрон қилаётганларида, Стефан: “Эй Раббим Исо,

рухимни ол!” деб ибодат қилди. ⁶⁰ Сүнгра у тиз чўкиб, овози борича: “Эй Раббим Исо! Бу гуноҳни уларга юкламагин!” деб бақириб, жон берди.

8-БОБ

Шоул имонлилар жамоатини қувғин қиласи

¹ Стефаннинг ўлимини Шоул* маъқуллаган эди. Ўша кунданоқ Қуддусдаги имонлилар жамоати шафқатсиз қувғинлардан азоб чека бошлади. Ҳаворийлардан бошқа ҳамма имонлилар Яхудия ва Самария бўйлаб тарқалиб кетдилар.

² Тақводор одамлар Стефанни дағн қилдилар, у учун қаттиқ қайғуриб, аза тутдилар. ³ Шоул эса жамоатни йўқ қилиш пайига тушган эди. У уйма-уй юриб, эркагу аёл имонлиларни судраб олиб чиқар, уларни қамоқхонага ташлар эди.

Филип Самарияда ваъз қиласи

⁴ Имонлилар тарқалиб кетиб, Исо ҳақидаги хабарни ҳар жойларда ваъз қилиб юрадилар. ⁵ Филип* Самариянинг бош шаҳрига* бориб, у ердаги аҳолига Масиҳ тўғрисида ваъз қилди. ⁶ Филипни тинглаб турган ва қилган мўъжизаларини кўрган оломон унинг гапларига диққат билан қулоқ солди. ⁷ Ёвуз руҳлар кўп одамларнинг ичидан чинқириб чиқиб кетарди, кўплаб шол ва чўлоқ одамлар шифо топар эдилар. ⁸ Шундай қилиб, ўша шаҳарда катта шодлик ҳукм сурарди.

⁹ Шу ерда Шимўн деган бир одам яшарди. У анчадан бери сеҳр-жодулар қилиб, Самария аҳолисини ҳайратда қолдириб келарди. Шу тариқа у ўзини буюк одам қилиб кўрсатарди. ¹⁰ Шаҳардаги ҳар бир одам — каттаю кичик унинг гапларига диққат билан қулоқ солар, “Бу одам Худонинг қудратидир, у Буюк Қудрат деб ном олган”, деб айтарди. ¹¹ Шимўн узоқ вақт одамларни сеҳр-жодулари билан ажаблантириб келгани учун ҳам, одамлар унга диққат билан қулоқ солишарди. ¹² Аммо Филип Худонинг Шоҳлиги ва Исо Масиҳ тўғрисидаги Хушхабарни ваъз қилгандан кейин, одамлар Филипга ишондилар. Эркагу аёл сувга чўмдирилди. ¹³ Ҳатто Шимўн ҳам имонга келди. У сувга чўмдирилгандан кейин, юз бераётган аломатлару буюк мўъжизаларни кўриб, ҳайратда қолди ва Филипдан ажралмайдиган бўлди.

¹⁴ Қуддусдаги ҳаворийлар, Самария аҳолиси* Худонинг каломини қабул қилибди, деб эшигтанлари учун, Бутрус билан Юҳаннони уларнинг олдига юбордилар. ¹⁵ Бутрус билан Юҳанно бориб, Муқаддас Руҳни қабул қилиб олинглар, деб Самарияликлар учун ибодат қилдилар. ¹⁶ Чунки ҳали Муқаддас Руҳ уларнинг биронтасини ҳам қамраб олмаган эди. Улар фақат Раббимиз Исо номи билан сувга чўмдирилган эдилар, холос. ¹⁷ Шундан кейин Бутрус билан Юҳанно уларнинг устига қўлларини қўйдилар. Шу тариқа Самарияликлар Муқаддас Руҳни қабул қилдилар.

¹⁸ Шимўн кўрдики, одамларнинг бошларига ҳаворийлар қўлларини қўйганларида, Муқаддас Руҳ уларга бериларди. У Бутрус билан Юҳаннога пул таклиф қилиб, деди:

¹⁹ — Шу қудратдан менга ҳам беринглар, токи биронтасининг бошига қўлларимни қўйганимда, ўша одам Муқаддас Руҳни қабул қилсин.

²⁰ Аммо Бутрус шундай жавоб берди:

— Пулинг ўзинг билан бирга дўзахга равона бўлсин, чунки сен, Худонинг инъомини пулга сотиб олсан бўлади, деб ўйлайсан. ²¹ Бу ишда сенинг на улушкинг, на ҳақинг бор! Сенинг юрагинг Худо назарида тўғри эмас. ²² Энди тавба қилиб, бу фосиқ ниятингдан қайт, “Мени кечиргин”, деб Эгамизга ибодат қил, балки юрагингдаги ниятингни У кечирап. ²³ Кўриб турибман: юрагинг аччиқ зардага

тўла, ўзинг фосиқлик занжирига боғлангансан.

²⁴ Шимўн шундай жавоб берди:

— Мен учун Эгамизга ибодат қилинглар, тағин айтганларингиздан бири бошимга тушмасин.

²⁵ Бутрус билан Юҳанно у ерда гувоҳлик бериб, Раббимиз Исо ҳақидаги хабарни ваъз қилдилар. Шундан кейин Самариянинг кўп қишлоқларида Хушхабарни эълон қилиб, Куддусга қайтиб кетдилар.

Филип ва Ҳабашистонлик амалдор

²⁶ Шу орада Эгамизнинг бир фариштаси Филипга деди: “Қани, бўл, жанубга бор, Куддусдан Ғазога олиб борадиган саҳро йўлидан кет.” ²⁷ Филип йўлга чиқди, кетаётиб Ҳабашистонлик бир амалдорни учратиб қолди. У Ҳабашистон маликасининг* бош хазинабони лавозимидаги катта амалдор эди. У сажда қилгани Куддусга келиб, ²⁸ энди уйига қайтаётган эди. Амалдор аравада ўтирганича, Ишаё пайғамбар китобини ўқиб кетаётган эди. ²⁹ Муқаддас Руҳ Филипга: “Аравага яқинроқ бор, унинг ёнида юр”, деди. ³⁰ Филип югуриб, аравага етиб олди, амалдорнинг Ишаё пайғамбар китобини ўқиётганини эшилди. Филип:

— Ўқиётганингизни тушуняпсизми? — деб сўради.

³¹ — Биронтаси ёрдам бермаса, тушунармидим?! — деб жавоб берди амалдор. У Филипга: “Чиқ, ёнимга ўтири”, деб таклиф қилди. ³² Амалдор ўқиётган Муқаддас битиклар парчаси қуидагилар эди:

“Бўғизланишга олиб борилган қўйдай,
Жун қирқувчи олдида жим турган қўзидаидай
У миқ этмади, оғзини очмади.
³³ У хўрланди. Адолатдан маҳрум қилинди.
Унинг насли ҳақида ким ўйлади?
Ер юзида унинг ҳаётига чек қўйилди.”*

³⁴ Амалдор Филипдан сўради:

— Айт-чи, пайғамбар бу гапларни ким тўғрисида айтди — ўзи тўғрисидами ёки бошқа биронтаси тўғрисидами?

³⁵ Шундан кейин Филип тушунтира бошлади, Муқаддас битикларнинг шу қисмидан бошлаб, Исо ҳақидаги Хушхабарни амалдорга сўзлаб берди. ³⁶⁻³⁷ Улар йўлда кетаётганиларида, сув бор жойга келиб қолдилар. Шунда амалдор деди:

— Мана бу ерда сув бор экан. Сувга чўмдирилишимга нима халақит беради?!*

³⁸ Амалдор аравани тўхтатишга буюрди. Улар иккаласи — Филип билан амалдор сувга тушдилар, Филип уни сувга чўмдирди.

³⁹ Улар сувдан чиққанларидан кейин, Эгамизнинг Руҳи тўсатдан Филипни олиб кетди*. Амалдор уни қайтиб кўрмади, аммо хурсанд бўлганича, йўлида давом этди. ⁴⁰ Филип эса Азотус шахрида* пайдо бўлиб қолди. У Қайсарияга* келгунча, бутун ўлка бўйлаб ўтар экан, ҳамма шаҳарларда Хушхабарни эълон қилиб бораверди.

9-БОБ

Шоул имонга келади

¹ Шу орада Шоул* Раббимиз Исонинг шогирдларига қарши қаттиқ ўлим хавфини солиб юрарди. У олий руҳонийнинг ҳузурига бориб, ² Дамашқдаги синағогаларга хат ёзиб беришини сўради. У ерда эркак бўладими ёки аёлми —

Исонинг йўлидан юрувчиларни топиб олса, уларни боғлаб Қуддусга олиб келишга ижозат сўраган эди.³ Шоул Дамашққа яқинлашиб қолганда, бирдан осмондан тушган бир нур унинг ён–атрофини ёритиб юборди.⁴ Шоул ерга ийқилиб, шундай бир овозни эшилди:

— Шоул, Шоул! Нега Мени қувғин қиляпсан?

⁵ — Ё Ҳазратим!* Сиз кимсиз? — деб сўради Шоул.

— Сен қувғин қилаётган Иsoman, — деган жавоб келди*.⁶ — Энди ўрнингдан тур, шаҳарга кир. Нима қилишинг кераклиги сенга ўша ерда айтилади.

⁷ Шоулга ҳамроҳ бўлганларнинг тилларида бир сўз келмай, тўхтаб қолган эдилар. Улар овозни эшитардилар–у, аммо ҳеч кимни кўрмасдилар.⁸ Шоул ердан турди, кўзларини очди, аммо ҳеч нарсани кўра олмади. Улар Шоулни қўлидан ушлаб, Дамашқ шаҳрига олиб бордилар.⁹ Уч кунгача Шоулнинг кўзи кўрмади, шу кунлар давомида у на еди, на ичди.

¹⁰ Дамашқда Исонинг Ханониё деган шогирди бор эди. Раббимиз Исо ваҳийда унга зоҳир бўлиб: “Ханониё!” деб чақирди. “Лаббай, Раббим!” деб жавоб берди у.

¹¹ Раббимиз Исо Ханониёга деди:

— Ўрнингдан тур, Тўғри деб аталувчи кўчага бор. Яхудонинг уйидан Тарсуслик* Шоул деган одамни сўра. Ҳозир у ибодат қиляпти.¹² Унга ваҳий келган. Ваҳийда у Ханониё деган одамнинг келишини кўрган. Унинг кўзлари очилиши учун сен унга қўлларингни қўясан.

¹³ Ханониё эса шундай жавоб берди:

— Ё Раббим, мен у одам ҳақида кўпчиликдан эшилган эдим. У Қуддусдаги Сенинг азизларингга кўп ёмонлик қилган экан.¹⁴ Бу ерда ҳам у Сенинг номингни тилига оладиганларни қамаш учун бош руҳонийлардан ваколат олибди.

¹⁵ Раббимиз Исо эса унга шундай деди:

— Боравер, у Менинг танланган қуролимдир. У ғайрияҳудийлар орасида, шоҳлар ва Истроил халқи орасида номимни машҳур қиласди.¹⁶ У Менинг номим ҳақи қанчалар азоб чекиши кераклигини унинг ўзига кўрсатаман.

¹⁷ Шундай қилиб, Ханониё бориб, ўша уйга кирди. У Шоулга қўлини қўйиб, шундай деди:

— Биродарим Шоул! Йўлингда сенга зоҳир бўлган Раббимиз Исо мени бу ерга юборди, токи сенинг кўзларинг очилсин, Муқаддас Руҳга тўлгин.

¹⁸ Шу заҳоти балиқ тангачаларига ўхшаш нарса Шоулнинг кўзларидан тушди. У яна кўра бошлади. У ўрнидан туриб, сувга чўмдирилди.¹⁹ Овқат еб, қувватга кирди.

Шоул Дамашқда ваъз қилади

Шоул бир неча кун Дамашқдаги имонлилар билан бирга бўлди.²⁰ У тўғри синағогага бориб: “Исо Худонинг Ўғлидир*”, деб ваъз қила бошлади.²¹ Унинг ваъзини эшилганларнинг ҳаммаси ҳайрон бўлиб, шундай дейишарди: “Қуддусда Исонинг номини тилга олганларга қирғин келтирган одам шу эмасми? Унинг бу ерга келишдан мақсади — одамларни бош руҳонийлар олдига боғлаб олиб бориши эмасмикан?”²² Аммо Шоулнинг ваъзи тобора кучли бўлиб бораверди. У Исонинг Масиҳ эканини исбот этиб, Дамашқда яшайдиган яхудийларни эсанкиратиб қўйди.

²³ Бир қанча вақт ўтгандан кейин, яхудийлар Шоулни ўлдириш учун режа туздилар.²⁴ Шоул эса уларнинг режасидан хабар топди. уни ўлдириш учун шаҳар дарвозаларини кечаю кундуз қўриқлардилар.²⁵ Аммо Шоулнинг шогирдлари уни кечаси саватга солиб, шаҳар деворидаги деразадан* тушириб юбордилар.

Шоул Қуддусда

²⁶ Шоул Қуддусга боргандан кейин, Исонинг у ердаги шогирдлариға қўшилишга ҳаракат қилди. Аммо шогирдларнинг ҳаммаси ундан қўрқишаради. Шоул ҳам Исонинг шогирди бўлганига улар ишонмадилар. ²⁷ Шунда Барнабо* Шоулни ҳаворийларнинг олдига олиб борди. Шоул йўлда қандай қилиб Раббимиз Исо номи билан қандай ваъз қилганини ҳаворийларга ҳикоя қилиб берди.

²⁸ Шундай қилиб, Шоул улар билан қолди ва бутун Қуддус бўйлаб қўрқмасдан Раббимиз номи билан ваъз қилиб юрди. ²⁹ Шоул юнонзабон яхудийлар билан ҳам сухбатлашиб, улар билан мунозара қилди. Аммо улар Шоулни ўлдирмоқчи бўлдилар. ³⁰ Имонлилар бу тўғрида хабар топиб, Шоулни Қайсариягача* олиб келдилар, кейин уни Тарсус шаҳрига жўнатдилар.

³¹ Бутун Яхудия, Жалила ва Самариядаги имонлилар жамоати тинчликка эришиб, кучайиб бораверди. Жамоат Эгамиздан қўрқиб ва Муқаддас Руҳдан мадад олиб, кўпайиб бораверди.

Бутрус Лўд ва Яффада

³² Бутрус ҳамма ёқни айланиб, имонлиларни қўргани бораради. Бир сафар у Лўд шаҳрида* яшайдиган Худонинг азизлари хузурига ташриф буюрди. ³³ У ерда Бутрус Еней деган одам билан учрашиб қолди. Еней шол бўлиб, саккиз йилдан бери тўشاқдан тура олмас эди. ³⁴ Бутрус унга:

— Еней, Исо Масиҳ сенга шифо беряпти: ўрнингдан тур, тўшагингни йиғиб қўй! — деди. Еней шу заҳоти ўрнидан туриб кетди. ³⁵ Бутун Лўд шаҳри ва Шарон текислигининг аҳли Енейни қўриб, Раббимиз Исога юз бурди.

³⁶ Яффа шаҳрида* Исонинг бир шогирди бор эди. У аёлнинг исми Тавита бўлиб, юончада Дўркас* эди. У кўп хайрли ишлар қиласарди, муҳтожларга ёрдам берарди.

³⁷ Ўша пайтда у касал бўлиб, вафот этди. Унинг жасадини ювиб, болохонага қўйдилар. ³⁸ Лўд шаҳри Яффа шаҳрига яқин эди. Шогирдлар Бутрус у ерда эканини эшитдилар ва унинг олдига икки кишини юбориб: “Илтимос, ҳаялламай биз томонга келинг”, деб хабар юбордилар. ³⁹ Бутрус ўрнидан турди-ю, улар билан кетди. Бутрус етиб келгач, уни болохонага олиб чиқдилар. Ҳамма бевалар Бутрусларнинг ёнида йиғлаб турганларича, камзуллар ва бошқа кийимларни қўрсатиб: “Тавита* тириклигида буларни тиккан эди”, дердилар. ⁴⁰ Бутрус уларни ташқарига чиқариб юборди. Шундан кейин у тиз чўкиб, ибодат қилди-да, жасадга ўгирилиб: “Тавита, тур ўрнингдан!” деди. Шунда Тавита кўзларини очди, Бутрусларни қўриб, қаддини ростлаб ўтиради. ⁴¹ Бутрус қўлини Тавитага узатиб, ўрнидан туришига ёрдамлашди. Кейин Худонинг азизларини ва беваларни чақириб, тирилган аёлни қўрсатди. ⁴² Бу воқеа бутун Яффага маълум бўлди ва кўпчилик Раббимиз Исога имон келтирди. ⁴³ Бутрус анча вақт Яффа шаҳрида Шимўн деган бир кўнчининг* уйида турди.

10-БОБ

Бутрус ва Корнилий

¹ Қайсарияда* Корнилий деган бир одам бор эди. У Рим лашкаридаги “Италия” номли бўлинмада юзбоши эди. ² Корнилий тақводор одам бўлиб, унинг ўзи ҳам, оиласи ҳам Худодан қўрқарди*. У камбағал яхудийларга кўп хайр-садақа берар, доимо Худога ибодат қиласарди. ³ Бир куни соат учларда* унга ваҳий келди. Худонинг фариштаси кириб келаётганини у аниқ қўрди. Фаришта: “Корнилий!” деб чақирди.

⁴ Корнилий қўрқув ичида унга тикилиб қараб:

— Лаббай, Ҳазрат! — деди.

Фаришта унга шундай деди:

— Сенинг ибодатларинг ва хайр-садақаларинг Худога маъқул бўлди. ⁵ Энди Яфлага одам юбориб, Бутрус деган одамни* чақиртириб кел. ⁶ Бутрус бир кўнчининг* уйида меҳмон бўлиб туриби. Шимўн исмли ўша кўнчининг уйи денгиз бўйида*.

⁷ Корнилийга гапирган фаришта кетди. Корнилий хизматкорларидан иккитасини ва унга хизмат қиласиган тақводор, ишончли бир аскарини чақирди.

⁸ Рўй берган ҳодисани уларга айтиб бериб, уларни Яфлага жўнатди.

⁹ Кейинги кун туш пайтида* улар йўлда давом этиб, шаҳарга яқинлашганларида, Бутрус ибодат қилгани томга чиққан эди*. ¹⁰ У очқаб, бирон нарса тановул қилгиси келди. Овқат тайёрланаётганда, Бутруслга ваҳий келди. ¹¹ У осмон очилганини, катта дастурхонга ўхшаш бир нарса тўрт бурчагидан осилган ҳолда ерга тушиб келаётганини кўрди. ¹² Унинг ичида турли ҳайвонлар, судралиб юрувчилар ва қушлар бор эди. ¹³ Шу пайт у: “Ўрнингдан тур, Бутрус, сўйиб егин” деган овозни эшилди. ¹⁴ Аммо Бутрус деди:

— Асло ундей қилмайман, Эгам! Мен ҳеч қачон ҳаром ёки нопок нарсаларни* емаганман!

¹⁵ Ўша овоз яна Бутруслга: “Худо ҳалол деб айтган нарсаларни сен ҳаром демагин”, дея гапирди. ¹⁶ Бу суҳбат уч марта такрорланди. Шунда дастурхон бирдан осмонга олинди.

¹⁷ Бутрус, бу ваҳийнинг маъноси нима экан, деб эсанкираб турганда, Корнилий юборган одамлар келиб қолдилар. Улар кўнчи Шимўннинг уйи қаердалигини билиб олиб, дарвоза олдида турган эдилар. ¹⁸ Улар баланд овоз билан:

— Бутрус деган меҳмон шу ердами? — деб сўрадилар.

¹⁹ Бутрус ҳали ҳам ваҳий ҳақида ўйлаб ўтирган эди. Шунда Муқаддас Рух унга деди:

— Қара, учта одам сени излаб келди. ²⁰ Энди ўрнингдан тур, пастга туш, ҳеч иккиланмай улар билан бирга бор. Уларни Мен жўнатганман.

²¹ Шундай қилиб, Бутрус пастга тушиб, уларга деди:

— Сизлар излаётган одам менман. Нима сабабдан келдингизлар?

²² — Бизни Рим юзбошиси Корнилий жўнатди, — деб жавоб берди улар. — У солиҳ, Худодан қўрқадиган одам, бутун яхудий халқи орасида катта обрўга эга. Худонинг фариштаси унга: “Бутрусни уйингга таклиф қил, унинг айтганларини эшилгин”, деб айтиби.

²³ Шундан кейин Бутрус уларни ичкарига таклиф этиб, меҳмон қилди.

Кейинги куни Бутрус улар билан бирга йўлга отланди. Яффалик баъзи имонлилар Бутрус билан бирга кетдилар. ²⁴ Эртаси куни улар Қайсарияга кириб келдилар. Корнилий уларни кутаётган эди. У қариндошлари ва яқин дўстларини таклиф қилган эди. ²⁵ Бутрус уйга кириб, Корнилийга рўпара келди. Шунда Корнилий Бутрусларинг оёқларига бош уриб, унга таъзим қилди. ²⁶ Аммо Бутрус унга:

— Ўрнингдан тур, мен ҳам бир бандаман, — деб уни турғизиб қўйди.

²⁷ Бутрус у билан гаплашаркан, ичкарига кирди ва у ерда бир талай одам тўпланганини кўрди. ²⁸ Бутрус уларга шундай деди:

— Ўзларингиз биласизларки, яхудий одам бошқа халқдан бўлган одам билан алоқа боғлаши, уникига бориши қонунимизга хилофдир. Аммо Худо энди менга ҳеч бир кимсани ҳаром ёки нопок деб ҳисобламасликни аён қилди. ²⁹ Шунинг

учун менга одам юборганингизда, ҳеч қандай эътиroz билдиrmай келдим.
Энди билсам бўладими, нима учун мени чақиридингизлар?

³⁰ Корнилий шундай жавоб берди:

— Тўрт кун илгари худди шу пайтда — соат учларда уйимда ибодат қилаётган эдим. Бирдан* рўпарамда оппоқ кийим кийган бир одам пайдо бўлди. ³¹ У менга шундай деди: “Корнилий, сенинг ибодатинг Худога етиб борди, хайр-садақаларингни У маъқул кўрди. ³² Энди Яфлага одам юбориб, Бутрус деган одамни чақириби кел. У Шимўн исмли қўнчининг уйида меҳмон бўлиб турибди. Шимўннинг уйи денгиз бўйида*.” ³³ Шунинг учун дарҳол сизга одам юбордим, сиз ҳам олижаноблик қилиб, келдингиз. Эгамиз сизга айтишни буюрган ҳамма нарсани эшитиш учун энди ҳаммамиз Худонинг ҳузурида тўпландик.

Ғайрияҳудийлар Ҳушхабарни эшитадилар

³⁴ Бутрус уларга гапира бошлади:

— Ҳақиқатан ҳам, Худо тарафкашлик қилмаслигини биламан. ³⁵ Ҳар бир элатда Худодан қўрқадиган ва тўғри ишларни қиласидиган ҳар бир одам Унга маъқулдир. ³⁶ У Истроил ҳалқига юборган ҳабарни биласизлар. Тинчлик келтирадиган бу Ҳушхабарни Худо Исо Масиҳ орқали эълон қилди. Исо Масиҳ ҳамманинг Раббийсидир. ³⁷ Яхудия бўйлаб нималар юз берганини биласизлар. Бу ҳодисаларнинг ҳаммаси Яхёнинг чўмдирилиш тўғрисидаги ҳабаридан кейин Жалила ҳудудида бошланган эди. ³⁸ Худо Носиравлик Исони Муқаддас Рух ва куч-қудрат билан қандай тўлдирганини биласизлар. Исо ҳамма ёққа бориб, яхши ишлар қилди, иблиснинг ҳукмронлигидан азоб чекканларни шифолади, чунки Худо У билан эди. ³⁹ У Яхудия ва Қуддусда қилган ишларнинг ҳаммасига биз гувоҳмиз. Шундан кейин Исони ёғочга* михлаб, ўлдирдилар. ⁴⁰ Аммо Худо Уни учинчи куни тирилтириб, зоҳир қилди. ⁴¹ Исо ҳаммага эмас, фақат бизга зоҳир бўлди. Чунки Худо бизни Исо ҳақида гувоҳлик беришимиз учун танлаганди. Исо тирилгандан кейин биз У билан еб-ичдик. ⁴² У бизга: “Ҳалқларга ваъз қилиб, гувоҳлик беринглар. Ўликлар ва тирикларни ҳукм қилиш учун Худо Мени тайинлаганини уларга айтинглар”, — деб буюреди. ⁴³ Барча пайғамбарлар ҳам Исо тўғрисида гувоҳлик берган эдилар. Исога ишонган ҳар бир одамнинг гуноҳлари Унинг номи туфайли кечирилади, деб айтган эдилар.

Ғайрияҳудийлар Муқаддас Рухни қабул қиласидилар

⁴⁴ Бутрус ҳамон гапиран экан, унинг сўзларини эшитаётганларни Муқаддас Рух қамраб олди. ⁴⁵ Худо ғайрияҳудийларга ҳам Муқаддас Рухни инъом қилиб берганини Бутрус билан бирга келган яхудий имонлилар* кўриб ҳайратда қолдилар. ⁴⁶ Чунки ғайрияҳудийлар бошқа* тилларда гаплашаётганини ва Худони улуғлаётганларини улар эшитиб турадилар. Шунда Бутрус деди:

⁴⁷ — Бу одамлар, худди биз сингари, Муқаддас Рухни қабул қиласидилар. Шундай экан, уларнинг сувга чўмдирилишига ким тўсқинлик қила олади?!

⁴⁸ Шундай қилиб, Бутрус уларга, Исо Масиҳ номи билан сувга чўминглар, деб буйруқ берди. Сўнг улар Бутрусдан бир неча кун қолишини илтимос қиласидилар.

11-БОБ

Қуддусдаги имонлилар жамоатига Бутруснинг ҳабари

¹ Ҳаворийлар ва Яхудиядаги имонлилар: “Ғайрияҳудийлар ҳам Худонинг қаломини қабул қилибдилар” деган ҳабарни эшитдилар. ² Бутрус Қуддусга боргандা, яхудий имонлилар* унга таъна қиласидилар:

³ — Сиз суннатсиз одамларнида меҳмон бўлибсиз, улар билан бирга еб-иҷибсиз!

⁴ Шунда Бутрус уларга юз берган воқеани батафсил тушунтира бошлади:

⁵ — Мен Яфға шахрида ибодат қилаётган эдим, бир пайт хушимдан кетиб, ваҳий кўрибман. Осмондан катта дастурхонга ўхшаш бир нарса тўрт бурчагидан осилган ҳолда олдимга тушиб келди. ⁶ Мен ўша нарсанинг ичига яхшилаб қарадим ва унда турли хил чорва ва ёввойи ҳайвонларни, судралиб юрувчилар ва қушларни кўрдим. ⁷ Ўшанда бир овоз менга: “Тур, Бутрус, сўйиб егин” деганини эшилдим. ⁸ Мен шундай жавоб бердим: “Асло ундай қилмайман, Эгам! Мен ҳеч қачон ҳаром ёки нопок нарсаларни* оғзимга олмаганман!” ⁹ Аммо ўша овоз иккинчи марта эшитилиб: “Худо ҳалол деб айтган нарсаларни сен ҳаром деб айтмаслигинг керак”, деб осмондан гапирди. ¹⁰ Бу суҳбат уч марта такрорланди. Шунда дастурхонга ўхшаш ўша нарса яна осмонга олинди. ¹¹ Худди шу пайтда Қайсариядан юборилган учта одам мен турган уйга етиб келган эди. ¹² Муқаддас Рӯҳ менга: “Ҳеч иккиланмай бу одамлар билан бирга бор”, деб айтди. Бу олти биродар мен билан бирга бориб, ўша одамнинг уйига кирди. ¹³ У одам уйида фаришта пайдо бўлганини, унинг ўзи бу фариштани кўрганини бизга сўзлаб берди. Фаришта унга шундай дебди: “Яффага одам юбориб, Бутрус деган одамни* чақиртириб кел. ¹⁴ У сенга айтадиган хабар орқали ўзинг ва оиланг нажот топасизлар.” ¹⁵ Мен гапимни бошлишим биланоқ, Муқаддас Рӯҳ олдин бизни қамраб олгани сингари, уларни ҳам қамраб олди. ¹⁶ Шунда мен Раббимиз Исонинг: “Ҳё сувга чўмдирган эди, сизлар эса Муқаддас Рӯҳга чўмдириласизлар” деган сўзларини эсладим*. ¹⁷ Биз Раббимиз Исо Масиҳга имон келтирганимизда, Худо бизга берган инъомни уларга ҳам берган бўлса, мен ким бўлибманки, Худога қаршилик қилсам?!

¹⁸ Улар бу сўзларни эшитиб, жим бўлиб қолдилар. Сўнг Худога ҳамду сано айтиб:

— Худо ҳатто ғайрияҳудийларни ҳам ҳаётга элтадиган тавбага олиб борибди,
— дедилар.

Антиохиядаги имонлилар жамоати

¹⁹ Стефан ўлдирилгандан кейин бошланган қувғинлар оқибатида имонлилар Финикия, Кипр ва Антиохияга тарқалиб кетдилар. Улар Исо ҳақидаги хабарни яхудийлардан бошқа ҳеч кимга айтмасдилар. ²⁰ Уларнинг орасида Кипр ва Киринеядан Антиохияга* келган баъзи имонлилар бор эди. Улар Раббимиз Исо тўғрисида у ердаги ғайрияҳудийларга* ҳам ваъз қилдилар. ²¹ Эгамизнинг қудрати уларда бор эди, шунинг учун кўпчилик имонга келиб, Раббимизга юз бурди. ²² Бу янгилик Куддусдаги имонлилар жамоатига етиб келди. Жамоатдагилар Барнабони Антиохияга жўнатдилар. ²³ У келиб, Худонинг марҳаматини кўрганидан хурсанд бўлди. Ҳаммага: “Чин юракдан Раббимиз Исога садоқатингизни сақлаб қолинглар”, деб насиҳат қилди. ²⁴ У Муқаддас Рӯҳга ва имонга тўла, олижаноб одам эди. Жуда кўп одамлар Исони Раббим деб имонга келдилар.

²⁵ Шундан кейин Барнабо Шоулни* излаб Тарсус шаҳрига кетди. У Шоулни топгандан кейин, уни Антиохияга олиб келди. ²⁶ Шундай қилиб, Барнабо билан Шоул бир йил давомида у ердаги жамоат билан бир жойга йиғилиб, бир қанча одамларга таълим бердилар. Шогирдларга биринчи марта Антиохия шахрида “масиҳийлар” деб ном берилди.

²⁷ Ўша пайтда Куддусдан Антиохияга пайғамбарлар келдилар. ²⁸ Улардан бири — Хагабус дегани ўртага чиқиб, бутун оламда қаттиқ очарчилик бўлишини

Муқаддас Рух орқали башорат қилди. (Унинг башорати Қайсар* Клавдий* хукмронлиги даврида амалга ошди.)²⁹ Шогирдлар, имконимиз борича Яхудияда яшайдиган имонли биродарларимизга ёрдам жўнатамиз, деб қарор қилдилар.³⁰ Улар айтганларини қилиб, Барнабо ва Шоул орқали Куддусдаги жамоат оқсоқолларига ҳадялар юбордилар.

12-БОБ

Ёқуб ўлдирилади, Бутрус қамоқقا ташланади

¹ Худди шу пайтда шоҳ Ҳирод* имонлилар жамоатининг баъзи аъзоларини қувғин қила бошлади. ² У Юҳаннонинг акаси Ёқубни* қилич билан ўлдирирди. ³ Ҳирод кўрдики, бу яхудийларга маъқул келяпти, шундай қилиб, у Бутрусларни ҳисбса олди. Бу воқеа Ҳамиртурушиз нон байрами кунларида юз берди. ⁴ У Бутрусларни қаматиб, тўрт кишидан иборат тўрт гуруҳ аскарни қоровул қилиб қўйди. Фисиҳ байрамидан^{*} сўнг уни халқнинг олдига олиб чиқиб, ҳукм қилишни режалаштирган эди. ⁵ Бутрусларни ҳисбса экан, жамоат у учун Худога чин дилдан ибодат қилди.

Бутрус қамоқдан қутулади

⁶ Ҳирод Бутрусларни халқ олдига олиб чиқмоқчи бўлди. Ўша кундан олдинги тунда Бутруслар икки соқчи ўртасида ухлаётган эди. У иккита занжир билан кишанланган, қамоқхона эшигига соқчилар навбатчилик қилишарди. ⁷ Бирдан Эгамизнинг фариштаси зоҳир бўлиб, хужрада нур порлаб кетди. Фаришта Бутрусларни ёнбошига туртиб уйғотди ва: “Тезда ўрнингдан тур!” деди. Шунда кишанлар Бутрусларни билакларидан тушиб кетди. ⁸ Фаришта унга:

— Камарингни боғла, чоригингни кий, — деди. Бутруслар айтилгандай қилди. Кейин фаришта унга:

— Чопонингни кийиб, ортимдан юр, — деди. ⁹ Бутруслар фариштага эргашиб, қамоқхонадан чиқди. Аммо у фариштанинг бу ишлари ҳақиқат эканини англамасдан, “ваҳий кўряпман, шекилли”, деб ўйларди. ¹⁰ Улар биринчи ва иккинчи дарвоза соқчилари олдидан ўтгандан кейин, шаҳарга олиб борадиган темир дарвоза олдига келдилар. Дарвоза ўз-ӯзидан уларга очилди. Улар ташқарига чиқиб, сўқмоқ бўйлаб кетдилар. Бирдан фаришта Бутрусларни олдида кўздан ғойиб бўлди. ¹¹ Бутрусларни заҳоти ўзига келиб: “Энди ишончим комилки, Эгамиз йўзининг фариштасини юбориб, мени Ҳироднинг қўлидан, яхудий халқининг адватидан кутқарибди”, деди.

¹² Бутрусларни англаб, Марямнинг уйига йўл олди. Марям Юҳаннонинг онаси эди. Юҳаннонинг иккинчи исми Марк эди. Марямнинг уйида кўпчилик тўпланиб, ибодат қилишаётган экан. ¹³ Бутрусларни дарвозани тақиллатган эди, Рода исмли қиз хабар олгани чиқди. ¹⁴ Қиз Бутрусларни овозини танигач, шунчалик хурсанд бўлиб кетдик, дарвозани очиш ўрнига, ичкарига югуриб кирди-да, Бутрусларни олдида турибди, деб эълон қилди. ¹⁵ Улар қизга:

— Ақлингни еб қўйибсан, — дедилар. Аммо қиз гапида туриб олгач, улар:
— У Бутрусларни фариштаси*, — деб жавоб бердилар.

¹⁶ Бутрусларни дарвозани тақиллатища давом этди. Улар дарвозани очиб, Бутрусларни кўрдилар-у, ҳайрон бўлиб қолдилар. ¹⁷ Бутрусларни “жим” деган ишорани қилди ва Эгамиз уни қандай қилиб зиндандан озод қилганини сўзлаб берди. Сўнгра “Бу воқеани Ёқубга* ва бошқа имонлиларга айтинглар”, деб қўшиб қўйди. Шундан кейин Бутрусларни ердан чиқиб, бошқа ерга борди.

¹⁸ Тонг отгач, ваҳимали шовқин-сурон кўтарилди. Аскарлар бир-биридан:

“Бутрус қаерга ғойиб бўлди?” деб сўрардилар. ¹⁹ Ҳирод Бутрусни излашга буйруқ берди, аммо уни топа олмадилар. Ҳирод соқчиларни сўроқ қилиб, уларни ўлимга маҳкум қилди.

Ҳироднинг ўлими

Шундан кейин Ҳирод Яхудиядан Қайсарияга* бориб, ўша ерда туриб қолди.

²⁰ Шоҳ Ҳирод Тир ва Сидон аҳолисидан қаттиқ ғазабланди. Бу шаҳарлар озиқ-овқат бўйича Ҳироднинг шоҳлигига қарам бўлгани учун, Тир ва Сидон вакиллари маслаҳатлашиб, Ҳирод билан қўришгани келдилар. Улар сарой нозири Бластусни ўз томонига оғдириб олганларидан кейин, Ҳирод билан сулҳ тузмоқчи эдилар.

²¹ Ҳирод уларни қабул қиласидиган куни шоҳона либосларини кийиб, тахтига ўтириди-да, уларга нутқ сўзлади. ²² Одамлар унинг бу нутқини эшитиб: “Инсон эмас, балки худо гапиряпти!” деб хитоб қилдилар. ²³ Ҳирод Худони шарафламагани учун ўша заҳотиёқ Эгамизнинг фариштаси уни урди. Ҳирод қуртларга емиш бўлиб оламдан ўтди.

²⁴ Худонинг каломи эса тобора ёйилиб, Исога эргашувчилар кўпайиб борарди.

²⁵ Барнабо билан Шоул* Куддусда топшириқни бажариб бўлишгач*, Антиохияга қайтдилар. Улар ўзлари билан бирга Юҳаннони ҳам олиб келдилар. Юҳаннонинг иккинчи исми Марк эди.

13-БОБ

Барнабо билан Шоул сафарга жўнатилади

¹ Антиохиядаги имонлилар жамоатида пайғамбарлар ва муаллимлар ҳам бор эди. Барнабо, Қорача лақабли Шимўн, Киринеялик Лукиёс, вилоят ҳукмдори* Ҳирод* билан бирга ўсган Манаҳим ва Шоул* шулар жумласидан эди. ² Улар Эгамизга сажда қилиб, рўза тутар эканлар, Муқаддас Рух уларга шундай деди: “Барнабо билан Шоулни Менга бағишлианглар, токи улар Мен тайинлаган ишни бажарсинглар.” ³ Улар рўза тутиб, ибодат қилдилар, сўнг қўлларини Барнабо билан Шоулга қўйиб, икковини сафарга жўнатдилар.

Кипрда

⁴ Муқаддас Рух буйруғига кўра, Барнабо билан Шоул йўлга тушдилар*. Улар Селевкия шаҳрига* бориб, у ердан кемада Кипрга сузиб кетдилар. ⁵ Саламис шаҳрига келганларидан кейин, яхудийларнинг синағогаларида Худонинг каломини ваъз қилдилар. Юҳанно* ҳам улар билан бирга бўлиб, хизматда ёрдам берар эди.

⁶ Улар бутун оролни у бошидан бу бошигача кезиб чиқиб, Пафос шаҳрига келдилар. У ерда Барёшуа деган сеҳргарга дуч келдилар. У одам яхудийларнинг сохта пайғамбари эди. ⁷ Барёшуа оролнинг ҳокими Сергиюс Павлуснинг* яқинларидан бири эди. Сергиюс Павлус ақлли одам эди. У Барнабо билан Шоулни ҳузурига чақириб, Худонинг каломини эшиитмоқчи бўлди. ⁸ Аммо сеҳргар Элимос Барнабо билан Шоулга қарши чиқди. (Элимос Барёшуанинг яна бир исми бўлиб, юончада “сеҳргар” демакдир.) Элимос ҳокимни имондан тойдиришга ҳаракат қилди. ⁹ Шоул, яъни Павлус*, Муқаддас Рухга тўлиб, сеҳргарга тик боқиб ¹⁰ деди:

— Эй иблис ўғли! Сен ҳар қандай ҳақиқатнинг душманисан, юрагинг айёрлик ва ярамасликларга тўла. Эгамизнинг тўғри йўлини бузиб кўрсатишни қачон бас қиласан?! ¹¹ Энди эшит: Эгамизнинг қўли сенга қарши кўтарилган, сен маълум бир вақтгача кўр бўлиб қоласан, қуёш нурини кўрмайсан.

Шу заҳоти Элимоснинг кўзи олди хиралашиб, қоронғи бўлди. Элимос у ёқ-бу

ёқни пайпаслаб, қўлидан етаклаб юрадиган биронтасини излади. ¹² Ҳоким юз берган воқеани кўриб, имонга келди, чунки у Раббимиз Исо ҳақидаги таълимотдан ҳайратга тушган эди.

Писидиядаги Антиохия шаҳрида

¹³ Павлус билан унинг ҳамроҳлари Пафос шаҳридан сузиб, Памфилиядаги Перга шаҳрига келдилар. Юҳанно* шу ерда уларни тарқ этиб, Қуддусга қайтди.

¹⁴ Қолганлар эса Пергадан жўнаб, Писидиядаги Антиохия шаҳрига келдилар.

Шаббат куни улар синагогага кириб ўтиришди. ¹⁵ Таврот ва Пайғамбарлар битикларидан* қироат тугагач, синагоганинг йўлбошчилари: “Биродарлар, агар бизга бирор насиҳатингиз бўлса, марҳамат”, деб уларга хабар юбордилар.

¹⁶ Павлус ўрнидан туриб, қўли билан “жим” деган ишорани қилди, сўнг сўз бошлади: “Эй Истроил халқи! Худодан қўрқадиган* бошқа халқлар, қулоқ солинглар! ¹⁷ Мана шу Истроил халқининг Худоси бизнинг ота-боболаримизни танлаб олди. Улар Мисрда мусоғир бўлиб яшаган вақт давомида Худо улардан буюк халқ яратди. Буюк қудрати билан уларни Мисрдан олиб чиқди. ¹⁸ Қирқ йил давомида Худо уларнинг саҳродағи қилмишларига чидади*. ¹⁹ У Канъон юртида етти элатни* қириб ташлаб, уларнинг юртини Истроил халқига мулк қилиб берди. ²⁰ Буларнинг ҳаммаси тахминан 450 йил* давом этди.

Бундан кейин Худо уларга Шомуил пайғамбар замонигача ҳакамларни берди.

²¹ Кейин Истроил халқи шоҳ сўраган эди, Худо уларга Киш ўғли Шоулни шоҳ қилиб берди. Шоул Бенямин қабиласидан бўлиб, қирқ йил ҳукмронлик қилди. ²² Худо Шоулни таҳтдан туширгандан кейин, Довудни Истроил халқининг шоҳи қилди. Худо у ҳақда шундай деган эди: «Эссай ўғли Довудни Ўзимнинг кўнглимга мос деб топдим. Довуд Менинг ҳамма хоҳишларимни бажо қилади.»* ²³ Худо берган ваъдасига мувоғик, Довуд наслидан Исони Истроил халқига нажоткор қилиб юборди. ²⁴ Исо хизматини бошламасдан олдин, Яҳё бутун Истроил халқига, гуноҳларингиздан қайтинглар, сувга чўминглар, деб ваъз қилди. ²⁵ Яҳё хизматини яқунлаётib: «Сизлар мени ким деб биласизлар? Мен ваъда қилинган Зот эмасман. У мендан кейин келади. Мен Унинг чориқларини ечиб қўйишга ҳам арзимайман», деган эди*.

²⁶ Эй биродарларим, Иброҳим авлодлари! Эй Худодан қўрқадиган бошқа халқлар! Нажот ҳақидаги бу хабар бизга берилган. ²⁷ Аммо Қуддус аҳолиси ва уларнинг ҳукмдорлари Исонинг кимлигини танимадилар. Гарчи улар ҳар Шаббат куни ўқилаётган пайғамбарларнинг сўзларини эшитсалар-да, пайғамбарлар Исо ҳақида ёзганини улар тушунмадилар. Исони ўлимга маҳкум қилиб, пайғамбарларнинг башоратларини амалга оширдилар. ²⁸ Ўлимга маҳкум қилиш учун улар сабаб топа олмаган бўлсалар ҳам, Пилатдан* Уни ўлдиришни талаб қилдилар. ²⁹ У тўғрида ёзилган ҳар бир нарсани амалга оширганларидан кейин, жасадини ёғочдан* тушириб, қабрга қўйдилар. ³⁰ Аммо Худо Уни ўлиқдан тирилтириди. ³¹ Бир неча кун У Жалиладан Қуддусга Ўзи билан келганларга зоҳир бўлиб турди. Ҳозир улар Истроил халқига гувоҳлик беряптилар.

³²⁻³³ Барнабо билан мен эса бу Хушхабарни сизларга эълон қилмоқдамиз: Худо Исони тирилтириди! Шу орқали ота-боболаримизга берган ваъдасини уларнинг фарзандлари бўлмиш бизлар учун бажарди. Бу ҳақда Забурнинг иккинчи саносида шундай ёзилган:

«Сен Менинг Ўғлимсан,
Бугун Мен Сенга Ота бўлдим.»*

³⁴ Ахир, Худо, Уни ўлиқдан тирилтираман, Уни қабрда чиритмайман, деб ваъда берган эди. У шундай деган эди:

«Довудга ваъда қилган табаррук баракаларни сизларга бераман.»*

³⁵ Бошқа бир санода бу янада тўлиқроқ тушунирилган:

«Тақводорингни* қабрда чиритмайсан.»*

³⁶ Дарвоқе, Довуд ўз вақтида Худонинг мақсади учун хизмат қилган эди. Довуд вафот этгач, ота-боболари ёнига дафн қилинди. Унинг танаси қабрда чириди.

³⁷ Аммо Худо тирилтирган Исонинг танаси чиримади. ³⁸ Шунинг учун, эй биродарларим, эшитинглар! Гуноҳларимиз Исо орқали кечирилишини биз сизларга эълон қилмоқдамиз. ³⁹ Исога ишонган ҳар бир киши ҳамма гуноҳларидан У орқали оқланади. Мусонинг қонуни орқали эса оқланиб бўлмайди. ⁴⁰ Эҳтиёт бўлинглар, токи пайғамбарлар айтган қуйидаги сўзлар бошингизга тушмасин:

⁴¹ «Қаранглар, эй мазахчилар!
Ҳайратда қолиб ўлинглар!
Сизнинг даврингизда Мен шундай бир иш қиласманки,
Эшитсангиз қулоқларингизга ишонмайсизлар.»”

⁴² Павлус билан Барнабо синагогадан чиқар эканлар, халқ уларга: “Келгуси Шаббат куни ҳам шу нарсалар тўғрисида гапириб берсангизлар”, деб илтимос қилдилар. ⁴³ Синагогадаги йиғиндан кейин халқ тарқалди. Павлус билан Барнабога кўплаб яҳудийлар ва яҳудий динига кирган* тақводорлар эргашдилар. Павлус билан Барнабо уларга, Худонинг марҳамати остида яшашни давом эттиинглар, деб далда бердилар.

⁴⁴ Кейинги Шаббат куни ҳам деярли бутун шаҳар Раббимиз Исо ҳақидаги хабарни эшитиш учун йиғилди. ⁴⁵ Яҳудийлар шунчалик кўп одамни кўриб, қаттиқ ҳасад қила бошладилар. Павлуснинг айтганларига қарши чиқиб, уни ҳақоратладилар. ⁴⁶ Шунда Павлус билан Барнабо иккови жасорат билан шундай дедилар:

— Худонинг каломини биринчи навбатда сизларга билдиришимиз керак эди. Аммо сизлар Худонинг каломини рад қилдингизлар ва ўзларингизни абадий ҳаётга нолойиқ деб билдингизлар. Шунинг учун биз ғайрияҳудийларнинг олдига кетяпмиз. ⁴⁷ Эгамиз бизга шундай амр берган эди:

“Ернинг четигача нажотни олиб боринглар деб,
Мен сизларни ғайрияҳудийларга нур қиласман.”*

⁴⁸ Гайрияҳудийлар бу гапни эшитиб, хурсанд бўлдилар. Улар Раббимиз Исо ҳақидаги хабарни иззат-ҳурмат билан қабул қилдилар. Абадий ҳаёт учун танланганларнинг ҳаммаси имонга келди. ⁴⁹ Шундай қилиб, Раббимиз Исо ҳақидаги хабар юрт бўйлаб ёйилиб бораверди. ⁵⁰ Аммо яҳудийлар шаҳарнинг юқори мартабали, Худодан кўрқадиган* аёлларини ва эътиборли эркакларини қайраб, Павлус билан Барнабони таъқиб қилиб, уларни юртдан қувиб чиқаришга ундалилар. ⁵¹ Ҳаворийлар эса огоҳлантириш тариқасида оёқларининг чангини қоқиб*, Икония шаҳрига кетдилар. ⁵² Антиохиядаги шогирдлар севинч ва Муқаддас Рухга тўлиб боравердилар.

14-БОБ

¹ Худди шунга ўхшаш воқеа Икония шаҳрида* юз берди: Павлус билан Барнабо синагогага кириб, оташин ваъз айтдилар. Натижада бир қанча яхудийлар билан ғайрияҳудийлар* имонга келдилар. ² Аммо имонга келмаган яхудийлар ғайрияҳудийларни қайраб, уларни имонлиларга қарши қўзғатдилар. ³ Павлус билан Барнабо бу ерда узоқ вақт қолиб, Раббимиз Исо ҳақида жасорат билан гапиравердилар. Раббимиз ҳам уларга мўъжизалар ва аломатлар кўрсатиш қудратини бериб, Ўзининг марҳамати ҳақидаги хабарни улар орқали тасдиқлади.

⁴ Шаҳар аҳолиси эса иккига бўлинди: баъзилари яхудийлар томонга ўтди, бошқалари эса ҳаворийларга қўшилди.

⁵ Шундан кейин яхудийлар ва ғайрияҳудийлар ўз йўлбошчилари билан бирга ҳаворийларга ҳамла қилиб, уларни тошбўрон қилмоқчи бўлдилар. ⁶ Ҳаворийлар бу тўғрида билиб қолганларидан кейин Ликониянинг бошқа худудларига қочиб кетдилар. Улар Листра ва Дарба шаҳарларида ва уларнинг ён-атрофидаги жойларда ҳам ⁷ Хушхабарни ваъз қилишда давом этдилар.

Листра ва Дарба шаҳарларида

⁸ Листра шаҳрида бир одам бўлиб, оёқларини қимирлата олмасдан ўтиради. У туғма майиб бўлиб, ҳеч қачон юргани эди. ⁹ Павлус гапираётганда, у қулоқ солиб ўтирган эди. Павлус унга тикилиб қаради. У одамнинг шифо топишига ишончи борлигини кўриб, ¹⁰ унга баланд овозда деди:

— Ўрнингдан тур!*

У одам сакраб ўрнидан турди-да, юра бошлади. ¹¹ Оломон Павлуснинг қилган ишини кўргач, Ликоний тилида: “Худолар бизнинг олдимизга инсон қиёфасида келибди!” деб шовқин солдилар. ¹² Улар Барнабони Зевс, Павлус нотиқ бўлгани учун уни Хермес* деб аташди. ¹³ Зевснинг маъбади шаҳар ташқарисида эди. Зевс руҳонийси шаҳар дарвозаларига буқалар ва гулчамбарлар олиб келди. Руҳоний билан оломон қурбонлик назр қилмоқчи бўлдилар. ¹⁴ Ҳаворийлар Барнабо билан Павлус буни эшитиб, қаттиқ изтироб чекиб, кийимларини йиртдилар*, оломон орасига ёриб кирдилар. Улар шундай деб бақирдилар:

¹⁵ — Нимага бундай қиляпсизлар! Биз ҳам сизлар сингари, инсонлармиз! Биз сизларга Хушхабар олиб келдик, токи сизлар анави беҳуда нарсалардан юз ўгиринглар, осмон билан ерни, денгизни ва улардаги ҳамма мавжудотни яратган барҳаёт Худога юз буринглар. ¹⁶ Ўтмишда Худо ҳамма халқларни ўз ҳолига қўйди. ¹⁷ Аммо шунга қарамай, Ўз эзгулигини кўрсатиб, осмондан ёмғир ёғдириб келди, мавсумида ҳосил берди, ризқингизни тугал қилиб, юракларингизни шодликка тўлдирди.

¹⁸ Шу гапларни айтиб, ҳаворийлар, биз учун қурбонлик келтирмангалар, деб оломонни зўрға тўхтатиб қолдилар*.

¹⁹ Антиохия ва Икониядан баъзи бир яхудийлар келиб, халқни ўзларига оғдириб олдилар. Улар* Павлусни тошбўрон қилдилар ва “У ўлди, шекилли”, деб уни шаҳардан ташқарига судраб чиқариб ташладилар. ²⁰ Шогирдлар Павлуснинг атрофига йиғилганларидан кейин эса, у ўрнидан туриб, шаҳарга қайтиб кирди. Эртаси куни эса Барнабо билан бирга Дарба шаҳрига кетди.

Павлус ва Барнабо Суриянинг Антиохия шаҳрига қайтадилар

²¹ Улар Хушхабарни Дарба шаҳрида ваъз қилиб, кўп шогирдлар орттирганларидан кейин, Листра шаҳрига, сўнгра Икония ва Антиохия шаҳарларига қайтиб келдилар. ²² Улар шогирдларни имонда собит қолишга ундан: “Биз Худонинг Шоҳлигига киришимиз учун кўп мاشаққатларни бошдан

кечиришимиз керак”, деб далда берардилар.²³ Улар ҳар бир имонлилар жамоатига оқсоқоллар тайин қилдилар. Сўнг ибодат қилиб ва рўза тутиб, оқсоқолларни ўзлари ишонган Раббимиз Исонинг паноҳига топширдилар.

²⁴ Сўнгра улар Писидиядан ўтиб, Памфилияга келдилар.²⁵ Перга шаҳрида Исо ҳақидаги хабарни ваъз қилганларидан кейин, Атталияга кетдилар.²⁶ Сўнг кемада Антиохияга қайтиб келдилар. Бу шаҳардаги жамоат уларни мана шу қилган ишлари учун Худонинг марҳаматига топширган эди*. ²⁷ Ҳаворийлар Антиохияга келганларидан кейин, жамоатни бир жойга йиғдилар ва Худо улар орқали нималар қилганини, ғайрияҳудийларнинг имонга келиши учун Худо қандай йўл очиб берганини айтиб бердилар.²⁸ Ҳаворийлар бу ерда шогирдлар билан бирга анча вақт қолдилар.

15-БОБ

Қуддусдаги йиғин

¹ Яҳудиядан бир неча одам* Антиохияга келиб, имонлиларга шундай таълим берса бошладилар: “Мусонинг қонунига биноан суннат қилинмасангизлар, нажот топа олмайсизлар.” ² Павлус билан Барнабо улар билан қизғин баҳсу мунозарага киришдилар. Шунда: “Павлус билан Барнабо ҳамда Антиохиядан бир неча одам Қуддусга юборилсин”, деб қарор қилинди. Улар бу масалани ҳаворийлар ва оқсоқоллар билан муҳокама қилишлари керак эди.

³ Имонлилар жамоати уларни йўлга кузатиб қўйди. Улар Финикия ва Самария орқали ўтар эканлар, ғайрияҳудийлар қандай қилиб Худога юз бурганини айтиб бердилар. Бу хабар ҳамма имонлиларга катта қувонч бағишилади. ⁴ Павлус ва Барнабо Қуддусга келганларидан кейин, жамоат, ҳаворийлар, оқсоқоллар уларни самимий кутиб олдилар. Павлус ва Барнабо Худонинг улар орқали қилган ишларини* йиғилганларга сўзлаб бердилар. ⁵ Аммо фарзийлар мазҳабига мансуб имонлилар ўринларидан туриб: “Ғайрияҳудийлар суннат қилинишлари керак. Уларга Мусонинг қонунига риоя қилишларини буюриш керак”, дедилар.

⁶ Ҳаворийлар ва оқсоқоллар бу масалани муҳокама қилиш учун йиғилдилар.

⁷ Узоқ давом этган мунозарадан кейин Бутрус ўрнидан туриб, уларга деди:

— Биродарларим! Ўзларингиз биласизларки, Хушхабарни ғайрияҳудийларга ваъз қилишим учун Худо мени анча вақт олдин орангиздан танлаб олди.

Ғайрияҳудийлар ҳам Хушхабарни эшитиб, имонга келиши Унинг мақсади эди.

⁸ Худо инсон зотининг юрагини билади, У бизга берган Муқаддас Рухни

ғайрияҳудийларга ҳам берди. Шу орқали уларни қабул қилганини тасдиқлади.

⁹ Худо имон орқали ғайрияҳудийларнинг юракларини поклади. Шундай қилиб, биз билан ғайрияҳудийлар орасидаги фарқни Худо йўқ қилди. ¹⁰ Шундай экан, нима учун шогирдларнинг елкасига оғир юк ортиб, Худони синаяпсизлар?! Ахир, бу юкни биз ҳам, ота-боболаримиз ҳам қўтара олмаган эдик-ку! ¹¹ Йўқ!

Ишонамизки, биз ҳам улар сингари, Раббимиз Исонинг инояти туфайли нажот топамиз.

¹² Ҳамма ҳаворийлар ва оқсоқоллар сукутда қолдилар. Барнабо билан Павлус Худонинг улар орқали ғайрияҳудийлар орасида кўрсатган аломатлари ва ажойиботлари тўғрисида ҳикоя қилиб бердилар. ¹³ Улар гапини тугатгач, Ёқуб* сўз олди:

— Биродарларим! Мени эшитинглар. ¹⁴ Ҳозир Бутрус* бизга Худонинг ilk бор ғайрияҳудийларга илтифот назарини солганини ва улар орасидан Ўзига бир халқ танлаб олганини тушунтириб берди. ¹⁵ Бу сўзлар пайғамбарларнинг айтганлари

билан мос келади. Ёзилганидай:

¹⁶⁻¹⁷ “Эгамиз шундай демоқда:
 «Бундан кейин Мен қайтиб келиб,
 Довуднинг ийқилган шоҳлигини қайта тиклайман,
 Унинг харобаларини янгидан барпо қилиб,
 Уни қайта қураман.
 Шунда бошқа халқларнинг ҳаммаси Менга интиладилар,
 Ўзим даъват қилган ўша ғайрияҳудийлар Мени излайдилар.»
¹⁸ Эгамиз буларни бизга азалдан маълум қилган.”*

¹⁹ Ёқуб гапида давом этди:

— Шунинг учун Худога юз бураётган ғайрияҳудийларни қийин аҳволга солиб қўймаслигимиз керак. ²⁰ Бунинг ўрнига, уларга хат ёзиб, шундай деб айтайлик: “Бутларга келтирилган қурбонликнинг гўштини тановул қилишдан*, фахш-зинодан* ва қони чиқарилмаган ҳайвоннинг гўштини ейишдан* ўзларингизни тийинглар*.” ²¹ Ахир, Мусонинг қонуни азал-азалдан ҳар бир шаҳарда ваъз қилинмоқда, ҳар Шаббат куни синағогаларда ўқилмоқда.

Ғайрияҳудий имонлиларга мактуб

²² Шундан кейин ҳаворийлар ва оқсоқоллар бутун имонлилар жамоати билан шундай қарорга келдилар: “Гуруҳимиздан бир неча одамни танлаб олиб, уларни Павлус ва Барнабо билан бирга Антиохияга юборамиз.” Улар иккита одамни — Барсабо деган Яхудони ва Силасни танлаб олдилар. Яхудо ва Силас жамоатнинг йўлбошчилари эдилар. ²³ Уларни шундай мактуб билан жўнатдилар:

“Биз, биродарларингиз бўлган ҳаворийлар ва оқсоқоллар, Антиохия, Сурия ва Киликияда* яшайдиган ғайрияҳудий биродарларимизга салом йўллаяпмиз.

²⁴ Эшитишимизча, бизнинг орамиздан баъзилар бориб, ўзларининг гаплари билан сизларни хавотирга солибди, юракларингизни ғаш қилиби*. Аммо уларни биз юбормаган эдик. ²⁵ Биз вакиллар танлаб, уларни азиз дўстларимиз Барнабо ва Павлус билан бирга сизларнинг хузурингизга юборишга бир овоздан қарор қилдик. ²⁶ Барнабо билан Павлус Раббимиз Исо Масиҳ ҳақи-хурмати, ҳаётларини хавф остига кўйганлар. ²⁷ Шу боис биз Яхудо билан Силасни юборяпмиз. Ушбу ёзаётганларимизни улар сизларга оғзаки ҳам тасдиқлаб берадилар. ²⁸ Биз Муқаддас Руҳ бошчилигида сизларга қуидаги керакли талаблардан бошқа юкни юкламасликка қарор қилдик: ²⁹ сизлар бутларга келтирилган қурбонликнинг гўштини ва қони чиқарилмаган ҳайвоннинг гўштини тановул қилишдан ҳамда фахш-зинодан ўзларингизни тийинглар*. Ўзларингизни ана шулардан тийсангизлар, яхши иш қилган бўласизлар. Омон бўлинглар.”

³⁰ Шундай қилиб, вакиллар йўлга чиқиб, Антиохияга келдилар. Улар жамоатни ийққанларидан кейин мактубни жамоат аъзоларига топширдилар. ³¹ Жамоат аъзолари мактубни ўқиб, далда сўзларидан хурсанд бўлдилар. ³² Яхудо билан Силас пайғамбар эдилар. Улар имонлиларга далда бердилар, уларга кўп гаплар айтиб, имонда мустаҳкамладилар. ³³⁻³⁴ Яхудо билан Силас маълум вақт у ерда бўлганларидан кейин, имонлилар уларни юборган биродарлари ёнига хайриҳоҳлик билан жўнатиб юбордилар*. ³⁵ Павлус билан Барнабо эса бирмунча

вақт Антиохияда қолиши. Улар у ерда бошқалар билан бирга таълим берип, Раббимиз Исо ҳақидаги хабарни ваъз қилдилар.

Павлус билан Барнабо айрилишади

³⁶ Орадан бир неча кун ўтгач, Павлус Барнабога деди: “Қани, биз Раббимиз Исо ҳақидаги хабарни ваъз қилган шаҳарларга борайлик, имонлиларни йўқлайлик, уларнинг ҳол-аҳволини билайлик.”

³⁷ Марк деган Юҳаннони Барнабо бирга олиб кетмоқчи эди. ³⁸ Аммо Павлус буни истамади. Марк уларни Памфилияда қолдириб*, хизматда охиригача бирга бўлмагани учун Павлус Барнабонинг бу фикрига қаттиқ эътиroz билдириди.

³⁹ Павлус билан Барнабонинг орасида шундай англашилмовчилик бўлдики, улар бир-бирларини тарқ этдилар. Барнабо Маркни ўзи билан бирга олиб, кемада Кипрга сузиб кетди. ⁴⁰ Павлус эса Силасни танлади. Имонлилар уларни Раббимиз Исонинг паноҳига топширганларидан кейин, улар йўлга чиқдилар*. ⁴¹ Сурия ва Киликия ҳудудларини кезиб, жамоатларни имонда мустаҳкамладилар.

16-БОБ

Тимўтий Павлус ва Силас билан бирга кетади

¹ Павлус билан Силас Дарба ва Листра шаҳарларига борди. Листрада Исонинг Тимўтий исмли шогирди яшарди. Унинг онаси имонга келган яхудий бўлиб, отаси юнон эди. ² Листра ва Икониядаги имонлилар Тимўтий тўғрисида яхши гаплар айтишарди. ³ Павлус Тимўтийни бирга олиб кетмоқчи бўлиб, ўша ерларда яшайдиган яхудийлар сабабли уни суннат қилдирди*. Чунки Тимўтийнинг отаси юнон эканини ҳамма биларди. ⁴ Улар шаҳарлар оралаб ўтганларида, Қуддусдаги ҳаворийлар ва оқсоқоллар қарор қилган қоидаларни имонлиларга етказиб, буларга риоя қилинглар, деб айтишарди. ⁵ Шундай қилиб, жамоатлар имонда мустаҳкам бўлиб, кундан-кунга сон жиҳатдан кўпайиб бораверди.

Троас шаҳрида Павлусга келган ваҳий

⁶ Павлус ва унинг йўлдошлари Фригия ва Галатия ўлкасидан ўтишди, Муқаддас Рух Асия вилоятида Исо ҳақидаги хабарни ваъз қилишни уларга тақиқлаганди. ⁷ Улар Мисиядан ўтиб, Битиния вилоятига киришга ҳаракат қилдилар. Аммо Муқаддас Рух орқали Исо уларга ижозат бермади. ⁸ Шундай қилиб, улар қайтиб, Мисия орқали Троасга* кетдилар. ⁹ Тунда Павлусга ваҳий келди: Македониялик бир одам: “Македонияга келиб, бизга ёрдам бер!” деб илтижо қиласди. ¹⁰ Павлусга келган бу ваҳийдан кейин, биз* тезда Македонияга боришга ҳозирлик кўрдик. Худо бизни у ернинг халқига Хушхабарни ваъз қилишга чақирди, деб ишонч ҳосил қилган эдик.

Филиппида Лидия имонга келади

¹¹ Биз кемада Троас шаҳридан сузиб кетиб, тўғри Самофракия оролига йўл олдик, эртаси куни Неаполис шаҳрига кетдик. ¹² У ердан эса Филиппига бордик. Бу Македония вилоятининг Биринчи туманидаги шаҳар* бўлиб, Римга қарашли эди. Биз бир неча кун у ерда бўлдик. ¹³ Шаббат куни биз шаҳардан дарё бўйига чиқдик. У ерда ибодат қиласиган жой бор, деб ўйлаган эдик. Ўша ерда аёллар ўтирганлар орасида Лидия деган бир аёл ҳам бор эди. У Тиятира шаҳридан бўлиб, сафсар матолар сотарди. У художўй* эди. Павлуснинг айтганларини жон дили билан тингласин деб, Эгамиз Лидиянинг юрагини очди. ¹⁵ Лидия билан унинг хонадон аҳли сувга чўмдирилганларидан кейин, у бизга шундай таклиф қилди:

“Агар мени Раббимиз Исога содиқ имонли деб ҳисобласангизлар, менинг уйимга келиб, ўша ерда туринглар.” Лидия бизни кўндириди.

Филиппи шаҳридаги қамоқхонада

¹⁶ Бир куни биз ибодат қиласиган жойга кетаётганимизда, олдимизга бир чўри қиз келди. Бу қизда фолчилик руҳи бўлиб, у башорат қилиш орқали хўжайинларига кўп пул ишлаб берар экан. ¹⁷ У Павлус билан бизга эргашиб, шундай деб бақиради: “Манави одамлар Худойи Таолонинг қуллари! Улар сизларга нажот топиш йўлини эълон қиласидилар.” ¹⁸ Ўша чўри бир неча кун давомида шундай қилиб юрди. Охири, Павлус безор бўлиб, орқасига ўгирилди-да, ёвуз руҳга деди: “Сенга Исо Масих номидан буюраман: бу қизнинг ичидан чиқиб кет!” Ўша заҳоти ёвуз руҳ қизнинг ичидан чиқиб кетди.

¹⁹ Қизнинг хўжайинлари пул ишлаш имконияти қўлдан кетганини англаб етдилар. Улар Павлус билан Силасни ушлаб, шаҳар майдонига судраб келдилар.

²⁰ Уларни Рим амалдорлари хузурига олиб келиб:

— Бу одамлар шаҳримизни алғов-далғов қиласиган! — дедилар. — Улар яхудийлардир, ²¹ биз содиқ Рим фуқароларимиз, улар бизнинг қонунларимизга зид бўлган одатларни тарғиб қиласиган! Биз уларнинг одатларини қабул қила олмаймиз ёки амалда қўллай олмаймиз.

²² Оломон Павлус билан Силасга қарши ҳужумга қўшилди.

Шунда Рим амалдорлари Павлус билан Силаснинг кийимларини ечдириб, аскарларга: “Буларни калтакланглар”, деб буюрдилар. ²³ Уларни роса калтаклашгандан кейин, зинданга ташладилар. Рим амалдорлари зинданбонга: “Уларни яхшилаб қўриқла”, деб буйруқ бердилар. ²⁴ Зинданбон буйруқни олиб, икковини ички бўлмага ташлади ва уларнинг оёқларини кундага маҳкамлаб қўйди.

²⁵ Ярим тунда Павлус билан Силас ибодат қилиб, Худога ҳамду сано айтиётган эдилар. Маҳбуслар эса уларни тинглаб ўтиришарди. ²⁶ Бирдан шундай қаттиқ зилзила юз бердики, қамоқхонанинг пойдевори ларзага келди, шу заҳоти ҳамма эшиклар очилиб, маҳбусларнинг кишанлари ечилиб кетди. ²⁷ Зинданбон уйғониб, қамоқхона эшиклари очиқ эканини кўрди. У, маҳбуслар озод бўлиб кетибди, деб ўйлаб, қиличини қинидан суғуриб, ўзини ўлдирмоқчи бўлди. ²⁸ Павлус овози борича: “Зинҳор ўзингга шикаст етказа кўрма, ҳаммамиз шу ердамиз!” деб бақиради. ²⁹ Зинданбон, чироқлар ёқилсин, деб буюрди ва шошилганича ичкари кирди-да, титраб-қақшаб, ўзини Павлус билан Силаснинг оёқлари остига ташлади. ³⁰ Зинданбон икковини ташқарига олиб чиқиб: “Жаноблар, нажот топишим учун нима қилишим керак?” деб сўради.

³¹ — Раббимиз Исога ишон, шунда ўзинг ва хонадон аҳлинг нажот топасизлар, — деб жавоб беришди улар.

³² Павлус билан Силас Раббимиз ҳақидаги хабарни зинданбонга ва унинг хонадон аҳлига ваъз қилдилар. ³³ Зинданбон тунда ўша заҳотиёқ икковини бир четга олиб ўтиб, яраларини ювди. Сўнг ўзи ва бутун хонадон аҳли сувга чўмдирилди. ³⁴ Зинданбон Павлус билан Силасни уйига олиб келиб, уларга дастурхон ёзди. У бутун хонадони билан бирга Худога имон келтирганидан севинди.

³⁵ Тонг отгач, амалдорлар миршабларни юбориб: “Анави одамлар ўз йўлига кетаверсинг”, дедилар. ³⁶ Зинданбон бу хабарни Павлусга етказди. “Амалдорлар сизларни кетаверсинг, деб хабар юборибди, ҳозироқ чиқинглар, эсон-омон боринглар”, деди. ³⁷ Павлус эса миршабларга шундай деди:

— Рим фуқароси бўлсак ҳам*, бизни ҳукм қилмасдан халқнинг кўз ўнгида

калтакладилар, зиндонга ташладилар. Нима учун энди яширинча бизни жүнатиб юбормоқчилар?! Бунақаси кетмайды! Ўзлари келиб, бизни зиндондан чиқарсингилар.

³⁸ Миршаблар бу сўзларни амалдорларга етказдилар. Улар Павлус билан Силаснинг Рим фуқароси эканини эшитиб, қўрқиб кетдилар. ³⁹ Шундай қилиб, амалдорлар бориб, улардан кечирим сўраб, уларни зиндондан олиб чиқдилар. Сўнгра: “Шаҳардан кетсангизлар”, деб илтимос қилдилар. ⁴⁰ Павлус билан Силас зиндондан чиқсанларидан кейин, Лидиянинг уйига бордилар. Улар у ерда имонлилар билан учрашиб, уларга далда бердилар. Шундан кейин улар Филиппидан жўнаб кетдилар.

17-БОБ

Салоника шаҳрида

¹ Павлус билан Силас Амфиполис ва Аполлония шаҳарларини босиб ўтиб, Салоника шаҳрига келдилар. Бу шаҳарда яхудийлар синагогаси бор эди. ² Павлус, ўз одатига кўра, синагогага кирди ва уч ҳафта давомида Шаббат кунлари яхудийлар билан мунозара олиб борди. У Муқаддас битиклар* асосида

³ Масихнинг азоб чекиши ва ўлиқдан тирилиши кераклигини тушунтириб, исботлаб берди. Сўнг: “Мен сизларга айтиётган Исо ўша Масихдир”, деди.

⁴ Яхудийлардан баъзилари, шунингдек, Худодан қўрқадиган* кўп файрияхудийлар* ва юқори мартабали аёлларнинг кўпчилиги Павлус билан Силасга ишониб, уларга қўшилдилар. ⁵ Аммо ишонмаган яхудийлар ҳасадга тўлдилар ва кўчалардаги бекорчи дайдиларни тўплаб, оломонни йиғиб, шаҳарда ғалаён бошладилар. Улар: “Павлус билан Силасни қидириб топамиз, халқнинг олдига олиб чиқамиз”, деб Ясон деган одамнинг уйига хужум қилдилар. ⁶ Аммо уларни топа олишмади. Сўнгра Ясон билан бир неча имонлиларни шаҳар амалдорлари хузурига судраб келдилар ва шундай дея шовқин солдилар: “Анави одамлар бутун дунёни остин-устин қилиб, бизнинг шахримизга ҳам келибдилар.

⁷ Ясон ўша одамларга уйидан жой берибди. Уларнинг ҳаммаси, Исо деган бошқа шоҳ бор, деб Қайсарнинг* фармонларига қарши чиқяптилар.” ⁸ Халқ ва шаҳар амалдорлари бу гапларни эшитиб, безовталаниб қолдилар. ⁹ Улар Ясон ва бошқа имонлилардан гаровга* пул олиб, уларни қўйиб юбордилар.

Верия шаҳрида

¹⁰ Қоронғи тушгач, имонлилар Павлус билан Силасни Верия шаҳрига жўнатдилар. Улар шаҳарга келиб, яхудийлар синагогасига кирдилар. ¹¹ Бу ердаги яхудийлар Салоникадаги яхудийларга қараганда кенг фикрли эдилар. Улар зўр иштиёқ билан Исо ҳақидаги хабарни тинглашар, Павлуснинг айтганлари ҳақиқат эканини кўриш учун Муқаддас битикларни ҳар куни тадқиқ этишарди.

¹² Уларнинг кўпчилиги шу боисдан имонга келдилар, шунингдек, файрияхудий эркаклару юқори мартабали аёлларнинг кўпчилиги ҳам имонга келдилар. ¹³ Аммо Салоникадаги яхудийлар, Павлус Верияда Худонинг каломини ваъз қилибди деган гапни эшигтанларида, улар Верияга келиб, оломонни гижгижлаб, қайрадилар. ¹⁴ Шунда имонлилар Павлусни зудлик билан денгиз бўйига жўнатиб юбордилар. Силас билан Тимўтий эса Верияда қолдилар. ¹⁵ Павлусни кузатиб кетганлар уни Афинагача олиб бориб қўйдилар*. Улар Павлусдан: “Силас билан Тимўтий тезроқ менинг олдимга етиб келсин” деган кўрсатмани олганларидан кейин Верияга қайтиб кетдилар.

Павлус Афинада

¹⁶ Павлус Силас билан Тимўтийни Афинада кутаркан, шаҳар бутларга тўлиб кетганини кўриб, таъби жуда хира бўлди. ¹⁷ Павлус синаагогада яхудийлар ва Худодан қўрқадиган файрияхудийларга далиллар келтирди. Шунингдек, шаҳар майдонида ҳар куни дуч келган одамларга ҳам ваъз қилди. ¹⁸ Бир неча эпикурчи ва стоик файласуфлар* ҳам Павлус билан баҳсга киришишди. Баъзилари: “Бу маҳмадона нима демоқчи?” деса, бошқалари: “У бегона худолар тўғрисида ваъз қилияпти”, дер эди. Павлус Исо тўғрисидаги Хушхабарни ва ўликлардан тирилишни ваъз қилаётгани учун улар шундай деб айтардилар*. ¹⁹ Улар Павлусни ушлаб, Арёпагус кенгашига олиб бордилар ва шундай дедилар: “Сен ўргатаётган янги таълимот нима эканини биз ҳам билишимиз мумкинми? ²⁰ Бу таълимотинг бизга бир оз ғалати туюляпти, шунинг учун бу нимани англатишини билмоқчимиз.” ²¹ (Ҳамма Афиналиклар ва бу ерда яшаётган мусофиirlар бутун вақтларини охирги янгиликларни айтиб бериш ёки эшитиш билан ўтказишни яхши кўришарди.)

²² Павлус Арёпагус кенгашининг олдига чиқиб, шундай деди: “Эй Афиналиклар! Сизлар ҳар жиҳатдан ғоят диндор эканингизни кўриб турибман. ²³ Мен бутун шаҳарни кезиб чиқиб, сизларнинг саждагоҳларингизга дикқат билан назар ташладим. Мен ўша нарсаларнинг орасидан «Номаълум худога» деган ёзув битилган қурбонгоҳни кўрдим. Ўзларингиз билмасдан туриб сажда қилаётган Худони мен сизларга англатай.

²⁴ Оламни ва ундаги ҳамма нарсаларни яратган Худо еру осмоннинг Эгаси бўлиб, инсон қўли билан ясалган саждагоҳларда яшамайди. ²⁵ Ҳар қандай одамга жон, нафас ва ҳамма нарсани Унинг Ўзи берган. Шунинг учун У инсоннинг қўлига қараб қолмаган. У ҳеч нарсага муҳтож эмас. ²⁶ Худо битта одамдан жамики элатларни яратиб, уларни бутун ер юзига жойлаштириди. У элатларнинг ҳаёти вақтини ва улар истиқомат қиладиган жойларнинг чегараларини белгилаб берди. ²⁷ Худо буларни, Мени қидирсинлар, пайпасланиб бўлса-да, топсинлар деб қилди. Ҳақиқатан ҳам, У ҳар биримиздан узоқда эмас. ²⁸ Зотан, бир одамнинг айтиши бўйича*: «Биз Унда яшаймиз, Унда ҳаракат қиласиз ва Унда мавжудмиз.» Сизнинг шоирларингиздан бири шундай деган эди: «Биз ҳам Унинг зурриётимиз.»

²⁹ Биз Худонинг зурриётидан эканмиз, Худони инсон ўз санъати ва маҳорати билан шаклга соглан олtingа ёки кумушга, ё тошга ўхшатмаслигимиз керак. ³⁰ Худо ўтмишда инсониятнинг жоҳиллигига эътибор бермади. Энди эса У ҳамма жойдаги жамики халқларга: «Тавба қилинглар!» деб амр бермоқда. ³¹ Чунки У дунё халқларини Ўзи тайинлаган Зот орқали адолат билан хукм қиладиган кунни белгилади. Ўша Зотни ўлиқдан тирилтириди. Шу йўсинда жамики инсонларга бу Зотнинг тайинланганини исбот қилди.”

³² Улар Павлуснинг ўликлар тирилиши ҳақидаги гапини эшитганларида, баъзилар уни масхара қилди, аммо бошқалар: “Биз бу ҳақда яна сизнинг гапларингизни эшитмоқчимиз”, дедилар. ³³ Шундай қилиб, Павлус уларнинг олдидан кетди. ³⁴ Бир неча одам унга эргашиб, имонга келди. Имонга келганларнинг орасида Арёпагус кенгашининг аъзоси Дионисис, Дамара исмли аёл ва бошқа одамлар ҳам бор эди.

18-БОБ

Коринф шаҳрида

¹ Шундан кейин Павлус Афинадан кетиб, Коринфга йўл олди. ² У ерда Павлус Акил деган бир яхудий билан танишди. Акил Понтусда туғилган бўлиб, хотини Прискилла билан Италиядан яқинда келган экан. Чунки Қайсар* Клавдий*, ҳамма яхудийлар Римдан чиқиб кетсин, деб фармон берган эди. Павлус уларни кўргани борди. ³ Улар ҳамкасб бўлиб, чодир тикувчилик билан шуғулланганлари учун, Павлус уларни кида қолиб, ишлади. ⁴ Ҳар Шаббат куни у синагогада мунозара ўтказиб, яхудийлар ва ғайрияхудийларни* ишонтиришга ҳаракат қиласади.

⁵ Силас билан Тимўтий Македониядан келганларидан кейин, Павлус бутун вақтини Исо ҳақидаги хабарни ваъз қилишга бағишилади. У яхудийларга Исонинг Масих экани тўғрисида гувоҳлик берарди. ⁶ Яхудийлар эса Павлусга қарши чиқиб, уни ҳақорат қилдилар. Павлус кийимларидан чангни қоқди-да*: “Қонингиз ўз гарданингизда қолсин, менда айб йўқ, ҳозирдан бошлаб ғайрияхудийлар орасига кетганим бўлсин”, деди уларга. ⁷ Шундай қилиб, Павлус синагогани тарқ этиб, Титас Юстус* деган бир одамнинг уйига борди. Титас Юстус ҳам художўй* одам бўлиб, унинг уйи синагоганинг ёнгинасида эди. ⁸ Синагоганинг қавмбошиси Криспус бутун хонадони билан Раббимиз Исога имон келтирди. Павлусдан Хушхабар эшитган Коринфликларнинг кўпчилиги ишониб, сувга чўмдирилдилар.

⁹ Бир куни тунда Раббимиз Исо ваҳийда Павлусга зоҳир бўлиб, деди: “Кўрқма! Гапиравер, сукут сақлама! ¹⁰ Мен сен билан биргаман. Бу шаҳардаги кўпчилик Менинг одамларим бўлгани учун ҳеч ким сенга зарап етказа олмайди.” ¹¹ Шундай қилиб, Павлус бу шаҳарда бир йилу олти ой туриб, халқقا Худонинг қаломидан таълим берди.

¹² Галлион Ахая вилоятига ҳокимлик қилган пайтларда*, яхудийлар биргалашиб Павлусга қарши чиқдилар ва уни судраб, маҳкамага олиб келдилар.

¹³ Улар шундай дедилар:

— Мана бу одам қонунга қарши йўллар билан Худога сажда қилишга халқни даъват қиляпти.

¹⁴ Павлус энди гапирмоқчи бўлиб турган эди, Галлион яхудийларга шундай деди:

— Эй яхудийлар! Агар даъвоингиз ёмон қилмиш ёки оғир жиноят масаласида бўлганда эди, шикоятларингизни қабул қилишга сабаб топган бўлардим. ¹⁵ Аммо бу даъволарингиз шунчаки айрим сўзлар, исмлар ва ўз қонунингиз борасида экан, буларни ўзларингиз кўриб чиқаверинглар. Мен бу масалаларнинг ҳаками бўлмайман.

¹⁶ Галлион яхудийларни маҳкамадан ҳайдаб чиқарди. ¹⁷ Шунда оломон синагога қавмбошиси Состенисни тутиб олди-да, маҳкаманинг олдида уни калтаклади. Аммо Галлион буларнинг биронтасига эътибор бермади.

Павлус қисқа муддатга Антиохияга қайтади

¹⁸ Павлус Коринфда имонлилар билан узоқ вақт турди. Сўнг улар билан хайрлашиб, кемада Сурияга сузиб кетди. Акил билан Прискилла ҳам у билан бирга кетдилар. Павлус Худога онт ичгани учун Кенхреядан сузиб кетишдан олдин сочини олдирди*. ¹⁹⁻²¹ Улар Эфесга етиб келдилар. Павлус синагогага бориб, яхудийлар билан мунозара ўтказди. Одамлар Павлусдан, биз билан узоқроқ қолинг, деб илтимос қилдилар. Аммо Павлус рози бўлмади. Кетишидан олдин эса уларга: “Худо хоҳиш билдирса*, сизларнинг олдингизга қайтиб келаман”, деди. Шундан кейин Акил билан Прискиллани Эфесда қолдириб, ўзи кемада сузиб

кетди.

²² Павлус Қайсарияга етиб келгандан кейин, Қуддусга борди ва имонлилар жамоати билан кўришди. Шундан сўнг Антиохияга кетди. ²³ У ерда маълум вақт бўлгач, яна йўлга чиқди* ва Галатия, Фригия ўлкаларини кезиб, барча имонлиларга далда берди.

Аполлос

²⁴ Шу пайтда Аполлос деган бир яхудий Эфесга келди. У асли Искандариядан эди. У гапга чечан одам бўлиб, Муқаддас битикларни* жуда яхши биларди. ²⁵ У Раббимиз Исонинг йўлида таълим олган бўлиб, оташин рух билан гапиради. Исо ҳақида тўғри таълим берарди. Сувга чўмдириш ҳақида эса фақатгина Яҳёning таълимотини биларди*. ²⁶ Аполлос синагогада жасорат билан гапира бошлади. Прискилла билан Акил Аполлоснинг ваъзини эшитганларидан кейин, уни уйига таклиф қилиб, Худонинг йўлини янада аниқроқ тушунтириб бердилар. ²⁷ Аполлос Ахаяга боришга қарор қилди. Эфесдаги имонлилар Ахаядаги шогирдларга, Аполлосни яхши қабул қиласанлизлар, деб мактуб ёздилар. Аполлос Ахаяга келгач, Худонинг инояти билан имонга келганларга катта ёрдам берди. ²⁸ Аполлос, Муқаддас битиклар асосида Исонинг Масих эканини исбот этиб, қатъият билан яхудийларнинг ноҳақлигини очиқчасига фош қиларди.

19-БОБ

Павлус Эфес шаҳрида

¹ Аполлос Коринфда экан, Павлус қирлар бўйлаб йўл юриб, Эфес шаҳрига келди. Бу ерда у Исола имон қўйган бир нечта одамни учратди. ² Павлус улардан:

— Имонга келганларингизда, Муқаддас Рухни қабул қилдингизларми? — деб сўради. Улар:

— Йўқ, биз Муқаддас Рух борлигини ҳатто эшитмаганмиз, — деб жавоб бердилар.

³ — Ундей бўлса, қай асосда сувга чўмдирилдингизлар? — деб сўради Павлус.

— Яҳёning таълимотига кўра, сувга чўмдирилдик, — деб жавоб берди улар.

⁴ Шунда Павлус деди:

— Яхё тавба қилганларни сувга чўмдирап эди. У Исройл халқига, мендан кейин келаётганга, яъни Исола, имон келтиринглар, деган эди.

⁵ Улар бу гапни эшитиб, Раббимиз Исонинг номидан сувга чўмдирилдилар.

⁶ Павлус уларга қўлини қўйган эди, Муқаддас Рух уларни қамраб олди. Улар бошқа* тилларда гапира бошладилар ва Худо аён қилган сўзларни айтдилар.

⁷ Улар тахминан ўн икки киши эди.

⁸ Павлус синагогага уч ой давомида бориб, жасорат билан халқа гапириб, Худонинг Шоҳлиги тўғрисида ишончли далиллар келтирди. ⁹ Аммо баъзилари ўжарлик қилиб, умуман ишонмадилар ва ҳамманинг олдида Исонинг йўли тўғрисида ёмон гапларни айтдилар. Павлус ёнига имонлиларни олиб, уларнинг ҳузуридан кетди. Ҳар куни у Тиранус деган одамнинг маъруза залида мунозара ўтказадиган бўлди. ¹⁰ Бу ҳолат икки йил давом этди, Асия аҳолисининг ҳаммаси — яхудийлар ҳам, ғайрияхудийлар* ҳам Раббимиз Исо ҳақидаги хабарни эшитишди.

¹¹ Худо Павлус орқали гаройиб мўъжизалар кўрсатар эди. ¹² Павлуснинг танасига теккан рўмолча ёки кийимлар хасталарга теккизилганда, улар хасталикларидан шифо топар, улардан ёвуз руҳлар чиқиб кетарди.

¹³⁻¹⁴ Скевас деган яхудий бош руҳонийси бор эди. Унинг етти ўғли ўлка бўйлаб

кезиб, одамлардан ёвуз руҳларни қувиб чиқарар эдилар. Бир куни улар Раббимиз Исонинг номи билан шундай қилишга уриниб, ёвуз руҳга: “Павлус эълон қилаётган Исо номи билан буюрамиз: чиқиб кет!” дедилар.¹⁵ Ёвуз руҳ эса уларга: “Мен Исони биламан, Павлусни ҳам биламан, сизлар эса ким бўлибсизлар?” деб сўради.¹⁶ Ичидаги ёвуз руҳи бор одам уларга ташланди. Уларни шу қадар қаттиқ урдики, улар ўша уйдан яланғоч, ярадор ҳолда зўрға қочиб қутулдилар.¹⁷ Эфесда яшаган яхудий ва ғайрияхудийларнинг^{*} ҳаммаси бу воқеани эшишиб, қўрқувга тушдилар. Раббимиз Исонинг номи улуғланди.¹⁸ Шунингдек, имонга келганларнинг кўпчилиги қилмишларини очиқчасига эътироф этдилар.

¹⁹ Афсунгарлик билан машғул бўлганларнинг бир қанчаси китобларини тўплаб, омманинг кўзи олдида ёқиб юбордилар. Бу китобларнинг қиймати ҳисобланганда, эллик минг қумуш танга^{*} чиқди.²⁰ Шу тариқа Раббимиз ҳақидаги хабар ёйилиб, таъсири тобора ортиб борар эди.

²¹ Шу ҳодисалар юз бергандан кейин, Павлус Македония ва Ахаядан ўтиб, Куддусга боришга қарор қилди. “У ерга борганимдан кейин, Римга ҳам боришим керак”, деди у.²² Шундай қилиб, у икки ёрдамчиси — Тимўтий билан Эрастусни Македонияга юборди. Павлуснинг ўзи эса маълум вақт Асия вилоятида қолди.

²³ Аммо ўша пайтда Исонинг йўлига қарши қаттиқ ғала-ғовур бўлди.

²⁴ Демитрус деган бир заргар одам Артемиснинг^{*} маъбади тасвирини қумушдан ясаб, хунармандларга кўп фойда келтиради.²⁵ Демитрус бу соҳада ишлайдиган ҳамма хунармандларни чақириб, шундай деди:

— Биродарлар, биласизларки, биз шу хунар орқали яхши даромад оламиз.

²⁶ Сизлар фақат Эфесдагина эмас, балки бутун Асия вилоятида Павлус деган одамнинг қилаётганларини кўриб эшитяпсизлар. Павлуснинг айтиши бўйича, қўлда ясалган худолар асло худолар эмасмиш. У қўпчиликни шунга ишонтириб, йўлдан уряпти.²⁷ Шуниси хавфлики, бизнинг бу хунаримиз халқнинг назаридан қолиши мумкин.Faқат шугина эмас, балки бошқа хавф ҳам бор: буюк Артемиснинг маъбади ҳеч нарсага арзимас экан деган фикрга олиб келади. Асия вилояти ва бутун дунёдаги ҳамма одам топинадиган бу маъбуданинг улуғворлиги барҳам топади-ку!

²⁸ Хунармандлар бу гапни эшитганларида, ғазабланиб: “Эфеснинг Артемиси буюқдир!” деб шовқин-сурон кўтардилар.²⁹ Шаҳарда тўс-тўполон бошланди. Халқ иккита Македонияликни — Гаюс билан Аристархусни тутиб олиб, театр томонга шошилдилар. Иккалови Павлусга йўлда ҳамроҳ бўлиб келаётган эдилар.

³⁰ Павлус оломон олдига чиқмоқчи бўлган эди, имонлилар йўл қўймадилар.

³¹ Ҳатто Павлуснинг дўстлари бўлган Асия вилоятининг баъзи амалдорлари хабар бериб, театрга киришга таваккал қилманг, деб илтимос қилдилар.³² Оломон саросимага тушган эди. Баъзилари бир нарса деб шовқин солса, бошқалари бошқа нарсани айтиб шовқин соларди. Уларнинг кўпчилиги нима учун йиғилганини билмасди.³³ Яхудийлар оломонга вазиятни тушунтироқчи бўлиб, Искандар деган бир одамни олдинга чиқардилар. Искандар қўли билан оломонга, жим бўлинглар деган ишорани қилиб, ҳимоя нутқини айтишга ҳаракат қилди.³⁴ Аммо халқ унинг яхудий эканини билгач, ҳаммалари жўр бўлиб: “Эфесликларнинг Артемиси буюқдир!” деб икки соатга яқин бақириб туришди.

³⁵ Шаҳар котиби оломонни тинчлантиргач, шундай деди:

— Эй Эфесликлар! Буюк Артемис маъбадининг ва осмондан тушган ҳайкалининг^{*} сақловчиси Эфес шаҳри эканини ким билмайди?!³⁶ Буларни ҳеч ким инкор эта олмайди. Шундай экан, сизлар сукут сақлаб, ўйламасдан қадам босмаслигингиз керак.³⁷ Бу одамлар маъбадни талон-тарож қилмаган ёки

маъбудамизни ҳақорат қилмаган, сизлар эса уларни бу ерга олиб келибсизлар.

³⁸ Агар Демитрус билан унинг хунармандлари бирон одамни айблайдиган бўлса, маҳкамалар очиқ, қозилар бор, бир-бирига қарши айловларни ўша ерда ҳукм қилишсин. ³⁹ Агар бошқа бир чора кўрмоқчи бўлсангиз, у ахолининг қонуний йиғинида ҳал қилинади. ⁴⁰ Ахир, бугун юз берган воқеадан кейин бизни исёнда айблашлари мумкин. Бизда бу шовқин-суронни оқлайдиган бирон сабаб йўқ.

У шу гапларни айтиб, оломонни тарқатиб юборди.

20-БОБ

Павлус Македония ва Юнонистонда

¹ Шовқин-сурон босилгач, Павлус имонлиларни чақириб, уларга далда берди. Кейин улар билан хайрлашиб, Македонияга йўл олди. ² У ўзи босиб ўтган ҳамма шаҳарларда имонлиларга кўп далда берди. Сўнг Юнонистонга* бориб, ³ у ерда уч ой турди. У Сурияга сузиб кетмоқчи бўлган эди, яхудийлар унга қарши фитна уюштираётганини билиб қолди. Шунинг учун Македония орқали қайтишга қарор қилди. ⁴ Вериядан Пирус ўғли Сопатрус, Салоникадан Аристархус ва Секундус, Дарбадан Гаюс, Тимўтий, Асия вилоятидан Тихикус ва Трофимус Павлусга ҳамроҳ бўлдилар. ⁵ Улар биздан* олдин кетиб, Троасда бизни кутиб турган эдилар. ⁶ Хамиртурушсиз нон байрамидан* кейин биз Филиппидан сузиб кетдик. Беш кундан сўнг эса Троасда улар билан учрашиб, у ерда етти кун турдик.

Павлуснинг Троасга охирги сафари

⁷ Якшанба куни биз Рabbимиз Исони хотирлаб, нон синдириш* учун йиғилдик. Павлус одамларга ярим кечасигача гапирди. Эртаси куни у жўнаб кетишни режалаштирган эди. ⁸ Биз йиғилган болохонада кўп чироқлар ёниб турарди. ⁹ Эвтихус деган бир йигит дераза раҳида ўтирган эди. Павлус гапини давом эттирас экан, Эвтихусни қаттиқ уйқу босди. Уйқу ғолиб келиб, Эвтихус учинчи қаватдан ерга йиқилди. Уни кўтарганларида, жон берган эди. ¹⁰ Павлус пастга тушди, эгилиб, йигитни қучоқлади-да: “Хавотир олманглар, у тирик”, деди. ¹¹ Сўнгра Павлус яна болохонага қайтиб чиқди. Рabbимизни хотирлаб, нон синдириб, овқатланди. Улар билан тонг отгунча сухбатлашди, кейин йўлга чиқди. ¹² Шу орада бу йигитни уйига тирик олиб бордилар, имонлилар бу воқеадан ғоят тасалли топдилар.

Троасдан Митилинага

¹³ Павлус Ассас шаҳрига қуруқлик орқали кетишга қарор қилди. Колганларимиз эса ундан олдин кемада сузиб кетдик. Павлус ўша шаҳарда кемага чиқиб, бизга қўшилади, деб режалаштирган эдик. Зотан, у бизга шундай қилишини айтган эди. ¹⁴ Павлус биз билан Ассасда учрашгандан кейин, уни кемага олиб, Митилина шаҳрига йўл олдик. ¹⁵ Биз у ердан сузиб, эртаси куни Хиос ороли яқинига етиб бордик. Кейинги куни Самос оролига, унинг эртасига* Милейтус шаҳрига етиб бордик. ¹⁶ Павлус Асия вилоятида вақтни йўқотмаслик учун Эфесни четлаб ўтишга қарор қилди. Агар имконини топса, Ҳосил байрамида Куддусда бўлишни жуда истаётган эди.

Эфес оқсоқолларига Павлус оташин нутқ сўзлайди

¹⁷ Павлус Милейтусдан Эфесга хабар юбориб, имонлилар жамоатининг оқсоқолларига: “Менинг ҳузуримга келсангизлар”, деб илтимос қилди. ¹⁸ Оқсоқоллар Павлуснинг ҳузурига келганларида, у оқсоқолларга деди: “Мен Асия вилоятига келган биринчи кунимдан бошлаб сизларнинг орангизда қандай

яшаганимни ўзларингиз биласизлар.¹⁹ Мен кўп кўз ёш тўкиб, камтарлик билан Раббимиз Исога хизмат қилдим. Яхудийларнинг фитналари дастидан келган синовларни бошдан кечирдим.²⁰ Ўзларингиз биласизлар, мен сизларга бирон фойда келтиришдан ўзимни олиб қочмадим. Балки уйма-уй юриб, таълим бердим, халқ олдида ваъз қилдим.²¹ Мен яхудийларни ҳам, ғайрияҳудийларни* ҳам тавбага чақирдим. Худога юз буринглар, Раббимиз Исога имон келтиргинглар, деб уларга жиддий насиҳат қилдим.

²² Энди эса Муқаддас Рухнинг асири бўлиб, Қуддусга отланяпман. У ерда менга нима бўлишини билмайман.²³ Аммо мени қамоқ ва қувгинлар кутаётгани тўғрисида Муқаддас Рух ҳар бир шаҳарда огоҳлантириб келмоқда.²⁴ Лекин ҳаётим ўзим учун ҳеч нарсага арзимайди, деб ҳисоблайман. Мен фақат вазифамни охирига етказишни ва Раббимиз Исо менга юклаган ишни тугатишни истайман. Бу иш Худонинг инояти тўғрисидаги Хушхабарни эълон қилишдир.

²⁵ Мен ораларингизда бўлиб, Худонинг Шоҳлигини ваъз қилдим. Энди шуни биламанки, биронтангиз ҳам менинг юзимни бошқа кўрмайсизлар.²⁶ Шунинг учун бугун сизларга шуни эълон қиласман: мен бировнинг ҳалокати учун масъул эмасман.²⁷ Ахир, мен Худонинг ҳамма мақсадини сизларга баён қилишдан бўйин товламадим.²⁸ Ўзларингизни эҳтиёт қилинглар, сурувни ҳам эҳтиёт қилинглар. Чунки Муқаддас Рух уларни сизнинг қарамоғингизга берган. Худонинг жамоатига чўпон бўлинглар. Худо жамоатни йўз Ўғлининг қони эвазига сотиб олган.

²⁹ Биламан, мен кетганимдан кейин сизларнинг орангизга йиртқич бўрилар келади, улар сурувга шафқат қилмайди.³⁰ Ҳатто ўз ораларингиздан баъзи одамлар чиқиб, имонлиларни ортидан эргаштириб, ҳақиқатни бузиб гапирадилар.³¹ Ҳушёр бўлинглар! Мана шу уч йил давомида кечаю кундуз кўз ёш тўкиб, ҳар бирингизга қилган панд-насиҳатларимни ёдингизда тутинглар.

³² Энди мен сизларни Худога ва Унинг марҳамати ҳақидаги хабар паноҳига топширдим. Бу хабар сизларга куч-қудрат ато қилиб, жамики муқаддас қилингандар орасида мерос беришга қодирдир.³³ Мен ҳеч кимнинг кумуши ёки олтини, ё кийимига кўз олайтирамадим.³⁴ Ўзларингиз биласизларки, ўзимни ва шерикларимни таъминлаш учун қўлларим билан меҳнат қилдим.³⁵ Мен сизларга бу борада намуна бўлиб, заифларни қандай қўллаб-қувватлашимиз кераклигини кўрсатдим. Раббимиз Исо айтган шу сўзларни* эслайлик: «Олмоқдан кўра, бермоқ кўпроқ марҳамат келтиради.»

³⁶ Павлус гапини тугатгандан кейин, ҳамма билан бирга тиз чўкиб, ибодат қилди.³⁷ Ҳаммалари йиғлаб, Павлусни бағирларига босдилар, у билан ўпишиб хайрлашдилар.³⁸ Павлус: “Энди мени ҳеч қачон кўрмайсизлар”, деб айтгани учун улар ниҳоятда ғамгин бўлиб қолдилар. Улар Павлусни кемагача кузатиб бордилар.

21-БОБ

Павлуснинг Қуддусга саёҳати

¹ Биз* улар билан хайрлашиб, кемага ўтиридик ва тўғри Кос оролига келдик. Эртаси куни Родос оролига, кейин эса Патара шаҳрига бордик.² У ерда биз Финикияга кетаётган кемани топиб, ўша кемада сузиб кетдик.³ Кипрга яқинлашганимизда, бу оролни чап томонимизда қолдириб, Финикияга* йўл олдик. Тирда кемадан юқ туширмоқчи бўлганлари учун биз қирғоқда қолдик.

⁴ Исонинг у ердаги шогирдларини қидириб топдик ва улар билан бир ҳафта қолдик. Улар Муқаддас Рухдан илҳомланиб, Павлусга: “Қуддусга борманг”, деб

айтдилар.⁵ Бу ерда вақтимиз охирлаб қолгач, йўлга чиқиб, сафаримизни давом эттирик. Имонлиларнинг ҳаммаси, хотинлари ва бола-чақалари билан бирга, бизни шаҳар ташқарисигача кузатиб чиқди. Денгиз бўйида тиз чўкиб, ибодат қилдик.⁶ Сўнг бир-биримиз билан хайрлашдик. Биз кемага чиқдик, улар ҳам уйларига қайтиб кетдилар.

⁷ Биз Тир шаҳридан саёҳатни давом эттириб, Птолемай шаҳрига келдик. У ердаги имонлиларни зиёрат этиб, бир кун ёнларида қолдик.⁸ Эртаси куни йўлга чиқиб, Қайсарияга келдик. Хушхабарчи Филипнинг уйига бориб, униқида қолдик. Филип озиқ-овқат тақсимлаш учун сайланган етти кишидан* бири эди.

⁹ Филипнинг турмушга чиқмаган тўртта қизи бўлиб, уларга башорат қилиш инъоми берилган эди.¹⁰ У ерда бир неча кун бўлганимиздан кейин, Яхудиядан Хагабус* деган пайғамбар келди.¹¹ У бизнинг олдимизга келди ва Павлуснинг камарини олиб, ўзининг оёқ-қўлларини боғлади-да, шундай деди:

— Муқаддас Рух демоқда: мана бу камарнинг эгасини яхудийлар Қуддусда худди шу сингари боғлаб, уни ғайрияҳудийлар* қўлига топширадилар.

¹² Бу гапни эшитганимиздан кейин биз ҳам, у ердаги одамлар ҳам Павлусга, Қуддусга борманг, деб ялиниб-ёлвордик.¹³ Шунда Павлус қуйидагича жавоб берди:

— Нима қиляпсизлар? Нимага йиғлаб, юрагимни сикяпсизлар? Мен фақат оёқ-қўлларимнинг боғланишига эмас, балки Раббимиз Исонинг номи учун Қуддусга бориб ўлишга ҳам тайёрман.

¹⁴ Биз Павлусни кўндира олмаганимиздан кейин, “Раббимиз истаганидай бўлсин”, деб жим қолдик.¹⁵ Бу ерда маълум вақт бўлганимиздан кейин, тайёргарлигимизни кўриб, Қуддусга йўл олдик.¹⁶ Қайсариядан Исонинг баъзи шогирдлари биз билан бирга бордилар. Улар бизни дастлабки имонлилардан бўлган Кипрлик Минасоннинг уйига олиб келдилар. Биз унинг хонадонида қолдик.

¹⁷ Қуддусга келганимизда, имонлилар бизни хурсандчилик билан қабул қилдилар.¹⁸ Кейинги куни Павлус биз билан бирга Ёқубни* кўргани борди. Барча жамоат оқсоқоллари ҳам у ерда йиғилишган эди.¹⁹ Павлус улар билан саломлашгандан кейин, ўзининг хизмати орқали ғайрияҳудийлар орасида Худо қилган ишларни батафсил ҳикоя қилиб берди.²⁰ Улар бу гапларни эшитиб, Худога ҳамду сано айтдилар. Кейин Павлусга дедилар:

— Биродаримиз Павлус, кўриб турибсизки, яхудийлар орасида бир неча минг одам имонга келган. Уларнинг ҳаммаси қонунга чин дилдан ўзларини бағишилаганлар.²¹ Уларнинг эшитишича, сиз ғайрияҳудийлар орасида яшаётган ҳамма яхудийларга, Мусонинг қонунидан воз кечинглар, болаларингизни суннат қилманглар*, яхудийларнинг урф-одатларига риоя қилманглар, деб таълим берган экансиз.²² Энди нима бўлади? Сизнинг келганингизни улар албатта эшитадилар.²³ Энди бизнинг айтганларимизни қилинг. Орамизда назр атаган тўртта одам* бор.²⁴ Бу одамлар билан бирга Маъбадга бориб, у ерда покланиш маросимида иштирок этинг. Улар соchlарини олдирганларида талаб қилинган покланиш қурбонлигининг харажатларини улар учун ўзингиз тўланг. Ана шунда, сиз тўғрингизда айтилган гаплар ҳақиқат эмаслигини, сиз эса Мусонинг қонунига риоя қилган ҳолда яшаётганингизни ҳамма билиб олади.²⁵ Имонли ғайрияҳудийларга келсак, бир қанча вақт олдин биз уларга мактуб жўнатиб*, қуйидаги қароримизни маълум қилган эдик: “Бутларга келтирилган қурбонлик гўштини ва қони чиқарилмаган ҳайвон гўштини тановул қилишдан ҳамда фахзинодан* ўзларингизни тийинглар.”

²⁶ Эртаси куни Павлус ўша одамларни ёнига олиб, улар билан бирга ўзини поклади. Сўнг Маъбадга кириб, покланиш кунлари қачон тугашини, ҳар бир одам учун қачон қурбонлик келтирилишини эълон қилди.

Павлус Маъбадда қамоққа олинади

²⁷ Етти кунлик маросим охирлаб қолган эди. Асия вилоятидан келган яхудийлар Павлусни Маъбадда қўриб қолдилар. Улар оломонни қайраб, Павлусни ушладилар.

²⁸ — Эй Истроил халқи! Ёрдам беринглар! — деб шовқин солди улар. — Манави одам ҳамма жойда бизнинг халқимизга, қонунимизга, Маъбадга қарши таълим бериб юради. Бунинг устига, у ғайрияхудийларни* Маъбадга олиб келиб*, бу муқаддас жойни булғади!

²⁹ Бундай дейишларига сабаб, бундан олдин улар Эфеслик Трофимусни шаҳарда Павлус билан бирга кўришган бўлиб, “Павлус ўша ғайрияхудийни Маъбадга олиб кирди”, деб ўйлаган эдилар.

³⁰ Бутун шаҳар оёққа турди, халқ биргалашиб ҳаракатга келди. Улар Павлусни тутиб, Маъбаддан судраб чиқариб ташладилар. Ўша заҳоти Маъбад эшиклари ёпилди. ³¹ Оломон энди Павлусни ўлдирмоқчи бўлиб турган эди, Рим лашкарининг мингбоши сига: “Бутун Қуддус оёққа турди” деган хабар етиб келди. ³² Мингбоши ўша заҳоти аскарлари ва юзбошиларни олиб, оломон томонга югуриб кетди. Оломон мингбоши билан унинг аскарларини кўргач, Павлусни калтаклашни бас қилдилар. ³³ Мингбоши Павлуснинг олдига келиб, уни қамоққа олди ва иккита киshan билан боғлашни буюрди. Сўнгра у: “Бу одам ким? У нима қилди?” деб сўради. ³⁴ Оломон орасидан баъзилари бир нималар деб шовқин солди, бошқаси яна нималардир деди. Ғала–ғовур бўлганидан мингбоши нима юз берганини аниқ била олмади. Шунинг учун у Павлусни қалъага* олиб боришни буюрди. ³⁵ Павлус қалъанинг зинапоясига келганда, оломон шунчалик жунбишга келдики, аскарлар Павлусни кўтариб кетишлирига тўғри келди. ³⁶ Оломон Павлуснинг ортидан эргашиб: “Унга ўлим!” деб шовқин соларди.

³⁷ Аскарлар Павлусни қалъага олиб кираётганларида, у мингбошига:

— Сизга бир нарсани айтсам майлими? — деди.

— Юнонча биласанми?! — деб ҳайрон қолди мингбоши. — ³⁸ Бир қанча вақт олдин исён бошлаб, тўрт минг қуролланган каллакесарни сахрога олиб чиқсан Мисрлик мабодо сен эмасмисан?

³⁹ — Мен яхудийман, Киликиядаги Тарсус шаҳриданман*, — деди Павлус. — Ўша муҳим шаҳарнинг фуқаросиман. Илтимос, халққа гапиришимга ижозат беринг.

⁴⁰ Мингбоши Павлусга ижозат бергач, у зинапояда туриб, одамларга қўли билан: “Жим бўлинглар!” деган ишорани қилди. Одамлар тинчлангандан кейин, Павлус уларга орамий тилида* гапира бошлади.

22-БОБ

¹ Павлус оломонга шундай деди: “Биродарларим, оталар! Гапимга қулоқ солинглар, сизларнинг олдингизда ўзимни оқлай.” ² Одамлар унинг орамийча* гапираётганини эшитиб, сув қуйгандай, жим бўлиб қолдилар. Павлус гапида давом этди: ³ “Мен яхудийман, Киликиядаги Тарсус шаҳрида* туғилганман, аммо Қуддусда улғайдим. Бу шаҳарда Гамалиёлнинг* шогирди бўлиб, ота–боболаримизнинг қонунига жиддий эътибор бериб таълим олдим. Худди бугунгидай сизларга ўхшаб, Худога ўзимни бағишиладим. ⁴ Исонинг йўлига кирган

одамларни ўлгудай қувғин қиласадим, эркагу аёлни боғлаб, зиндонга ташлардим.
⁵ Айтаётганларим ҳақиқат эканини олий руҳоний билан бутун Кенгаш тасдиқлай олади. Улар Дамашқдаги яхудий биродарларимизга хат ёзib бердилар. Шундай қилиб, мен бу одамларни кишанлаб, Қуддусга олиб келиб жазолаш учун Дамашққа жўнадим.

Павлус ўзининг имонга келиши тўғрисида сўзлаб беради

⁶ Мен йўлимда давом этиб, Дамашққа яқинлашиб қолганимда, туш пайти бирдан осмондан ёп-ёруғ нур менинг ён-атрофимни ёритиб юборди. ⁷ Мен ерга йиқилдим. Шу пайт: «Шоул!* Шоул! Нега сен Мени қувғин қиляпсан?» деган бир овозни эшитдим. ⁸ «Ё Ҳазратим! Сиз кимсиз?» деб сўрадим. Шунда У менга: «Сен қувғин қилаётган Носиралик Исоман», деб жавоб берди. ⁹ Менинг ёнимдагилар нурни кўрардилар-у*, аммо мен билан гаплашаётганнинг овозини эшитмасдилар. ¹⁰ Шунда мен: «Ё Раббим Исо, нима қилай?» деб сўрадим. Раббий менга шундай деди: «Ўрнингдан тур, Дамашққа бор. Нима қилишинг кераклигини Худо белгилаб қўйган. Ҳамма нарса ўша ерда сенга айтилади.» ¹¹ Ўша нурнинг ярқирашидан кўзларим кўрмай қолган эди. Шунинг учун ҳамроҳларим қўлларимдан ушлаб, мени Дамашққа олиб кетдилар.

¹² Ўша шаҳарда Ханониё деган бир тақводор, қонунга итоат этадиган одам бор эди. У ўша шаҳардаги ҳамма яхудийлар орасида катта обрўга эга эди. ¹³ Ханониё олдимга келиб, ёнимда турди-да: «Биродарим Шоул! Кўзларинг яна очилсин!» деди. Ўша заҳоти кўзларим очилиб, Ханониёни кўрдим. ¹⁴ Шунда у деди: «Отабоболаримизнинг Худоси сени танлади. Токи сен Унинг хоҳишини билгин, Солиҳ Зотни* кўриб, Унинг овозини эшитгин. ¹⁵ Сен кўриб-эшитганларинг тўғрисида бутун оламга Унинг гувоҳи бўласан. ¹⁶ Энди нимани кутяпсан? Ўрнингдан тур, сувга чўмгин. Раббимизга илтижо қилиб, гуноҳларингни ювгин.»

¹⁷ Мен Қуддусга қайтиб келганимдан кейин, Маъбадда ибодат қилаётганимда, менга бир ваҳий келди. ¹⁸ Мен Раббим Исони кўрдим, У шундай деди: «Тез бўл, Қуддусдан зудлик билан кет! Бу ердаги одамлар Мен тўғримда берган гувоҳлигингни қабул қилмайдилар.» ¹⁹ Мен эса: «Ё Раббий! — дедим. — Мен синағогаларга бориб, Сенга ишонган одамларни қамаб, калтаклаганимни улар яхши биладилар. ²⁰ Шоҳидинг* Стефан ўлдирилганда, мен ўша ерда эдим, унинг ўлдирилишини маъқуллаб, уни ўлдираётганларнинг кийимларига пойлоқчилик қилиб турган эдим.» ²¹ Раббим Исо менга: «Кетавер, — деди. — Сени узоқдаги файрияҳудийларнинг олдига юбораман.»»

²² Халқ Павлусга қулоқ солиб турди. Аммо у шу гапини айтиши биланоқ, улар овози борича, шовқин солди:

— Йўқотинглар уни! Ўлдиринглар! У яшашга лойиқ эмас!

²³ Улар бақир-чақир қилиб, кийимларини отиб, ҳавони чанг-тўзон қилиб юбордилар. ²⁴ Рим мингбошиси одамларига:

— Павлусни қалъага олиб киринглар! — деб буйруқ берди. Сўнгра у яна одамларига:

— Уни қамчиланглар! Нима учун одамлар унга қарши бақир-чақир қилганини билинглар! — деди.

²⁵ Павлусни қамчилаш учун боғлаётганларида, Павлус ўша ерда турган юзбошига деди:

— Рим фуқаросининг* бирон айби топилмаган бўлса ҳам, уни қамчилаш сизларнинг қонунингизда борми?

²⁶ Юзбоши бу гапни эшитиб, мингбошининг олдига борди-да:

— Нима қилмоқчисиз? Ахир, бу одам Рим фуқароси экан-ку! — деди.

²⁷ Мингбоши Павлуснинг олдига келиб, ундан:

- Менга айт-чи, сен Рим фуқаросимисан? — деди.
- Ҳа, — деб жавоб берди Павлус.

²⁸ Мингбоши:

- Мен катта миқдорда пул тўлаб, фуқароликни олган эдим, — деди.
- Мен эса Рим фуқароси бўлиб туғилганман, — деди Павлус.

²⁹ Павлусни сўроқ қилмоқчи бўлиб турганлар ўша заҳоти ундан қўлларини тортдилар. Мингбоши Павлуснинг Рим фуқароси эканини эшитиб, уни кишанлагани учун қўрқиб кетди.

Павлус Олий кенгаш олдида

³⁰ Яхудийлар Павлусни нима учун айблаётганларини мингбоши билмоқчи бўлди. Эртаси куни у Павлусни озод қилди ва “бош руҳонийлар билан Олий кенгаш аъзолари йиғилсин”, деб буюрди. Мингбоши Павлусни уларнинг қошига олиб келди.

23-БОБ

¹ Павлус Олий кенгаш аъзоларига диққат билан қараб шундай деди:

- Биродарлар! Шу қунгача мен Худо олдида тоза виждан билан яшадим.

² Олий руҳоний Ханониё Павлуснинг ёнида турганларга: “Унинг оғзига уринглар!” деб буюрди. ³ Павлус унга деди:

— Худо албатта сизни уради, эй оқланган девор! Сиз қонунга кўра, мени ҳукм қилгани ўтирибсиз-ку! Нега энди қонунни бузиб, мени уришга амр беряпсиз?!

⁴ Павлусга яқин турган одамлар:

- Сен ҳали Худонинг олий руҳонийсини ҳақорат қиляпсанми?! — дедилар.

⁵ — Биродарлар, мен унинг олий руҳоний эканини билмабман, — деди Павлус.

— Муқаддас битикларда: “Ўз халқинг йўлбошчиси тўғрисида ёмон гапирмагин”*, деб айтилган.

⁶ Павлус билдики, бу ердагиларнинг баъзилари саддуқийлар, бошқалари фарзийлар экан. У Олий кенгашга қараб даъват қилди:

— Биродарлар! Мен фарзийман, фарзийнинг ўғлимман. Ўликлар тирилади, деб умид қилганим учун мени ҳукм қиляптилар.

⁷ Павлус шу гапларни айтгач, фарзийлар ва саддуқийлар баҳслаша бошладилар, гуруҳ иккига бўлинди. ⁸ Саддуқийлар, тирилиш ҳам, фаришта ҳам, руҳ ҳам йўқ, деб айтардилар, фарзийлар эса учаласига ҳам ишонардилар. ⁹ Шунда шовқин-сурон авжига чиқди. Фарзий мазҳабидан бўлган баъзи Таврот тафсирчилари ўринларидан туриб, қаттиқ эътиroz билдирилар:

— Биз бу одамда бирон айб топмадик. Эҳтимол, руҳ ёки фаришта унга гапирган бўлиши мумкин*.

¹⁰ Баҳс шу даражада кучайиб кетдики, мингбоши: “Павлусни тилка-пора қилишмасайди”, деб қўрқиб кетди. Шундан кейин у аскарларга: “Пастга тушинглар, Павлусни зудлик билан олиб чиқиб, қалъага* олиб киринглар!” деб буюрди.

¹¹ Ўша куни тунда Павлуснинг олдига Раббимиз Исо келиб, шундай деди: “Дадил бўл! Сен Куддусда Мен учун гувоҳлик берган эдинг, энди Римда ҳам гувоҳлик беришинг керак.”

Павлусга қарши фитна

¹² Эрталаб бир неча яхудийлар йиғилиб, фитна қўзғадилар. Улар: “Павлусни ўлдирмагунимизча еб-ичмаймиз”, дея қасам ичдилар. ¹³ Қасам ичганлар қирқ

кишидан ортиқ әди. ¹⁴ Шундан кейин улар бosh руҳонийлар билан йүлбошчиларнинг олдига бориб айтдилар:

— Биз, Павлусни ўлдирмагунимизча, еб-ичмаймиз, деб қатъий қасам ичдик.

¹⁵ Энди сизлар ва Олий кенгаш аъзолари мингбошига: “Павлусни бизнинг ҳузуримизга олиб кел, у тўғрида маълумотларни яхшироқ текшириб кўрмоқчимиз”, деб буюринглар. Павлус ҳузурингизга етиб келмасдан олдин уни ўлдирамиз.

¹⁶ Павлуснинг жияни, яъни синглиснинг ўғли бу фитна ҳақида эшитиб қолди. У қалъага бориб, Павлусга бу тўғрида айтиб берди. ¹⁷ Павлус Рим юзбошиларидан биттасини чақирди-да, шундай деди:

— Манави йигитни мингбошининг олдига олиб бор. У мингбошига бир нарса тўғрисида хабар бермоқчи.

¹⁸ Юзбоши йигитни мингбошининг олдига олиб бориб, деди:

— Маҳбус Павлус мени чақириб, манави йигитни сизнинг олдингизга олиб келишимни илтимос қилди. Унинг сизга айтадиган гапи бор экан.

¹⁹ Мингбоши йигитни қўлидан ушлаб бир четга олиб ўтди-да, сўради:

— Менга нима тўғрисида хабар бермоқчисан?

²⁰ У шундай жавоб берди:

— Яҳудийлар сиздан: “Эртага Павлусни Олий кенгашга олиб келинг”, деб илтимос қилишга келишиб олишди, гўё Олий кенгаш Павлус тўғрисидаги маълумотларни аниқроқ қилиб текширишар эмиш. ²¹ Аммо уларга қулоқ солманг! Кирқтадан кўпроқ одам яшириниб, Павлусни кутиб ётиди. Улар, Павлусни ўлдирмагунимизча, еб-ичмаймиз, деб қасамёд қилганлар. Улар ҳозир тайёр бўлиб, сизнинг қарорингизни кутяптилар.

²² Мингбоши йигитга:

— Менга берган хабарингни биронтасига айта кўрма! — деди. Сўнг унга рухсат берди.

Павлус ҳоким Феликс ҳузурида

²³ Мингбоши юзбошилардан иккитасини ёнига чақириб, деди:

— Оқшом соат тўққизда Қайсарияга* кетиш учун икки юзта пиёда аскарни, етмишта отлиқ аскарни, икки юзта найзабардорларни тайёр қилиб қўйинглар.

²⁴ Павлусни ҳам отга миндириб олинглар. Уни ҳоким Феликс* олдига эсон-омон олиб боринглар.

²⁵ Мингбоши қуйидаги мазмунда мактуб ёзди:

²⁶ “Клавдиюс Лисиясдан ҳоким Феликс жаноби олийларига саломлар!

²⁷ Яҳудийлар бу одамни ушлаб, ўлдирмоқчи бўлдилар. У Рим фуқароси эканини билганимдан кейин, мен аскарларим билан бирга бориб, уни кутқариб қолдим. ²⁸ Унинг қандай айби бор эканлигини билмоқчи бўлиб, уни яҳудийларнинг Олий кенгашига олиб келдим. ²⁹ Мен шуни билдимки, у яҳудийларнинг қонунига оид масалаларда айблланган экан. Аммо ўлимга ёки зиндонга ташланишга лойиқ бирон иш қилмаган. ³⁰ Бу одамга қарши фитна уюштирилаётганидан хабар топганимдан кейин, ўша заҳоти уни сизнинг ҳузурингизга юборишга қарор қилдим. Унинг айловчилариiga ҳам, даъволарингизни ҳоким Феликсга бориб айтинглар, дедим*.”

³¹ Шундай қилиб, аскарлар мингбошининг кўрсатмасига мувофиқ, Павлусни олиб, тун бўйи юриб, Антипатрис шаҳрига* олиб келдилар. ³² Эртаси куни отлиқ аскарлар Павлус билан бирга йўлда давом этди, қолганлар эса қалъага қайтиб

кетдилар.³³ Отлиқ аскарлар Қайсарияга етиб келганларидан кейин, ҳокимга мактубни бердилар, Павлусни ҳам ҳокимга рўпара қилдилар.³⁴ Ҳоким мактубни ўқиб бўлиб, Павлусдан: “Сен қайси вилоятдансан?” деб сўради. Павлуснинг Киликиядан эканини билгач,³⁵ ҳоким: “Айловчилар келганларидан кейин, сени эшитаман”, деди. Шундан кейин ҳоким: “У Ҳироднинг саройида* ушлаб турилсин”, деб буйруқ берди.

24-БОБ

Павлусга қарши далиллар

¹ Беш кун ўтгач, олий руҳоний Ханониё бир неча йўлбошчилар ва Тертуллус деган бир ҳуқуқшунос билан бирга Қайсарияга* келди. Улар Павлусга қарши арзларини ҳокимга* баён қилмоқчи бўлдилар.² Павлусни чақириб келтирганларидан кейин, Тертуллус уни айблай бошлади:³ “Жаноби олийлари! Сизнинг доно раҳбарлигингиз остида биз анчадан буён тинч–хотиржам яшаяпмиз, узоқни кўра билишингиз шарофати билан халқимиз учун ислоҳотлар амалга оширилди. Биз буни ҳамма жойда ва ҳар доим эътироф этамиз, сиздан чуқур миннатдормиз.⁴ Мен сизнинг вақтингизни кўп олмоқчи эмасман, марҳаматингизни дариф тутмай, бизнинг қисқа ахборотимизга қулоқ солишингизни илтимос қиласман.⁵ Биз, аслида, бу одамни вабо сингари хавфли деб биламиз. У дунёдаги ҳамма яхудийлар орасида исён бошлади. У насронийлар мазҳабининг* раҳнамосидир.⁶⁻⁷ У ҳатто Маъбадни булғашга ҳаракат қилди. Шунинг учун биз уни ҳибсга олдик*.⁸ Бу одамни ўзингиз сўроқ қилсангиз, биз уни нимада айблаётганимизни унинг ўзидан билиб оласиз.”

⁹ Яхудийлар бу айловларга қўшилиб, буларнинг ҳаммаси ҳақиқат, деб айтдилар.

Павлуснинг Феликс ҳузуридаги ҳимоя нутқи

¹⁰ Ҳоким, гапир, деб Павлусга ишора қилгандан кейин, у шундай жавоб берди: “Биламан, сиз анча йилдан бери бу халқ устидан ҳукмрон бўлиб келасиз. Шунинг учун ўзимни сизнинг ҳузурингизда ҳимоя қилаётганимдан хурсандман.¹¹ Ўзингиз билиб олишингиз мумкин: Худога сажда қилгани Қуддусга борганимга ўн икки кундан ошгани йўқ.¹² Мен Маъбадда бирон одам билан тортишиб қолганимни ёки синагогаларда, ё бўлмаса шаҳарда оломон орасига ғулғула согланимни улар кўрганлари йўқ.¹³ Қолаверса, ҳозир менга қарши айтиётган айловларини улар исботлаб бера олмайдилар.¹⁴ Аммо шуни тан олишим керакки, улар Исонинг йўлини сохта эътиқод деб айтишади. Мен эса Исонинг йўли орқали ота–боболаримизнинг Худосига сажда қиласман. Тавротга мос келган ва Пайғамбарлар битикларида* ёзилган ҳар бир сўзга мен ишонаман.¹⁵ Мен мана шу одамлар сингари, Худога умид боғлаганман. Худо солиҳларни ва фосиқларни тирилтиришига мен ҳам улардай ишонаман.¹⁶ Айни шу сабабдан Худо ва халқ олдида мен доим виждонимни соғ сақлашга тиришаман.

¹⁷ Мана, Қуддусда бўлмаганимга бир неча йил бўлди, энди халқимга хайр–садақа бериш ва назр қилиш учун Қуддусга боргандим.¹⁸ Мен шуларни бажараётганимда, улар мени Маъбадда кўриб қолдилар. Мен покланиш маросимини адо этаётган эдим, ёнимда оломон йўқ эди, шовқин–сурон ҳам кўтартмаган эдим.¹⁹ Асия вилоятидан бўлган бир неча яхудийлар ўша ерда эдилар. Агар уларнинг менга қарши бирон даъволари бўлса, улар ўзлари сизнинг ҳузурингизга келиб, ўз айловларини билдиришлари керак.²⁰ Ёки бу ердагилар айтишсин, мен Олий кенгаш аъзолари олдида турганимда менда қандай жиноят

топдилар экан? ²¹ Мен уларнинг олдида турганимда, баланд овозда: «Мен ўликлар тирилади, деб айтганим учун бугун олдингизда хукм қилиньяпман», деб айтган эдим. Бундан бошқа нима айбим бор?»

²² Исонинг йўли тўғрисида батафсил хабардор бўлган Феликс йиғилишни тўхтатиб: “Мингбоши Лисияс келгандан кейин, сенинг ишинг тўғрисида қарор қабул қиласман”, деди. ²³ Феликс юзбошига: “Уни қамаб қўй, аммо унга озгина эркинлик бер, унинг эҳтиёжлари учун хизмат қилмоқчи бўлган дўстларига ижозат бер”, деб буйруқ берди.

Павлус Феликс ва Друсила ҳузурида

²⁴ Бир неча кундан кейин Феликс хотини Друсила билан келди. Друсила яхудий эди*. Феликс Павлусни чақиртириб келди ва Исо Масиҳга ишониш тўғрисидаги гапларини тинглади. ²⁵ Павлус солиҳлик, нафсни тийиш, қиёмат кунининг келиши тўғрисида гапирав экан, Феликс қўрқиб, деди: “Сен энди боравер. Имкон топилган заҳоти, сени чақираман.” ²⁶ Феликс: “Павлус менга пора беради”, деб умид қиласди, шунинг учун Павлусни тез-тез чақириб, у билан сухбатлашарди.

²⁷ Орадан икки йил ўтгач, Феликснинг ўрнига Пўркиюс Фестус ҳоким бўлди. Феликс яхудийларнинг кўнглини олмоқчи бўлиб, Павлусни қамоқда қолдирди.

25-БОБ

Павлус ҳоким Фестус ҳузурида

¹ Фестус Яхудия вилоятига ҳоким бўлиб келгандан кейин уч кун ўтгач, Қайсариядан* Куддусга борди. ² У ерда бош руҳонийлар ва яхудий йўлбошчилари Павлусга қарши далилларни ҳоким Фестусга баён қилдилар. Улар Фестусдан: ³ “Павлусни Қуддусга чақиртирангиз”, деб илтимос қилдилар. Аслида улар йўлда Павлусга суюқасд қилишни режалаштирган эдилар. ⁴ Фестус уларга шундай жавоб берди:

— Павлус Қайсарияда қамоқда, мен ҳадемай ўша ерга қайтиб бораман.

⁵ Йўлбошчиларингиз мен билан бирга Қайсарияга борсин. Агар Павлус бирон ёмон иш қилган бўлса, майли, уни айбласинлар.

⁶ Фестус саккиз-ўн кунча улар билан бирга бўлиб, кейин Қайсарияга қайтди. Эртаси куни у ҳукм курсисига ўтириб: “Павлус олиб келинсин!” деб буюрди.

⁷ Павлус келгач, Куддусдан келган яхудийлар уни ўраб олдилар ва унга қарши жиддий айловларни қўя бошладилар. Ўзлари эса бу айбларни исботлай олмасдилар. ⁸ Аммо Павлус ўзини ҳимоя қилиб, шундай деди:

— Мен яхудийлар қонунига ёки Маъбадга, ё Қайсарга* қарши бирон нотўғри иш қилмадим.

⁹ Фестус эса яхудийларнинг кўнглини олмоқчи бўлиб, Павлусдан сўради:

— Куддусга бориб, ўша ерда менинг олдимда сенга қўйилган шу айблар бўйича ҳукм қилинишни истайсанми?

¹⁰ — Мен Қайсарнинг маҳкамасида турибман, мен шу ерда ҳукм қилинишим керак, — деди Павлус. — Мен яхудийларга қарши бирон нотўғри иш қилмадим, буни ўзингиз ҳам яхши биласиз. ¹¹ Агар мен қонунга хилоф бирон иш қилиб, ўлимга лойиқ бўлсам, ўлимдан қутулиш учун ҳаракат қилмайман. Агар бу одамларнинг менга қарши айловлари ёлғон бўлса, ҳеч ким мени уларнинг қўлига топширишга ҳақли эмас. У ҳолда мен Қайсарнинг ҳукмини талаб қиласман*.

¹² Фестус ўз маслаҳатчилари билан кенгашиб олгач, Павлусга:

— Сен Қайсарнинг ҳукмини талаб қилдинг, энди Қайсарнинг олдига борасан,
— деди.

Павлус шоҳ Агриппа ва Верника ҳузурида

¹³ Бир неча кун ўтгандан кейин, шоҳ Агриппа билан Верника^{*} Қайсарияга
Фестус ҳузурига ташриф буюрдилар. ¹⁴ Улар бир неча кун шу ерда турдилар.
Павлуснинг аҳволини Фестус шоҳга тушунтириди:

— Бу ерда бир одам бор, Феликс уни қамоқда қолдирган эди. ¹⁵ Куддусда
бўлганимда бош руҳонийлар билан яхудий йўлбошчилари ўша одам тўғрисида
менга ахборот бердилар ва “Уни ўлимга маҳкум қилинг”, деб мендан илтимос
қилдилар. ¹⁶ Мен уларга шундай деб айтдим: “Рим йўл-йўриқлари бўйича ҳеч ким
сўроқ қилинмасдан жазоланиш учун айловчининг қўлига топширилмайди.
Айланувчига айловчилар билан юзма-юз учрашиб, ўзини ҳимоя қилиш
имконияти берилади.” ¹⁷ Бош руҳонийлар ва йўлбошчилар бу ерга келганларида,
мен вақтни бой бермай, эртаси куни ёк ҳукм курсисига ўтиридим-да, Павлусни
олиб келинглар, деб буюрдим. ¹⁸ Лекин Павлуснинг рақиблари уни мен кутган
жиноятларда айбламадилар. ¹⁹ Бунинг ўрнига улар ўзларининг дини тўғрисида,
ўлиб кетган қандайдир Исо тўғрисида Павлус билан баҳс қилдилар. Павлус, Исо
тириқдир, деб тасдиқлайверди. ²⁰ Бу масалаларни қандай ҳал қилсан экан, деб
бошим қотиб қолди. Мен Павлусдан: “Куддусга бориб, ўша ерда ўзингга қўйилган
айблар бўйича ҳукм қилинишни истайсанми?” деб сўрадим. ²¹ Аммо Павлус, мен
император жаноби олийлари қарор чиқармагунча қамоқда қоламан, деди.
Шунинг учун мен: “Павлусни Қайсарнинг ҳузурига жўнатгунимча, у қамоқда
сақлансин”, деб буйруқ бердим.

²² Агриппа Фестусга:

— Ўша одамнинг гапларини мен ўзим эшитишни хоҳлайман, — деди.

— Эртага унинг гапларини эшитасиз, — деб жавоб берди Фестус.

²³ Эртаси куни Агриппа билан Верника дабдаба билан келиб, мингбошилар,
шаҳарнинг юқори мартабали одамлари билан бирга йиғин залига кирдилар.
Фестус: “Павлус олиб келинсин!” деб буйруқ берди.

²⁴ — Шоҳ Агриппа жаноблари! Бу ерда ҳозир бўлганлар! — деди Фестус. —
Манави одамни кўриб турибсизлар. Шу ердаги ва Куддусдаги ҳамма яхудийлар бу
одамга қаршидир. Улар менга шикоят қилиб: “Бу одам яшашга лойиқ эмас!” деб
шовқин солмоқдалар. ²⁵ Аммо менинг назаримда бу одам ўлимга лойиқ бирон иш
қилмаган. У император жаноби олийларининг ҳукмини талаб қилгани учун, уни
Римга юборишга қарор қилдим. ²⁶ Аммо у тўғрида император жаноби олийларига
ёзишим учун аниқ бир нарса йўқ. Шунинг учун мен бу одамни сизларнинг
ҳузурингизга, хусусан, шоҳимиз Агриппа жаноби олийлари, сизнинг ҳузурингизга
олиб келдим. Бу масалани кўриб чиққанимиздан кейингина, мен бирон нарса
ёзишим мумкин. ²⁷ Маҳбусга қарши айловларни аниқ қўрсатмай туриб, уни
императорга юбориш мен томондан ақлсизлик бўлар эди.

26-БОБ

Павлус шоҳ Агриппа олдида ўзини оқлади

¹ Агриппа^{*} Павлусга:

— Ўзингни ҳимоя қилиб гапиришинг мумкин, — деди. Шундан кейин Павлус
қўлини чўзиб, ўзини ҳимоя қилиб гапира бошлади: ² “Шоҳ Агриппа жаноби
олийлари! Бугун мана бу яхудийлар менга қўяётган айблардан ўзимни сизнинг
ҳузурингизда ҳимоя қилаётганим учун баҳтиёрман. ³ Ахир, яхудийларнинг

одатлари ва баҳсларини сиз жуда яхши биласиз. Сиздан илтимос, марҳамат қилиб менинг гапимни эшитсангиз.

⁴ Ёшлигимдан босиб ўтган ҳаёт йўлимни — Куддусда, ўз ҳалқим орасида кечирган ҳаётимни ҳамма яхудийлар биладилар. ⁵ Агар улар гувоҳлик беришни истасалар, динимизнинг энг ашаддий мазҳаби фарзийларга мансуб бўлганимни улар азалдан биладилар. ⁶ Энди эса, Худонинг ота-боболаримизга берган ваъдасига умид қилганим* учун ҳукм қилиняпман. ⁷ Ваҳоланки, ҳалқимизнинг ўн икки қабиласи* кечаю кундуз Худога чин дилдан сажда қилиб, шу ваъда бажо бўлишига умид қиляптилар. Жаноби олийлари, мен ҳам айнан шундай умид қилганим учун яхудийлар мени айблаяптилар. ⁸ Эй шу ерда турғанлар! Нима учун Худо ўликларни тирилтиришига ишониб бўлмайди, деб ўйлайсизлар?

⁹ Мен ўзимча, Носиралик Исонинг номига қарши ҳар нарсани қилишим керак, деб ўйлагандим. ¹⁰ Мен буни Куддусда қилдим ҳам. Бош руҳонийлардан ваколат олиб, Худонинг азизларидан кўпчилигини қамоқقا ташладим. Улар ўлимга ҳукм қилингандарида, мен буни маъқуллаб турадим. ¹¹ Мен тез-тез бир синагогадан иккинчисига бориб, уларни жазолардим, имонларидан қайтаришга ҳаракат қилардим. Мен уларга нисбатан шунчалик шафқатсиз эдимки, ҳатто бегона шаҳарларда ҳам уларни қувғин қилгани борарадим.

¹² Бир куни шу мақсадда бош руҳонийлардан ваколат олиб, Дамашққа бир топшириқ билан кетаётган эдим. ¹³ Жаноби олийлари! Мен куппа-кундузи йўлда кетаётганимда, бирдан осмонда қуёшдан ҳам ёруғ нурни кўрдим. Нур шерикларим билан менинг ён-атрофимни ёритиб юборди. ¹⁴ Ҳаммамиз ерга йиқилдик. Шунда орамий тилида* менга гапираётган бир овозни эшитдим:

— Шоул!* Шоул! Нимага Мени қувғин қиляпсан? Ҳўқиз ўз эгасининг таёғини тепиб, ўзига зарар келтиргандай, сен ҳам Менга қарши чиқиб, ўзингга зарар келтирияпсан.

¹⁵ — Ҳазратим! Сиз кимсиз? — деб сўрадим мен.

— Сен қувғин қилаётган Иsoman, — деб жавоб берди Раббий. ¹⁶ — Энди ўрнингдан тур, Шоул. Сени Ўз хизматкорим қилиб тайинлаш мақсадида сенга зоҳир бўлдим. Сен Мени кўрганингни бошқаларга айтасан, сенга кўрсатадиганларим тўғрисида гувоҳлик берасан. ¹⁷ Мен сени ўз ҳалқинг қўлидан қутқараман. Сени ғайрияҳудийлар орасига юбориб, уларнинг қўлидан ҳам халос этаман. ¹⁸ Сен ғайрияҳудийларнинг кўзларини очасан, уларни зулматдан ёруғликка, шайтоннинг ҳукмронлигидан Худонинг ҳукмронлигига қайтарасан. Менга имон келтириш орқали уларнинг гуноҳлари кечирилиб, улар Худонинг танланган ҳалқи орасидан жой оладилар.

¹⁹ Шундай қилиб, шоҳ Агриппа жаноблари, самодан менга келган вахийга итоатсизлик қилмадим. ²⁰ Аввало, Дамашқда ва Куддусда, кейин бутун Яхудияда, шунингдек, ғайрияҳудийлар орасида: «Гуноҳларингиз учун тавба қилинглар, Худога юз буринглар, тавба қилганингизни кўрсатадиган ишлар қилинглар», деб ваъз қилдим. ²¹ Шу сабабдан яхудийлар мени Маъбадда тутиб олиб, ўлдирмоқчи бўлдилар. ²² Аммо шу кунгача Худо менга мадад берди. Мен ҳаммага — каттаю кичикка бирдай гувоҳлик бериб келдим. Мен уларга фақат пайғамбарларнинг ва Мусонинг айтганларини* гапирган эдим. ²³ Масиҳ Ўз ҳалқига ва ғайрияҳудийларга нур олиб келиш учун азоб чекиши ва биринчи бўлиб ўлиқдан тирилиши керак, деб айтдим, холос.”

²⁴ Павлус шу тариқа ўзини ҳимоя қилар экан, Фестус унга бақириб деди:

— Сен телба бўлиб қолибсан, Павлус! Кўп билганинг сени ақлдан оздиряпти!

²⁵ Павлус эса шундай деди:

— Мен ақлдан озганим йўқ, Фестус жаноби олийлари! Мен жиддий ҳақиқатни гапиряпман. ²⁶ Шоҳ бу нарсалар тўғрисида билгани учун, мен унга бемалол гапирмоқдаман. Бу нарсаларнинг ҳар бири унинг эътиборидан четда қолмаганига имоним комил. Чунки булар яширин қилинган эмас. ²⁷ Шоҳ Агриппа жаноблари! Сиз пайғамбарларнинг башоратларига ишонасизми? Биламан, ишонасиз.

²⁸ Агриппа Павлусга:

— Сен дарров мени масиҳий бўлишга қўндиromoқчисан-а, — деди. ²⁹ Павлус шундай жавоб берди:

— Дарров бўладими ёки узоқ вақтдан кейин бўладими, нафақат сиз, балки менинг гапларимни эшитаётганларнинг ҳаммаси мен сингари бўлсин деб, Худога ибодат қиласман. Аммо мана бу кишанларни сизларга раво кўрмайман.

³⁰ Шундан кейин шоҳ Агриппа, ҳоким Фестус, Верника ва бошқалар ўринларидан турдилар. ³¹ Улар кетаётиб, бир-бирларига: “Бу одам ўлимга ёки зинданга ташланишга лойиқ бирон иш қилмаган”, деб айтдилар. ³² Агриппа Фестусга:

— Агар бу одам Қайсарнинг^{*} ҳукмини талаб қилмаганда эди, уни озод қилиш мумкин эди, — деди*.

27-БОБ

Павлуснинг денгиз орқали Римга сафари

¹ Бизни^{*} денгиз орқали Италияга^{*} жўнатишга қарор қилдилар. Шундан кейин улар Павлусни ва бошقا баъзи маҳбусларни Империя қўшинидаги Юлиюс деган Рим юзбошисига топширдилар. ² Ҳаммамиз Адрамиттион шаҳридан келган кемага ўтиридик. Кема Асия вилоятининг бандаргоҳларига^{*} энди жўнамоқчи бўлиб турган экан. Биз йўлга тушдик. Салоникадан келган Македониялик Аристархус деган одам бизга ҳамроҳ бўлди. ³ Эртаси куни биз Сидон шаҳрига етиб келдик. Юлиюс Павлусга яхши муносабатда бўлди, шунинг учун дўстлари олдига боришга ва керакли нарсаларни олишга ижозат берди. ⁴ Биз у ердан жўнаб кетдик. Шамол бизга қарши томондан эсаётгани учун Кипр оролини паналаб сузиб ўтдик. ⁵ Сўнг Киликия ва Памфилия вилоятларининг жануб томонидан сузиб, Ликия вилоятидаги Мура шаҳрига келдик. ⁶ Юзбоши у ерда Искандариядан Италияга сузиб кетадиган кемани топди ва бизни унга ўтказди. ⁷ Биз бир неча кун секин сузиб, ниҳоят қийинчиликлар билан Книдус шаҳрига етиб келдик. Шамол бизга қарши эсаётгани учун Салмона ярим оролининг ёнидан ўтиб, Крит оролини паналаб суза бошладик. ⁸ Оролнинг қирғоғи бўйлаб машаққатлар билан Гўзал бандаргоҳлар деган жойга етиб келдик. Бу жой Ласея шаҳри яқинида жойлашган.

⁹ Биз анча вақт ўша ерда қолдик. Ҳатто Покланиш куни^{*} ҳам ўтди, сузиш хавфли бўлиб қолди. Павлус кемачиларга маслаҳат берди:

¹⁰ — Дўстлар! Кўриб турибман, бу ердан сузиб кетадиган бўлсак, нафақат юкимиз ва кемамиз, балки жонимиз ҳам хавф остида қолади, оғир ҳалокатга учраймиз.

¹¹ Лекин юзбоши Павлуснинг маслаҳатига қулоқ солмай, кема дарғаси ва кема эгасининг гапига кирди. ¹² Қишини ўтказиш учун бандаргоҳ яхши шароитга эга эмас эди. Шунинг учун деярли ҳамма у ердан денгизга чиқишига, қандай қилиб бўлса ҳам Финиксга етиб олиб, қишини ўша ерда ўтказишга рози эди. Финикс Крит оролидаги бандаргоҳ бўлиб, қаттиқ қиши шамолларидан панада эди*.

Денгиздаги бўрон

¹³ Жанубдан майин шабада эса бошлаганд, улар: “Ниятимиз амалга ошадиган бўлди”, деб ўйладилар. Шунинг учун улар лангарни кўтариб, Крит ороли бўйлаб, қирғоқча яқин суза бошладилар. ¹⁴ Аммо кўп ўтмай орол томондан ниҳоятда кучли бўрон кўтарилди. Бу “Шимоли-шарқ” бўрони деб айтиларди. ¹⁵ Бўрон кемага шундай урилдики, натижада кема шамолга қарши сузолмай қолди. Шундан кейин ўзимизни тўлқинларга топшириб, шамол йўналиши бўйлаб сузиб кетдик. ¹⁶ Биз Кавда* деган оролчани паналаб ўтдик. Кеманинг қайиқчасини зўрға ушлаб қолдик. ¹⁷ Денгизчилар қайиқни юқорига кўтариб олдилар. Кейин эса кема парчаланиб кетмасин деб, уни остидан арқонлар билан маҳкам боғладилар. Улар: “Суртис* атрофларида қумга ўтириб қолмасак эди”, деб қўрқиб, тезликни камайтирадиган лангарни* туширдилар ва кемани шамол йўналишига қўйиб бердилар. ¹⁸ Қутурган бўрон давом этарди. Эртаси куни улар кемадан юкларни улоқтира бошладилар. ¹⁹ Учинчи куни эса ўз қўллари билан кеманинг асбоб-ускуналарини денгизга отдилар. ²⁰ Бир неча кун биз на қуёшни, на юлдузларни кўрдик. Бўрон қутургани сари, қутулишимизга бўлган умид сўниб борарди.

²¹ Ҳеч ким узоқ вақт бирон нарса тановул қилмади. Шунда Павлус уларнинг ўртасига чиқиб, шундай деди:

— Дўстлар! Агар менинг гапларимга қулоқ солиб, Кипрдан кетмаганларингизда эди, биз мана шу заарга ва оғир ҳалокатларга дучор бўлмасдик. ²² Энди сизларга маслаҳатим шу: дадил бўлинглар! Орамиздан ҳеч ким нобуд бўлмайди, фақат кемадан маҳрум бўламиз, холос. ²³ Мен мансуб бўлган ва мен сажда қиласиган Худойим ўтган куни олдимга Ўз фариштасини юборди. ²⁴ Фаришта менга шундай деди: “Кўрқма, Павлус, сен Қайсар* хузурида бўлишинг керак. Сен билан бирга кемада сузиб кетаётганларга Худо ҳаёт бағишлади.” ²⁵ Шунинг учун, дўстлар, дадил бўлинглар, чунки Худога ишонаман: ҳаммаси менга айтилганидай бўлади. ²⁶ Биз бирон оролга албатта тушамиз.

²⁷ Ўн тўртинчи куни кечаси биз Ўрта ер денгизида* шамол йўналиши бўйлаб сузаетган эдик. Тахминан тун ярмида денгизчилар қуруқликка яқинлашиб қолганимизни пайқаб қолдилар. ²⁸ Улар чуқурликни ўлчаган эдилар, 20 қулоч чиқди. Бир оз нарироқни ўлчаган эдилар, 15 қулоч* чиқди. ²⁹ Улар: “Кема қояларга бориб урилади”, деб қўрқиб кетганлари учун кеманинг ортидан тўртта лангарни туширдилар ва тезроқ тонг отсин, деб Худога астойдил илтижо қилдилар. ³⁰ Шу орада денгизчиларнинг баъзилари кемадан қочиб чиқишига уриндилар. Улар қайиқни сувга тушириб, ўзларини худди кеманинг олд томонидан лангар туширмоқчи бўлгандай кўрсатдилар. ³¹ Павлус юзбоши билан аскарларга шундай деди:

— Бу одамлар кемада қолмас эканлар, билиб қўйинглар, сизлар ҳам ўзларингизни қутқара олмайсизлар.

³² Аскарлар қайиқ боғланган арқонни кесдилар ва қайиқни сувга тушириб юбордилар. ³³ Тонг отиши билан, Павлус улардан тамадди қилиб олишларини илтимос қилди:

— Бугун ўн тўрт кундирки, сизлар хавотирлиқда бўлиб, ҳеч нарса емадингизлар. ³⁴ Ёлвораман: бир оз тамадди қилиб олинглар, бу тирик қолишингиз учун керак. Бошингиздан бирон тола соч ҳам тушмайди.

³⁵ Павлус шу сўзларни айтиб бўлгач, нонни олди ва ҳамманинг кўз ўнгида Худога шукrona айтди. Сўнгра нонни синдириб, ея бошлади. ³⁶ Бошқалар ҳам дадилланиб, овқатлана бошладилар. ³⁷ Кемада жами 276 киши бор эди. ³⁸ Улар

түйиб олгач, буғдойнинг ҳаммасини денгизга ташлаб, кемани енгиллаштирилар.

Кема ҳалокатга учрайди

³⁹ Тонг отганда, денгизчилар қирғоқни таний олмадилар. Аммо қирғоқдаги құмли құлтиқни пайқадилар. Агар имкони бўлса, кемани ўша ерда қирғоққа тўхтатамиз, деб қарор қилдилар. ⁴⁰ Сўнг лангарларни кесиб, денгизга тушириб юбордилар. Айни пайтда эшкакларни маҳкам боғлаб турган арқонларни ечдилар. Шундан кейин олдинги елканни шамолга қаратиб, қирғоққа сузиб кетдилар.

⁴¹ Лекин кема саёз жойга урилиб, қумга ўтириб қолди. Оқибатда кеманинг олд қисми қумга тиқилиб, қимирламай қолди. Кеманинг орқа қисми эса тўлқинлар шиддатидан парча-парча бўлиб кетди.

⁴² Шунда аскарлар: “Маҳбуслар сузиб, қутулиб кетмасин”, дея уларни ўлдирмоқчи бўлдилар. ⁴³ Аммо юзбоши Павлусни қутқармоқчи бўлиб, аскарларни бу ниятларидан қайтарди. Уларга шундай буйруқ берди: “Сузишни биладиганлар биринчи бўлиб кемадан сакрасин ва қирғоққа сузиб борсин, ⁴⁴ қолганлар эса тахталарни ёки кеманинг бирон синиқ бўлагини олиб, уларнинг ортидан эргашсинглар.” Шу йўсин ҳаммалари эсон-омон қирғоққа етиб олдилар.

28-БОБ

Мальта оролида

¹ Биз* қирғоққа эсон-омон етиб борганимиздан кейин, билдикки, бу оролнинг номи Мальта экан. ² Ерли аҳоли бизга ғоят дўстона муносабатда бўлди. Ёмғир ёғаётгани ва совуқ бўлгани учун улар олов ёқиб, ҳаммамизни олов атрофига таклиф қилдилар. ³ Павлус шоҳ-шабба йиғиб келиб, олов устига ташлаётганда, бир заҳарли илон иссиқдан қочиб, унинг қўлига осилиб қолди. ⁴ Ерли аҳоли Павлуснинг қўлига осилиб қолган илонни кўриб бир-бирларига: “Бу одам қотил бўлса керак, у денгиздан қутулса ҳам, Қасос худоси унга яшашга имкон бермади”, дедилар. ⁵ Аммо Павлус илонни олов ичига силкитиб отди, ўзи эса ҳеч қандай зарар кўрмади. ⁶ Аҳоли, ҳозир бу одам шишиб кетади ёки бирдан йиқилиб ўлади, деб кутарди. Улар узоқ кутдилар, лекин ғайритабиий равишда унга ҳеч нарса бўлмаганини кўрдилар. Энди одамлар фикрларини ўзгартириб: “У худо экан”, деб айта бошладилар.

⁷ Ўша жойнинг яқинида бир дала бор эди, бу дала орол бошлиғи Публиюсга тегишли экан. Публиюс бизни уйига олиб кетиб, уч кун меҳмон қилди. ⁸ Унинг отаси ичбуруғдан иситмалаб, тўшакда ётарди. Павлус унинг хонасига бориб, ибодат қилди, унга қўлинни қўйиб, шифо берди. ⁹ Шу воқеа юз бергандан кейин, оролдаги ҳамма хаста одамлар Павлуснинг олдига келиб, шифо топдилар. ¹⁰ Улар бизга кўп иззат-хурмат кўрсатдилар. Жўнаб кетаётганимизда эса сафаримиз учун зарур озиқ-овқатларни кемага жойлаштирилар.

Мальтадан Римга

¹¹ Уч ойдан кейин Искандариядан келган кема билан денгизга чиқдик. Кема “Эгизак худолар”* деб аталарди. У оролда қишлоғ қолган эди. ¹² Биз Суракуз шаҳрига бориб, у ерда уч кун турдик. ¹³ У ердан сузиб кетиб, Региумга келдик. Эртаси куни жанубдан шамол эса бошлади. Иккинчи кун Путеол шаҳрига етиб келдик. ¹⁴ У ерда бир неча имонлилар билан учрашдик. Улар: “Биз билан қолинглар”, деб илтимос қилдилар.

Бир ҳафтадан кейин биз Римга кетдик. ¹⁵ Римдаги имонлилар биз тўғримизда

эшитиб, бизни қутиб олгани йўлга чиқишиди. Баъзилари билан Аппиюс бозорида кўришдик, бошқа бирлари билан эса Уч меҳмонхона^{*} деган жойда учрашдик. Павлус уларни кўриб, Худога шукур айтди ва янада дадиллашди.¹⁶ Биз Римга келганимиздан кейин, Павлусга^{*} бир аскар кузатувида ёлғиз яшашга рухсат берилди.

Павлуснинг Римдаги фаолияти

¹⁷ Павлус уч кундан кейин маҳаллий яхудийларнинг йўлбошчиларини чақирди. Улар йиғилишгач, Павлус деди:

— Биродарлар! Мен халқимизга ёки ота–боболаримиз одатларига қарши бирон нарса қилмаган бўлсан ҳам, мени Куддусда қамаб, Рим амалдорларининг қўлига топширишди.¹⁸ Улар мени текшириб кўрганларидан кейин, мени озод қилмоқчи бўлдилар, чунки ўлимга лойиқ бирон иш қилмаган эдим.¹⁹ Аммо яхудийлар қаршилик қилганларидан кейин, мен Қайсарнинг^{*} ҳукмини талаб қилишга мажбур бўлдим. Мен бу билан ўз халқимни айбламоқчи эмасман.²⁰ Шу сабабдан мен сизлар билан кўришиб, суҳбатлашишни истадим. Аслини олганда, мен Исройлнинг умиди^{*} учун занжирбанд қилинганман.

²¹ Улар Павлусга дедилар:

— Сиз тўғрингизда Яхудиядан биронта хат олмадик, бу ерга ташриф буюрган биродарларимиздан биронтаси ҳам сиз тўғрингизда бирон хабар ёки ҳеч қандай ёмон гап айтмади.²² Аммо фикрингизни ўзингиздан эшитишни истардик, чунки бу мазҳабга^{*} нисбатан ҳар ерда қарши гапириб юрганларини биз биламиз.

²³ Улар Павлус билан бир кунни келишиб олдилар. Ўша куни улар Павлус турган жойга бир талай одамни бошлаб келдилар. Павлус эрталабдан кечгacha уларга Худонинг Шоҳлиги тўғрисида тушунтириди. Шунингдек, Мусонинг Таврот китобидан ва Пайғамбарлар битикларидан^{*} Исо тўғрисида ишончли далиллар келтириди.²⁴ Улардан баъзилари Павлуснинг айтганларига ишондилар, бошқалари эса умуман ишонмадилар.²⁵ Шундай қилиб, улар ўзаро баҳслашдилар. Улар кетмоқчи бўлиб турганларида Павлус шундай деди: “Муқаддас Рух Ишаё пайғамбар орқали ота–боболарингизга ушбу гапни тўғри айтган экан:

²⁶ «Бор, мана шу халққа айт:
‘Сизлар тинглаб турасиз–у, лекин ҳеч тушунмайсиз,
Қараб турасиз–у, аммо ҳеч англаб етмайсиз.’

²⁷ Зеро, бу халқнинг ақли ўтмас бўлиб қолди,
Қулоқлари гаранг бўлди,
Кўзларини юмиб олишди.
Акс ҳолда, кўзлари кўрган бўларди,
Акс ҳолда, қулоқлари эшитган бўларди,
Ақллари англаған бўларди,
Яна Менга қайтган бўлишарди,
Мен уларга шифо берган бўлардим.»*

²⁸⁻²⁹ Сизларга шу маълум бўлсинки, Худонинг нажоти ғайрияҳудийларга юборилган. Улар қулоқ соладилар*.”

³⁰ Павлус ижарага олган уйида икки йил яшади ва уни кўргани келган ҳаммани қабул қилди.³¹ У жасорат билан Худонинг Шоҳлиги ҳақида ваъз айтиб, Раббимиз Исо Масих тўғрисида таълим берди. Ҳеч ким унга буни тақиқлашга уринмади.

ИЗОХЛАР

жамоат — Исо Масиҳга ишонган одамлар назарда тутилган. Тўлиқроқ маълумотга эга бўлиш учун луғатдаги ЖАМОАТ сўзига қаранг.

1:1-2 Эй Теофилус, биринчи китобимда... — яъни Луқо баён этган муқаддас Хушхабарда. Мазкур китоб ҳамда Луқо баён этган муқаддас Хушхабар Теофилус учун ёзилган (Луқо 1:1 га қаранг). Теофилус юқори лавозим эгаси бўлиб, Хушхабар таълимотидан боҳабар эди. У ҳақда бундан бошқа ҳеч қандай маълумот сақланиб қолмаган.

1:3 Худонинг Шоҳлиги — Худонинг ҳозирги пайтда инсонлар ҳаётидаги ҳукмронлиги ва охиратда ҳар бир яратилган мавжудотнинг янгиланишига ишора. Тўлиқроқ маълумотга эга бўлиш учун луғатдаги ХУДОНИНГ ШОҲЛИГИ иборасига қаранг.

1:4 осмондаги Отам — Худога ишора. Исо қўпинча Ота унвонини Худога нисбатан ишлатган. Тўлиқроқ маълумотга эга бўлиш учун луғатдаги ХУДОНИНГ НОМЛАРИ ибораси остида берилган ОТА сўзига қаранг.

1:4 осмондаги Отамнинг берган ваъдаси — 2:33 га ва Луқо 24:49 га қаранг.

1:5 Яҳё одамларни сувга чўмдирап эди... — Луқо 3:1-18 га қаранг.

1:12 Зайтун деб аталган тоғ — Куддус шаҳрининг шарқий девори бўйлаб ўтган Қидрон сойлигининг нариги томонидаги тепалик.

1:12 тахминан бир чақирим масофа — юонча матнда Шаббат қуни масофаси, тахминан 1 километрга тўғри келади. Ўша даврда яхудийларнинг Шаббат қуни ҳақидаги қонунни шарҳлашлари бўйича, Шаббат қунида фақатгина яқин бир жойга юриш мумкин эди.

1:13 ватанпарвар — бу ном Шимўннинг Рим империясига қаршилик кўрсатган авом халқ ҳаракатининг аъзоси эканига ишора қилаётган бўлиши мумкин. Ушбу ҳаракат аъзолари сиёсий, иқтисодий ва диний мақсадларни кўзлаган эдилар.

1:16-17 Яхудо — Луқо 22:1-6, 47-48 га қаранг.

1:19 Хақалдамах — орамийча сўз.

1:20 Забур 68:26 га қаранг.

1:20 Забур 108:8 га қаранг.

1:26 қуръа — қуръа ташлашда ёғоч бўлаклари ёки тошлар ишлатилган бўлиб, шу орқали Худонинг хоҳиш-иродаси аниқланган. Баъзан одамлар қуръа ташлаб, Худодан бирор ишни қандай ёки қачон қилиш кераклигини сўрашган.

2:1 Ҳосил байрами — Исо Ўз шогирдлари билан охирги марта Фисиҳ таомини баҳам кўргандан сўнг (Луқо 22:7-8 га қаранг), 50 кун ўтгач Ҳосил байрами нишонланган эди (Левилар 23:15-16 га қаранг).

2:10 ...яхудий динига кирган... — яхудий динига кириб, диннинг ҳамма қонун-қоидалари ва урф-одатларини бажарадиган ғайрияҳудийлар. Яхудий динига кирганлар суннат қилинардилар. Бундай ғайрияҳудийлар яхудийлар томонидан ғайрияҳудий деб ҳисобланмасдилар.

2:15 соат тўққиз — юонча матнда учинчи соат, яхудийларнинг урф-одатига кўра, куннинг бу пайти ўша соат билан белгиланар эди.

2:17 Охирги қунлар — Исо Масиҳ тирилганидан кейинги даврга ишора. Яна

1 Йоҳанно 2:18, Ибронийлар 1:2, 9:26 га қаранг.

2:17-21 Йўэл 2:28-32 га қаранг.

2:27 ўликлар диёри — яхудийлар бу жойни, ер остидаги тубсиз чуқурлиқ, марҳумлар борадиган қоронғи жой, деб тушунарди.

2:27 Тақводоринг — юонча матндан сўзма-сўз таржимаси *Муқаддас бўлганинг*.

2:25-28 Забур 15:8-11 га қаранг.

2:30 Ўз наслингдан бўлган биттасини тахтингга ўтқазаман — юонча матндан. Баъзи юон қўлётзмаларида Ўз наслингдан бўлган биттасини — *Масиҳни тирилтириб, тахтингга ўтқазаман*.

2:30 онт — 2 Шоҳлар 7:12-16, Забур 131:11 га қаранг.

2:31 ...Довуд башорат қилганди — шу бобнинг 27-оятига қаранг.

2:33 тахтининг ўнг томони — ўнг томон мурувват ва барака ўрни деб ҳисобланган.

2:34-35 Забур 109:1 га ва ўша оятнинг биринчи изоҳига қаранг.

2:36 *Масиҳ* — бу унвонни яхудийлар келажакда уларни душманларидан қутқарадиган ва бутун ер юзидағи халқлар устидан хукмронлик қиласидиган инсонга нисбатан ишлатганлар. Эски Аҳдда Масиҳнинг қиласидиган ишлари ҳақида башоратлар ёзилган. Янги Аҳдга кўра Раббимиз Исо ўша Масиҳдир. Тўлиқроқ маълумотга эга бўлиш учун луғатдаги МАСИҲ сўзига қаранг.

2:42 Раббимиз Исони хотирлаб, нон синдириши — бу иборанинг маъноси қўйидагича: имонлилар Исонинг ўлимини хотирлаш мақсадида якшанба куни кечки пайт (20:7 га қаранг) бирга йиғилиб таом тановул қилишарди.

3:1 соат уч — юонча матнда тўққизинчি соат, яхудийларнинг урф-одатига кўра, куннинг бу пайти ўша соат билан белгиланаар эди.

3:11 Сулаймон айвони — олди очик, кенг жой. Бу айвон Маъбад ҳовлисининг шарқий девори бўйлаб қурилган бўлиши мумкин. Унинг қатор баланд устунлари бўлган. Шоҳ Ҳирод қурдирган бу Маъбаднинг лойиҳаси ва расми луғатдан кейин илова қилинган “Расмлар ва лойиҳалар” бўлимида берилган.

3:13 Ўзининг Кули — қул сўзи бу ўринда Масиҳнинг унвони (Ишаё 42:1-4, 52:13-53:12 га қаранг). Бу сўз юончада фарзанд деган маънони ҳам билдиради.

3:13 Пилат — Рим ҳукумати томонидан Яхудия вилоятига тайинланган ҳоким. У Исони ўлимга маҳкум қилган эди (Луқо 23:1-25 га қаранг).

3:22-23 Қонунлар 18:15, 19 га қаранг.

3:25 зурриётинг — бу ўринда ишлатилган юонча сўз, Ибтидо китобидаги ибронийча сўз сингари, Иброҳимнинг бутун авлодига ёки авлодидан келиб чиқадиган зурриётининг бирига ишора қилиши мумкин. Бу ўринда Бутрусл Иброҳимнинг зурриёти бўлган Исо Масиҳга ишора қиласиди.

3:25 Ибтидо 22:18, 26:4 га қаранг.

3:26 Ўз Кули — шу бобнинг 13-оятига берилган биринчи изоҳига қаранг.

4:1 руҳоний — Куддусдаги Маъбадда хизмат қиласидиган эътиборли дин раҳнамоси. Тўлиқроқ маълумотга эга бўлиш учун луғатдаги РУҲОНИЙ сўзига қаранг.

4:1 Маъбад миршаббошиси — Маъбадни қўриқлаш ва у ерда тартиб сақлаш учун

масъул бўлган яхудий ҳарбийси.

4:1 саддуқий — яхудийларнинг муҳим бир диний мазҳаби. Фарзийлардан фарқли равишда, улар оғзаки тарқалган урф-одатларни қабул қилмасдилар, балки фақатгина Тавротда ёзилган қонун-қоидаларга риоя қиласдилар. Улар ўликларнинг тирилишига ҳам ишонмас эдилар. Тўлиқроқ маълумотга эга бўлиш учун луғатдаги САДДУҚИЙ сўзига қаранг.

4:5 бош руҳонийлар — жамиятнинг бошқа эътиборли одамлари қаторида Олий кенгаш аъзолари эдилар. Олий кенгаш яхудийларнинг сиёсий ва диний кенгashi эди. Тўлиқроқ маълумотга эга бўлиш учун луғатдаги БОШ РУҲОНИЙЛАР иборасига қаранг.

4:5 Таврот тафсирчилари — Мусонинг қонунини жуда яхши билган зиёли одамлар. Тўлиқроқ маълумотга эга бўлиш учун луғатдаги ТАВРОТ ТАФСИРЧИСИ иборасига қаранг.

4:6 Олий руҳоний Ханан — Ханан милодий 6-15 йилларда олий руҳоний бўлиб хизмат қилган. Рим ҳукумати уни бу лавозимдан четлатгандан кейин унинг ўрнини куёви Каяфас эгаллаб, милодий 18-37 йилларда олий руҳоний бўлиб хизмат қилди. Ханан ўз вазифасидан четлатилганига қарамай, халқ уни ҳамон олий руҳоний деб биларди, у яхудийлар жамиятида юксак эътибор ва нуфузга эга эди (Луқо 3:2 га қаранг).

4:11 тамал тоши — қадимги пайтларда қурилишда пойdevор учун қўйилган биринчи ва энг муҳим тош ҳисобланарди. Бу тош пойdevорнинг бир бурчагини ҳосил қилиб, бинонинг қолган қисми ўша тошнинг жойлашуви бўйича қуриларди.

4:11 Забур 117:22 га қаранг.

4:13 Кенгаш — яхудийларнинг сиёсий ва диний кенгashi. Тўлиқроқ маълумотга эга бўлиш учун луғатдаги ОЛИЙ КЕНГАШ иборасига қаранг.

4:25-26 Муаллиф бу ўринда Забур 2:1-2 нинг қадимий юононча таржимасидан фойдаланган.

4:27 Ҳирод — Антипас исми билан ҳам танилган бўлиб, Буюк Ҳироднинг ўғли эди. Антипас Жалила ва Перея худудларида ҳукмронлик қилган.

4:27 Пўнтий Пилат — 3:13 нинг иккинчи изоҳига қаранг.

4:27 Кулинг — қул сўзи бу ўринда Масихнинг унвони (Ишаё 42:1-4, 52:13-53:12 га қаранг). Бу сўз юончада фарзанд деган маънони ҳам билдиради.

4:27 ...Исога қарши тўпландилар — Луқо 23:1-25 га қаранг.

4:30 Кулинг — шу бобнинг 27-оятига берилган учинчи изоҳга қаранг.

5:11 жамоат — Исо Масихга ишонган одамлар назарда тутилган. Тўлиқроқ маълумотга эга бўлиш учун луғатдаги ЖАМОАТ сўзига қаранг.

5:12 Сураймон айвони — 3:11 изоҳига қаранг.

5:24 Маъбад мишиббошиси — 4:1 нинг иккинчи изоҳига қаранг.

5:30 ёғоч — Бутрус хочга ишора қилиб, Қонунлар 21:23 даги ёғочга қоқилган одам Худо томонидан лаънатлангандир деган гапни тингловчиларига эслатмоқчи бўлган.

5:31 ...Ўзининг ўнг томонига ўтқазди — Забур 109:1 га қаранг. Ўнг томон мурувват ва барака ўрни деб ҳисобланган.

5:34 фарзийлар — яхудийларнинг муҳим бир диний мазҳаби. Фарзийлар Таврот қонунларига қатъий риоя қиласардилар, оғзаки равишда тарқалган урф-одатларга ҳамда покланиш удумларига изчил амал қиласардилар. Тўлиқроқ маълумотга эга бўлиш учун луғатдаги ФАРЗИЙ сўзига қаранг.

6:1 орамийзабон — бу ўринда ишлатилган юонча сўз иброний тилини ёки орамий тилини билдириши мумкин. Ўша пайтда қадимги Фаластинда яшаган яхудийлар одатда орамий тилида гаплашар эдилар.

6:5 ...яхудий динига кирган... — 2:10 изоҳига қаранг.

6:8 Стефан Худонинг марҳаматига ва илоҳий қудратга тўлган эди — юонча матндан. Баъзи юон қўлёзмаларида *Стефан имони комил ва илоҳий қудратга тўлган эди*.

7:2 ...Хорон...Месопотамия... — Хорон ҳозирги Туркияning жануби-шарқида жойлашган шаҳар эди. Месопотамия эса Дажла ва Фурот дарёлари орасида жойлашган худуд эди.

7:3 Ибтидо 12:1 га қаранг.

7:4 Халдейлар юрти — ҳозирги Ироқнинг жанубида, Форс қўлтифининг шимолидаги ерлар эди. Иброҳим Ур шахридан бўлиб, Ур Хорон шахридан қарийб 900 километр жануби-шарқда жойлашган.

7:6-7 Ибтидо 15:13-14, Чиқиш 3:12 га қаранг.

7:8 суннат аҳди — Ибтидо 17:1-14 га қаранг.

7:14 етмиш беш — бу сон Ибтидо 46:27 нинг ва Чиқиш 1:5 нинг қадимий юонча таржимасидан олинган. Ибронийча матнда бу сон “етмиш” деб ёзилган. Ибтидо 46:20 нинг қадимий юонча таржимасида матнга бешта исм қўшилган (Эфрайим ва Манашенинг ўғиллари ва набиралари), бу исмлар ибронийча матнда йўқ.

7:26-28 Чиқиш 2:13-14 га қаранг.

7:29 Мидиён юрти — айнан қаерда жойлашгани маълум эмас. Бу юрт Мисрдан шарқда, Синай ярим оролида ё Ўлик денгизнинг жанубидаги ерларда ёки ҳозирги Ақаба қўлтифининг шарқ томонида жойлашган бўлиши мумкин.

7:30 бир фаришта — Эгамизнинг фариштаси назарда тутилган (Чиқиш 3:2 га қаранг), баъзан шу йўл билан Худонинг Ўзи зоҳир бўлишига ишора қилинади. Тўлиқроқ маълумотга эга бўлиш учун луғатдаги ЭГАМИЗНИНГ ФАРИШТАСИ иборасига қаранг.

7:30 ...бута алангаси ичida унга бир фаришта зоҳир бўлди — Чиқиш 3:1-10 га қаранг.

7:37 Юонча матндан. Баъзи юон қўлёзмаларида қуйидаги сўзлар Мусонинг гапига қўшимча қилинган: *унга қулоқ солинглар*.

7:37 Қонунлар 18:15 га қаранг.

7:40 Чиқиш 32:1 га қаранг.

7:43 Мўлаҳ ва Райфон — Мўлаҳ Оммон ҳалқи сажда қилган худо эди, Райфон эса Мисрликлар сажда қилган Сатурн сайёра худоси эди.

7:42-43 Стефан бу ўринда Амос 5:25-27 нинг қадимий юонча таржимасидан фойдаланган. Амос пайғамбар Исроил, яъни шимолий шоҳлик аҳолисининг милоддан олдинги 722 йилда Оссурияга сургун бўлганига ишора қилган. Мазкур оятларда эса Стефан Дамашқ шаҳри ўрнига (Амос 5:26-27 га қаранг) Бобил

номини ишлатади. Шу йўсинда у Яхудо, яъни жанубий шоҳлик аҳолисининг милоддан олдинги 586 йилда Бобилга сургун бўлганига ишора қиласди. Шу орқали Стефан Куддус ва Яхудода яшаётган замондошлирига ота-боболари Худога садоқатсизлик қилганини эслатяпти.

7:44 Муқаддас аҳд чодири — юонча матнда *Гувоҳлик чодири*, Муқаддас чодирнинг яна бир номи. Юонча матннаги иборанинг гувоҳлик сўзи ўнта амр ёзилган иккита тош лавҳага ишора қиласди. Бу тош лавҳалар Худо ва Унинг халқи ўртасида тузилган аҳднинг далили, яъни тошга битилган гувоҳлик бўлиб хизмат қиласди. Мусо даврида бу икки тош лавҳа Муқаддас чодирдаги Аҳд сандиғининг ичидаги сақланарди (Чиқиш 40:20 га қаранг).

7:46 ...Ёқубнинг Худосига маскан... — баъзи юонон қўлёзмаларидан. Юонча матнда ...Ёқубнинг хонадонига маскан..., бу ўринда мазкур ибора *Ёқубнинг авлоди Худога сажда қиласиган Маъбад* деган маънони билдиради.

7:50 Ишаё 66:1-2 га қаранг.

7:51 Эй юраклари, қулоқлари суннат қилинмаганлар! — суннат Худонинг Иброҳим ва унинг авлоди билан қиласан аҳд белгиси эди (Ибитдо 17:9-14 га қаранг). Суннат яхудийларнинг Худога содиқлигини ва Унинг танлаган халқига тегишли эканини кўрсатади. Бу оятдаги “юраклари, қулоқлари суннат қилинмаганлар” ибораси кўчма маънода ишлатилиб, тузилган аҳднинг ташқи белгиси бўлган жисмоний суннат етарли эмаслигини кўрсатади. Стефан бу сўzlари билан ўша яхудий йўлбошчилари ҳам ўз ота-боболари сингари, Худога садоқатсиз ва итоатсиз эканига урғу беряпти.

7:52 Солиҳ Зот — Исо Масиҳга ишора.

7:53 ўша қонун сизларга фаришталар орқали берилгани — Қонунлар 33:2-4, Галатияликлар 3:19, Ибронийлар 2:2 га қаранг.

7:55 ўнг томони — ўнг томон мурувват ва барака ўрни деб ҳисобланган.

7:56 Инсон Ўғли — Исо Масиҳ қўпинча Ўзига нисбатан ишлатган унвон. Тўлиқроқ маълумотга эга бўлиш учун луғатдаги ИНСОН ЎҒЛИ иборасига қаранг.

7:58 Шоул — Павлус исми билан танилган, у кейинчалик ҳаворий бўлган (13:9 га ва ўша оятнинг изоҳига қаранг).

8:1 Шоул — Павлус исми билан танилган, у кейинчалик ҳаворий бўлган (13:9 га ва ўша оятнинг изоҳига қаранг).

8:5 Филип — 6:1-6 га қаранг.

8:5 Самариянинг бош шаҳри — юонча матнда *Самариянинг шаҳри*. Ўша пайтда Самария шаҳарнинг эмас, балки бир худуднинг номи бўлган. Муаллиф Самариядаги асосий бир шаҳарга, яъни Себастияга ишора қилаётган бўлиши мумкин.

8:14 Самария аҳолиси — яхудийлар ва Самарияликлар узоқ вақт давомида бир-бирларига душман бўлиб келганлар. Тўлиқроқ маълумотга эга бўлиш учун луғатдаги САМАРИЯЛИК сўзига қаранг.

8:27 Ҳабашистон маликаси — юонча матнда *Ҳабашистон маликаси Кандаки*. Фиръавн сўзига ўхшаб, Кандаки сўзи унвон бўлган, бу маликанинг исми эмас эди.

8:32-33 Муаллиф бу ўринда Ишаё 53:7-8 нинг қадимий юонча таржимасидан фойдаланган.

8:36-37 Юонча матндан. Баъзи юонон қўлёзмаларида қуйидаги сўzlар 37-оятни

ташкил этиб, қўшимча қилинган: *Филип унга деди: "Агар бутун қалбингиз билан ишонсангиз, бўлади."* Амалдор деди: *"Исо Масиҳ — Худонинг Ўғли деб ишонаман."*

8:39 ...Эгамизнинг Рухи тўсатдан Филипни олиб кетди — юончча матндан. Баъзи юон қўлёзмаларида *Муқаддас Рух амалдорни қамраб олди ва Эгамизнинг бир фариштаси тўсатдан Филипни олиб кетди.*

8:40 *Азотус шаҳри* — Ашдод номи билан ҳам маълум. Бу шаҳар Филистияда, Ўрта ер денгизи яқинида жойлашган эди.

8:40 *Қайсария* — Азотусдан 80 чақирик масофада, Ўрта ер денгизи бўйида жойлашган шаҳар.

9:1 *Шоул* — Павлус исми билан танилган, у кейинчалик ҳаворий бўлган (13:9 га ва ўша оятнинг изоҳига қаранг).

9:5 *Ҳазратим!* — юончча матнда *Куриос!*. Бу ўринда обрў-эътиборли инсонга нисбатан ишлатиладиган сўз сифатида қўлланган. Тўлиқроқ маълумотга эга бўлиш учун луғатдаги ХУДОНИНГ НОМЛАРИ ибораси остида берилган РАББИЙ, РАББИМ, РАББИМИЗ... сўзига қаранг.

9:5 Юончча матндан. Баъзи юон қўлёзмаларида қуйидаги сўзлар 5-оятнинг охирига ва 6-оятнинг бошига қўшимча қилинган: "...Хўқиз ўз эгасининг таёғини тениб, ўзига зарар келтиргандай, сен ҳам Менга қарши чиқиб, ўзингга зарар келтиряпсан."⁶ Шоул ваҳимага тушиб, титроқ билан: "Ё Раббим, нима қилишишни буюрасан?" — деди. Раббимиз унга:....

9:11 *Тарсус* — 21:39 га ва ўша оятнинг изоҳига қаранг.

9:20 *Худонинг Ўғли* — Исо Масиҳнинг унвони. Тўлиқроқ маълумотга эга бўлиш учун луғатдаги ХУДОНИНГ ЎҒЛИ иборасига қаранг.

9:25 *شاҳар деворидаги дераза* — қадимги пайтларда шаҳарларнинг баланд, қалин деворлари бўлган. Бу деворлар шаҳарни босқинчилар хужумларидан ҳимоя қиласади. Баъзан шаҳар деворлари устига уйлар қурилган. Шоул мана шундай бир уйнинг деразасидан пастга туширилган бўлиши мумкин.

9:27 *Барнабо* — 4:36 га қаранг.

9:30 *Қайсария* — Куддусдан 90 километр шимоли-ғарбда, Ўрта ер денгизи бўйида жойлашган шаҳар. У ерда Павлус кемага тушиб, Тарсусга йўл олган (21:39 га ва ўша оятнинг изоҳига қаранг).

9:32 *Лўд шаҳри* — Куддусдан 30 километр шимоли-ғарбда жойлашган.

9:36 *Яффа шаҳри* — Лўддан 15 километр шимоли-ғарбда жойлашган.

9:36 ...*Тавита...Дўркас...* — Тавита унинг орамийча исми эди. Иккала тилда ҳам бу исмларнинг маъноси — оху.

9:39 *Тавита* — юончча матнда *Дўркас* (шу бобнинг 36-оятига қаранг).

9:43 *қўнчи* — ҳайвонларнинг хом терисига ишлов берадиган косиб.

10:1 *Қайсария* — Куддусдан 90 километр шимоли-ғарбда, Ўрта ер денгизи бўйида жойлашган муҳим шаҳар. Бу шаҳар Рим империясига қарашли бўлган Яхудия вилоятининг пойтахти эди.

10:2 ...*Худодан қўрқарди* — муаллиф бу иборани яхудийларнинг Худосига сажда қилган ғайрияхудийларга нисбатан ишлатган. Улар яхудий динининг қонун-қоидаларини бажаарар эдилар ва уларнинг урф-одатларига риоя қиласадилар, аммо суннат қилинмаган эдилар (11:3 га қаранг).

10:3 соат уч — юононча матнда тўққизинчи соат, яхудийларнинг урф–одатига кўра, куннинг бу пайти ўша соат билан белгиланаар эди. Шу бобнинг 30–оятида ҳам бор.

10:5 Бутрус деган одам — юононча матнда Бутрус деган Шимўн (шу бобнинг 18, 32–оятларида ҳам бор). Исо Масиҳ Шимўнга Бутрус исмини берган эди (Марк 3:16, Луқо 6:14 га қаранг). Баъзан у ҳақда сўз юритилганда, иккала исм ҳам биргаликда ишлатилади.

10:6 қўнчи — 9:43 изоҳига қаранг.

10:6 Юононча матндан. Баъзи юонон қўлёзмаларида қуйидаги сўзлар оятга қўшимча қилинган: Унинг сенга айтадиган сўзларидан ўзинг билан бутун хонадонинг најсот топасизлар.

10:9 туш пайти — юононча матнда олтинчи соат, яхудийларнинг урф–одатига кўра, куннинг бу пайти ўша соат билан белгиланаар эди.

10:9 ...томга чиққан эди — у замонларда уйларнинг томи текис бўлиб, одамлар томга чиққиб дам олишарди.

10:14 ҳаром ёки нопок нарсалар — Мусо қонунларига кўра, ҳаром ҳисобланган, ейиш ман этилган жониворлар (Левилар 11:1-47 га қаранг).

10:30 ...худди шу пайтда — соат учларда уйимда ибодат қилаётган эдим. Бирдан... — юононча матндан. Баъзи юонон қўлёзмаларида ...худди шу пайтда уйимда рўза тутаётган эдим. Соат учларда ибодат қилаётганимда, бирдан....

10:32 Юононча матндан. Баъзи юонон қўлёзмаларида қуйидаги сўзлар фариштанинг гапига қўшимча қилинган: Унинг сенга айтадиган сўзлари бор.

10:39 ёғоч — 5:30 изоҳига қаранг.

10:45 яхудий имонлилар — юононча матнда суннат қилинган имонлилар, Исо Масиҳга ишонган яхудийлар назарда тутилган.

10:46 бошқа — ёки номаълум. Яна 2:4-8 га қаранг.

11:2 яхудий имонлилар — юононча матнда суннат қилинганлар, Исо Масиҳга ишонган яхудийлар назарда тутилган. Бу ўринда уларнинг Мусо қонунларига, айниқса суннат ҳақидаги амрига (Ибитидо 17:9-14 га қаранг), қатъий риоя қилаётгандарига ишора бўлиши мумкин.

11:8 ҳаром ёки нопок нарсалар — 10:14 изоҳига қаранг.

11:13 Бутрус деган одам — юононча матнда Бутрус деган Шимўн. 10:5 изоҳига қаранг.

11:16 деган сўзлари — 1:5 га қаранг.

11:20 Антиохия — Рим империясига қарашли Суря вилоятининг пойтахти. Бу шаҳар бутун Рим империясида буюк шаҳарларнинг орасида учинчи ўринда турган.

11:20 ғайрияхудийлар — юононча матнда юононзабонлар, яъни яхудий бўлмаган, лекин юонон тилида сўзлашувчи, юонон урф–одатларига риоя қилувчи одамлар назарда тутилган. Улар яхудийларнинг Худосига сажда қиладиган, “Худодан қўрқадиган” деб ном олган ғайрияхудийлар бўлса керак (10:2 изоҳига қаранг).

11:25 Шоул — Павлус исми билан танилган (13:9 га ва ўша оятнинг изоҳига қаранг).

11:28 Қайсар — барча Рим императорларига берилган унвон.

11:28 Клавдий — милодий 41-54 йилларда хукмронлик қилган.

12:1 Ҳирод — Ҳирод Агриппа I исми билан ҳам танилган бўлиб, Буюк Ҳироднинг ўғли эди.

12:2 Ёқуб — Исо Масиҳнинг ўн икки шогирдидан бири (1:13 га қаранг).

12:4 Фисиҳ байрами — Фисиҳ зиёфатига ва ундан кейин етти кун давомида нишонланадиган Хамиртурушсиз нон байрамига ишора (шу бобнинг 3-оятига қаранг). Бу байрамлар Исройл халқининг Мисрдаги қуллиқдан озод бўлиши муносабати билан нишонланар эди (Чиқиш 12:1-42, 13:3-10 га қаранг).

12:15 У Бутруснинг фариштаси — яхудийларнинг тасаввурига кўра ҳар бир одамни қўриқладиган бир фариштаси бўлиб, шу фаришта ўзи қўриқладиган одамнинг қиёфасида бошқаларга зоҳир бўлар экан. Муқаддас Китобдаги баъзи оятларда фаришталар, одамларга ёрдам бериш учун юборилган элчилар, деб ёзилган, аммо бундан ташқари фаришталарнинг аниқ вазифаси ҳақида ҳеч қандай маълумот берилмаган (Ибитдо 48:16, Матто 18:10-11, Ибронийлар 1:4 га қаранг).

12:17 Ёқуб — Исонинг шогирди Ёқуб эмас (шу бобнинг 2-оятига ва ўша оятнинг изоҳига қаранг), балки Қуддусдаги жамоатнинг етакчиси ва Исонинг укаси Ёқуб назарда тутилган (15:13, 21:18 га ва Марк 6:3, Галатияликлар 1:18-19 га қаранг).

12:19 ...Яхудиядан Қайсарияга... — бу ўринда Яхудия Рим империяси таркибидаги Яхудия вилоятини эмас, балки яхудийлар яшайдиган худудни билдиради (Эски Аҳдда бу худуд Яхудо деб аталган). Қайсария Яхудия вилоятининг пойтахти бўлиб, Қуддусдан 90 километр шимоли-ғарбда жойлашган эди.

12:25 Шоул — Павлус исми билан танилган (13:9 га ва ўша оятнинг изоҳига қаранг).

12:25 ...Куддусда топшириқни бажариб бўлишгач... — 11:27-30 га қаранг.

13:1 вилоят ҳукмдори — юононча матнда *тетрапх*. Бу унвон Рим империяси томонидан жорий қилинган бўлиб, ҳокимияти чекланган ва фақат Рим ҳукумати рухсати билан иш юритадиган ҳукмдорга нисбатан қўлланилган. Авом халқ орасида бундай ҳукмдор шоҳ деб аталар эди (мисол учун, Матто 14:9, Марк 6:14 га қаранг).

13:1 Ҳирод — 4:27 нинг биринчи изоҳига қаранг.

13:1 Шоул — Павлус исми билан танилган (шу бобнинг 9-оятига ва ўша оятнинг изоҳига қаранг).

13:4 ...Барнабо билан Шоул йўлга тушдилар — Павлуснинг Хушхабар ёйиш мақсадида қилган биринчи сафарининг бошланиши (“Хариталар” бўлимига қаранг). Улар Антиохияга қайтиб келганларида бу сафар якунланган (14:26-28 га қаранг).

13:4 Селевкия шаҳри — Антиохиядан қариб 20 километр ғарбда, Ўрта ер денгизи бўйида жойлашган.

13:5 Юҳанно — Марк исми билан ҳам танилган (12:12, 25 га қаранг).

13:7 оролнинг ҳокими Сергиюс Павлус — Рим ҳукумати томонидан тайинланган ҳоким.

13:9 Шоул, яъни Павлус — Павлуснинг ибронийча исми Шоул, лотинча исми Павлус бўлган. Китобнинг шу жойидан бошлаб, муаллиф уни Павлус деб атайди.

13:13 Юҳанно — Марк исми билан ҳам танилган (12:12, 25 га қаранг).

13:15 Таврот ва Пайғамбарлар битиклари — Таврот (Мусонинг қонуни деган ном билан ҳам юритилади) ва Пайғамбарлар битиклари (унинг таркибиға баъзи тарихий китоблар ҳам кирган) Эски Аҳд тўпламининг иккита қисмини назарда тутган.

13:16 ...Худодан қўрқадиган... — 10:2 изоҳига қаранг.

13:18 ...Худо уларнинг сахродаги қилмишларига чидади — юононча матндан. Баъзи юонон қўлёзмаларида *Худо сахрова уларга ғамхўрлик қилган*.

13:19 етти элат — Қонунлар 7:1-2 га қаранг.

13:20 450 йил — Исройл халқининг Мисрда бўлган вақтини (Ибтидо 15:13 га қаранг), Синай сахросида юрган пайтларни (Сахрова 32:13 га қаранг) ва Канъон юртини босиб олган ва қабилаларга бўлиб берган пайтни ўз ичига олади.

13:22 1 Шоҳлар 13:14, Забур 88:21 га қаранг.

13:25 Яхё...деган эди — Юҳанно 1:20, Луқо 3:15-16 га қаранг.

13:28 Пилат — 3:13 нинг иккинчи изоҳига қаранг.

13:29 ёғоч — 5:30 изоҳига қаранг.

13:32-33 Забур 2:7 га қаранг.

13:34 Муаллиф бу ўринда Ишаё 55:3 нинг қадимиј юононча таржимасидан фойдаланган.

13:35 Тақводоринг — юононча матндан сўзма-сўз таржимаси *Муқаддас бўлганинг*.

13:35 Забур 15:10 га қаранг.

13:41 Муаллиф бу ўринда Хабаққуқ 1:5 нинг қадимиј юононча таржимасидан фойдаланган.

13:43 ...яхудий динига кирган... — 2:10 изоҳига қаранг.

13:47 Ишаё 49:6 га қаранг.

13:50 ...Худодан қўрқадиган... — 10:2 изоҳига қаранг.

13:51 ...огоҳлантириш тариқасида оёқларининг чангни қоқиб... — одамлар Худонинг элчиларини рад этганлари учун, ҳаворийлар оёқларидағи чангни қоқиб кетардилар. Ҳаворий Павлус ҳам шунга ўхшаш ҳаракатни ишлатган (18:6 га қаранг). Бу ҳаракат ўша одамларнинг аянчли қисматини, яъни Худо томонидан рад этилишини ва Унинг шоҳлигидан бенасиб қолиш хавфини англатарди.

14:1 Икония шаҳри — Икония, Листра ва Дарба шаҳарлари Ликонияда жойлашган эди (шу бобнинг 6-оятига қаранг). Ликония Римнинг Галатия вилоятидаги бир туман бўлган.

14:1 ғайрияҳудийлар — юононча матнда *юононлар*. Ўша даврда *юононлар* сўзи нафақат миллати юонон бўлган, балки юонон тилида сўзлашувчи, юонон урф-одатларига риоя қилувчи одамларга нисбатан ҳам ишлатилган. Синагогаларга бориб, у ердаги маросимларда қатнашадиган ғайрияҳудийлар “Худодан қўрқадиганлар” деб аталган (10:2 изоҳига қаранг).

14:10 Ўрнингдан тур! — юононча матндан. Баъзи юонон қўлёзмаларида *Раббим Исо масиҳ номидан сенга айтаман: ўрнингдан тур!*

14:12 ...Зевс...Хермес... — қадимдаги юононларнинг худоларидан иккитаси. Зевс — олий худо, Хермес эса ҳамма худоларнинг, хусусан Зевснинг элчиси ҳисобланган.

14:14 ...*кийимларини йиртдилар...* — бу ҳаракат юз берадан воқеадан уларнинг ҳайратланиб, изтиробга тушганларини кўрсатади.

14:18 Юонча матндан. Баъзи юон юлон қўлёзмаларида қуйидаги сўзлар оятга қўшимча қилинган: *ва уларни уй–уйларига юбордилар. Ўзлари эса яна шу ерда таълим беришни давом этдилар.*

14:19 ...*келиб, халқни ўзларига оғдириб олдилар. Улар...* — юонча матндан. Баъзи юон юлон қўлёзмаларида ...у ерга келди. Ҳаворийлар жасорат билан ваъз айтиб турганда, ўша яхудийлар: “Улар бирон ҳақиқатни айтишигани йўқ, ҳамма сўзлари ёлғон”, деб халқни ҳаворийлардан юз ўгиришга ундалилар. Халқни ўзларига оғдириб олгач, улар....

14:26 ...*жамоат уларни...Худонинг марҳаматига топширган* эди — 13:1-3 га қаранг.

15:1 Яхудиядан бир неча одам — Исо Масихга ишонган яхудийлар бўлиб, улар Мусо қонунларига, айниқса суннат ҳақидаги амрига (Ибитдо 17:9-14 га қаранг), қатъий амал қилишарди.

15:4 ...*қилган ишларини...* — юонча матндан. Баъзи юон юлон қўлёзмаларида ...*қилган ишларини, Ҳудо ғайрияҳудийларга имон эшигини қандай очганини....*

15:13 Ёқуб — 12:17 изоҳига қаранг.

15:14 Бутрус — юонча матнда Шимўн, Бутруснинг яна бир исми (10:5 га қаранг).

15:16-18 Муаллиф бу ўринда Амос 9:11-12 нинг қадимиј юонча таржимасидан фойдаланган.

15:20 *Бутларга келтирилган қурбонликнинг гўштини тановул қилишдан...* — 1 Коринфликлар 8:1-13, 10:23-32 оятларга ва 1 Коринфликлар 8:1 изоҳига қаранг.

15:20 *фаҳи–зино* — ғайрияҳудийлар орасида кенг тарқалган бўлиб, бутпарастларнинг диний маросимларидан ўрин олган.

15:20 ...*қони чиқарилмаган ҳайвоннинг гўштини ейишдан...* — юонча матндан сўзма–сўз таржимаси ...*бўғиб ўлдирилган ҳайвоннинг гўштини ва қонини тановул қилишдан....* Буларнинг иккаласи ҳам аслида бир ғояни — қони чиқарилмаган гўштни емасликни билдиради (Ибитдо 9:4, Левилар 17:10-14 га қаранг). Бундай гўштни тақводор яхудийлар олдида ейиш уларни ҳақоратлаш билан тенг бўларди.

15:20 Юонча матндан. Баъзи юон юлон қўлёзмаларида қуйидаги сўзлар оятга қўшимча қилинган: *ва ўзларингиз учун истамаган нарсани ўзгага қилманглар* (шу бобнинг 29-оятида ҳам бор).

15:23 Антиохия, Сурия ва Киликия — бу пайтда Сурия ва Киликия Рим империяси таркибида бир вилоят ҳисобланган, Антиохия шу вилоятнинг энг катта шаҳри бўлган.

15:24 ...*сизларни хавотирга солибди, юракларингизни ғаш қилибди* — юонча матндан. Баъзи юон юлон қўлёзмаларида *сизларни хавотирга солибди, суннат қилинишингиз керак, Мусонинг Қонунига риоя қилишингиз керак, деб юракларингизни ғаш қилибди.*

15:29 ...*сизлар...ўзларингизни тийинглар* — шу бобнинг 20-оятига берилган изоҳларга қаранг.

15:33-34 Юонча матндан. Баъзи юон юлон қўлёзмаларида қуйидаги сўзлар 34-оятни ташкил этиб, қўшимча қилинган: *Аммо Силас у ерда қолишига қарор қилди. Бошқа*

битта юонон қўлёзмасида эса шу ўринга қуйидаги сўзлар қўшимча қилинган: *Аммо Силас, бу ерда қоламиз, деб қарор қилди, Яхудо бир ўзи Қуддусга қайтди.*

15:38 *Марк уларни Памфилияда қолдириб...* — 13:13 га қаранг.

15:40 ...улар йўлга чиқдилар — Павлуснинг Хушхабар ёйиш мақсадида қилган иккинчи сафарининг бошланиши (“Хариталар” бўлимига қаранг). Павлус Антиохияга қайтиб келганда бу сафар якунланган (18:22 га қаранг).

16:3 ...яҳудийлар сабабли уни суннат қилдирди — 2:10 изоҳига қаранг.

16:8 *Троас* — Македониянинг қарши томонида, Эгей денгизи бўйида жойлашган шаҳар.

16:10 *биз* — сафарнинг мана шу қисмида мазкур китоб муаллифи Луқо Павлус билан бирга бўлган (шу бобнинг 10-17-оятларига қаранг). 20:5-15, 21:1-18, 27:1-28:16 да ҳам бор.

16:12 *Македония вилоятининг Биринчи туманидаги шаҳар* — ёки *Македония вилоятининг ўша қисмидаги муҳим бир шаҳар*.

16:14 *художўй* — муаллиф бу сўзни яҳудийларнинг Худосига сажда қилган ғайрияҳудийларга нисбатан ишлатган (10:2 изоҳига қаранг).

16:37 *Рим фуқароси бўлсак ҳам...* — Рим фуқаролари қилган жиноятлари учун суд қилинмасдан олдин жазога тортилмас эдилар. Ҳаттоқи, Рим фуқароси бирорта жиноятда айбдор, деб топилган бўлса ҳам уни калтаклаш қонунга хилоф эди. Яна 22:22-29 га қаранг.

17:2 *Муқаддас битиклар* — одатда Эски Аҳд китоблари тўплами шу ном билан аталади.

17:4 ...*Худодан қўрқадиган...* — 10:2 изоҳига қаранг.

17:4 *ғайрияҳудийлар* — юононча матнда *юононлар* (шу бобнинг 12, 17-оятларида ҳам бор). 14:1 нинг иккинчи изоҳига қаранг.

17:7 *Қайсар* — барча Рим императорларига берилган унвон.

17:9 *гаров* — бу ўринда ишлатилган юононча сўз Павлус ва Силас бирорта ташвиш қўзғатмай шаҳардан чиқиб кетса, Ясонга қайтариладиган тўловни билдиради.

17:15 ...уни *Афинагача олиб бориб қўйдилар* — улар Эгей денгизи бўйлаб кемада, кейин эса пиёда Афинага борган бўлиши мумкин.

17:18 *эпиқурчи ва стоик файласуфлар* — фалсафий ақида бўйича бир-бирига зид икки таълимот. Эпиқурчиларнинг таълимотига кўра энг эзгу нарса бу — беташвиш, лаззатли ва азоб-уқубатдан холи бўлган ҳаёт. Стоикларнинг таълимотига кўра эса энг эзгу нарса бу — ўзини тийиш, бурчни вижданан бажариш, тақдир зарбаларига бардошли бўлиш, мўътадиллик ва сабр-тоқат.

17:18 *Павлус...ваъз қилаётгани учун улар шундай деб айтардилар* — матндағи ўликлардан тирилиш ибораси юонон тилида “анастасис” деб айтилади. Павлус нутқида “анастасис” сўзини ишлатгани учун, тингловчилар бу сўзни бирорта худонинг номи деб тушунган бўлишлари мумкин. Эҳтимол, шу сабабдан улар, Павлус “Исо ва Анастасис” ҳақида гапиряпти, деб ўйлангандирлар.

17:28 ...*бир одамнинг айтиши бўйича...* — бу оятда Павлус Афиналикларга таниш бўлган қадимий шоирлардан иккитасининг шеъридан мисол келтирган.

18:2 *Қайсар* — барча Рим императорларига берилган унвон.

18:2 *Клавдий* — милодий 41-54 йилларда ҳукмонлик қилган.

18:4 ғайрияхудийлар — юонча матнда юонлар (14:1 нинг иккинчи изоҳига қаранг). Синагогаларга бориб, у ердаги маросимларда қатнашадиган ғайрияхудийлар “Худодан қўрқадиганлар” деб аталган (10:2 изоҳига қаранг).

18:6 Павлус кийимларидан чангни қоқди-да... — 13:51 изоҳига қаранг.

18:7 Титас Юстус — юонча матндан. Баъзи юон қўлёзмаларида Юстус.

18:7 ҳудожўй — муаллиф бу сўзни яхудийларнинг Худосига сажда қилган ғайрияхудийларга нисбатан ишлатган (10:2 изоҳига қаранг).

18:12 Галлион Ахая вилоятига ҳокимлик қилган пайтларда... — Галлион милодий 51-52 йилларда Рим империясига қарашли Ахая вилоятининг ҳокими бўлган.

18:18 Павлус Худога онт ичгани учун... сочини олдирди — Павлуснинг маълум бир муддат давомида сочини олдирмаслик ҳақида берган алоҳида бир ваъдасига ишора қилинаётган бўлиши мумкин. Эҳтимол, Павлус бу ваъдани Худодан ҳимоя сўраб ибодат қилаётганда бергандир (шу бобнинг 9-11-оятлариға қаранг). Ўша муддат тугагандан кейин Павлус Худога шукронда сифатида сочини олдирган.

18:19-21 Худо хоҳиш билдирса... — юонча матндан. Баъзи юон қўлёзмаларида Яқинлашиб келаётган байрамни мен албатта Қуддусда нишонлашим керак. Аммо Худо хоҳиш билдирса....

18:23 ...яна йўлга чиқди... — Павлуснинг Хушхабар ёйиш мақсадида қилган учинчи сафарининг бошланиши (“Хариталар” бўлимига қаранг). Павлус Қуддусга қайтиб келганда бу сафар яқунланган (21:12-17 га қаранг).

18:24 Муқаддас битиклар — одатда Эски Аҳд китоблари тўплами шу ном билан аталади.

18:25 ...фақатгина Яхёнинг таълимотини биларди — Аполлос ҳали Исо Масиҳ номи билан сувга чўмдирилиш ҳақида эшитмаган эди. 2:37-38, 19:1-5 га ва Луқо 3:1-18 га қаранг.

19:6 бошқа — ёки номаълум. Яна 2:4-8 га қаранг.

19:10 ғайрияхудийлар — юонча матнда юонлар (шу бобнинг 17-оятида ҳам бор). 14:1 нинг иккинчи изоҳига қаранг.

19:17 ғайрияхудийлар — юонча матнда юонлар. 14:1 нинг иккинчи изоҳига қаранг.

19:19 қумуш танга — юонча матнда қумуш бўлак, драхма деб аталган юон тангасига ишора. Драхма юон тангаси эди. Қиймати Римдаги бир динор қийматига тенг келар эди. Бир динор мардикорнинг бир қунлик иш ҳақи эди.

19:24 Артемис — Артемида исми билан ҳам танилган, Эфесда сажда қилинган ҳосилдорлик маъбудасининг маҳаллий ифодаси. Артемиснинг буюк маъбади дунёнинг еттита мўъжизаларидан бири бўлиб, Эфес шахрининг яқинида жойлашган эди.

19:35 осмондан тушган ҳайкал — бу тасвирини одамлар жаннатдан юборилган, табаррук деб ҳисоблашарди. Эҳтимол, Артемиснинг дастлабки тасвири метеор бўлгандир.

20:2 Юнонистон — Рим империясига қарашли Ахая вилоятига ишора. Павлус Ахаянинг пойтахти Коринфда бирмунча вақт турган бўлиши мумкин.

20:5 биз — 16:10 изоҳига қаранг.

20:6 Ҳамиртурушсиз нон байрами — 12:4 изоҳига қаранг.

20:7 Раббимиз Исони хотирлаб, нон синдириш — 2:42 изоҳига қаранг.

20:15 ...Самос оролига, унинг эртасига... — юонча матндан. Баъзи юон юнг қўләзмаларида Самос оролига ўтиб, Трогиллион шаҳрида тўхтагандан кейин, яна бир кундан сўнг....

20:21 ғайрияҳудийлар — юонча матнда юонлар. 14:1 нинг иккинчи изоҳига қаранг.

20:35 Раббимиз Исо айтган шу сўзлар — бу сўзлар Янги Аҳд таркибидаги тўртта “Хушхабар” китобларига киритилмаган, чунки Исонинг қилган ишлари ва айтган сўзларининг ҳаммаси ҳам ёзиб қолдирилмаган (Юҳанно 20:30-31 га қаранг).

21:1 Биз — 16:10 изоҳига қаранг.

21:3 Финикия — юонча матнда Сурия. Ўша даврда Финикия Рим империясига қарашли Сурия вилоятининг бир қисми эди. Ҳозирги Ливан мамлакатининг денгиз бўйидаги ҳудуди.

21:8 етти киши — 6:1-6 га қаранг.

21:10 Хагабус — 11:27-28 га қаранг.

21:11 ғайрияҳудийлар — ўша даврда Яхудияда ҳукмронлик қилган Рим империяси амалдорларига ишора.

21:18 Ёқуб — 12:17 изоҳига қаранг.

21:21 ...болаларингизни суннат қилманглар... — суннат Худонинг Иброҳим ва унинг авлоди билан қилган аҳд белгиси эди (Ибтидо 17:9-14 га қаранг). Суннат яхудийларнинг Худога содиқлигини ва Унинг танлаган халқига тегишли эканини кўрсатади.

21:23 назр атаган тўртта одам — бу эркаклар маълум бир муддат давомида шароб ичмасликка ва соchlарини олдирмасликка онт ичган эдилар. Бу онт уларнинг Худога назр сифатида бағишиланганини кўрсатар эди (Саҳрода 6:1-21 га қаранг). Белгиланган муддат ўтгандан кейин улар сочини олдириб, уни қурбонликка қўшиб Маъбадда назр қилишлари керак эди. Бошқа бир одам, назр атаган одамга пул бериб, қурбонлик қилинадиган ҳайвонни сотиб олиш учун ёрдам кўрсатиши мумкин эди. Бу ёрдам художўйлик ва сахийлик белгиси эди. Павлус яхудий динининг расм-русумларига қарши эмаслигини кўрсатиш мақсадида, ўша тўртта одам билан бирга онтни бажариб, қурбонликларнинг барча харажатларини ўзи тўлаган.

21:25 ...биз уларга мактуб жўнатиб... — 15:23-29 га қаранг.

21:25 Бутларга келтирилган қурбонлик гўштини ва қони чиқарилмаган ҳайвон гўштини тановул қилишдан ҳамда фаҳш-зинодан... — 15:20 нинг изоҳларига қаранг.

21:28 ғайрияҳудийлар — юонча матнда юонлар. 14:1 нинг иккинчи изоҳига қаранг.

21:28 ...у ғайрияҳудийларни Маъбадга олиб келиб... — Маъбаднинг фақатгина яхудийлар кириши мумкин бўлган жойлари назарда тутилган. Ғайрияҳудийлар фақатгина Маъбаднинг “ғайрияҳудийлар ҳовлиси” деб аталган ташқи ҳовлисига кира олар эдилар. Маъбаднинг ички ҳовлисига кирган ғайрияҳудийлар ўлимга маҳкум қилинардилар. Маъбадда бу ҳақда огоҳлантирувчи ёзувлар бўлган. Ғайрияҳудийларни Маъбаднинг ички ҳовлисига олиб кирган инсон ҳам ўлимга маҳкум қилиниши мумкин эди. Шоҳ Ҳирод курдирган бу Маъбаднинг лойиҳаси ва

расми луғатдан кейин илова қилингандар “Расмлар ва лойиҳалар” бўлимида берилган.

21:34 қалъа — Рим сипоҳлари жойлашган Антония қалъаси назарда тутилган. Бу қалъа Маъбаднинг шимоли-ғарб томонида жойлашган эди.

21:39 Тарсус шаҳри — Рим империясига қарашли Киликия вилоятининг пойтахти бўлган. Ҳозирги Туркияning жанубида, Ўрта ер денгизи яқинида жойлашган эди. Бу шаҳар савдо маркази бўлиб, у ерда кўплаб ўқув юртлари бор эди.

21:40 орамий тили — бу ўринда ишлатилган юонча сўз иброний тилини ёки орамий тилини билдириши мумкин. Ўша пайтда қадимги Фаластинда яшаган яхудийлар орамий тилида гаплашар эдилар.

22:2 орамийча — 21:40 изоҳига қаранг.

22:3 Тарсус шаҳри — 21:39 га ва ўша оятнинг изоҳига қаранг.

22:3 Гамалиёл — машҳур яхудий олимни ва тафсирчиси (5:33-40 га қаранг).

22:7 Шоул — Павлус исми билан танилган (13:9 га ва ўша оятнинг изоҳига қаранг).

22:9 ...нурни қўрадилар-у... — юонча матндан. Баъзи юонон қўлёзмаларида нурни кўриб қўрқишишган бўлса-да.

22:14 Солиҳ Зот — Исо Масиҳга ишора.

22:20 Шоҳидинг... — ёки *Шаҳидинг...*, бу ўриндаги юонча сўз шоҳид ва шаҳид маъноларини ифодалаётган бўлиши мумкин. 7:54-8:1 га қаранг.

22:25 Рим фуқароси — 16:37 изоҳига қаранг.

23:5 Чиқиш 22:28 га қаранг.

23:9 Юонча матндан. Баъзи юонон қўлёзмаларида қуйидаги сўзлар оятга қўшимча қилингандар: *биз Ҳудога қаршилик қўрсатмайлик*.

23:10 қалъа — 21:34 изоҳига қаранг.

23:23 Қайсария — Қуддусдан 90 километр шимоли-ғарбда, Ўрта ер денгизи бўйида жойлашган муҳим шаҳар. Бу шаҳар Рим империясига қарашли бўлган Яхудия вилоятининг пойтахти эди.

23:24 ҳоким Феликс — Рим империясига қарашли Яхудия вилоятининг ҳокими.

23:30 Юонча матндан. Баъзи юонон қўлёзмаларида қуйидаги сўзлар оятга қўшимча қилингандар: *Саломат бўлинг*.

23:31 Антипатрис шаҳри — Қуддусдан 60 километр шимоли-ғарбда жойлашган.

23:35 Ҳироднинг саройи — аслида Буюк Ҳирод томонидан қурилган. Сарой бу даврда Рим империясига қарашли Яхудия вилояти ҳокимларининг идораси бўлган.

24:1 Қайсария — 23:23 изоҳига қаранг.

24:1 ҳоким — Феликс, Рим империясига қарашли Яхудия вилоятининг ҳокими.

24:5 насронийлар мазҳаби — насроний номи Исо улғайган шаҳар Носиранинг номидан келиб чиққан. Бу даврда кўп одамлар масиҳийларни яхудий динининг бир мазҳаби деб ҳисоблардилар.

24:6-7 Юонча матндан. Баъзи юонон қўлёзмаларида қуйидаги сўзлар 6-оятнинг охирини, 7-оятни ва 8-оятнинг бошини ташкил этиб, қўшимча қилингандар: *Уни ўз қонунимизга кўра, суд қилмоқчи бўлдик.*⁷ Лекин мингбоши Лисияс келиб, уни зўрлик

билин қўлимииздан тортиб олиб,⁸ сизнинг қошингизга юборди. Биз ҳам сизнинг ҳузурингизга келиб, унга айб қўйишишимизни буюрди.

24:14 Таврот...Пайғамбарлар битиклари... — одатда яхудийлар, Эски Аҳд тўплами уч қисмдан иборат, деб айтадилар. Бу уч қисм қўйидагилардир: Таврот (Мусонинг қонуни деган ном билан ҳам юритилади), Пайғамбарлар битиклари (унинг таркибига баъзи тарихий китоблар ҳам кирган) ва Битиклар (Забур бу қисмнинг биринчи китобидир). Яхудийлар баъзан дастлабки икки қисм “Таврот ва Пайғамбарлар битиклари” деганда бутун Эски Аҳд тўпламини назарда тутадилар.

24:24 Друсила яхудий эди — у Ҳирод Агриппа II нинг ва Верниканинг синглиси бўлган (25:13 га ва ўша оятнинг изоҳига қаранг).

25:1 Қайсария — 23:23 изоҳига қаранг.

25:8 Қайсар — барча Рим императорлариiga берилган унвон.

25:11 ...мен Қайсарнинг ҳукмини талаб қиласман — Павлус Рим фуқароси бўлган, шунинг учун ўз даъвосини Рим императори эшлишини талаб қилишга ҳақи бор эди. Бу даврда Рим императори Нерон эди.

25:13 ...шоҳ Агриппа...Верника... — Агриппа яна Ҳирод Агриппа II номи билан ҳам танилган эди. У Буюк Ҳироднинг авлоди бўлиб, худуднинг Рим ҳукумати томонидан белгилаб берилган қисмларида ҳукмонлик қиласми. Верника унинг синглиси эди, уларнинг отаси Ҳирод Агриппа I эди (12:1 га қаранг).

26:1 Агриппа — 25:13 изоҳига қаранг.

26:6 ...умид қилганим... — Павлус бу ўринда ўликларнинг тирилиши ҳақидаги Эски Аҳдда аён қилинган ишончга ишора қиляпти (мисол учун, Забур 15:9-11, Ишаё 26:19, Дониёр 12:2, Луқо 20:37-38 га қаранг). Фарзийлар ҳам бунга ишонганлар (23:6-8, 24:12-15, 20-21 га қаранг). Истеҳзоли томони шундаки, Павлус Исо Масихнинг ўлиқдан тирилганига ишонгани учун яхудийлар томонидан ҳукм қилинаётган эди. Аммо Масихнинг ўлиқдан тирилиши яхудийлар анчадан бери интизорлик кутганларининг рӯёбга чиқишининг бошланиши эди (шу бобнинг 22-23-оятларига қаранг).

26:7 ҳалқимизнинг ўн икки қабиласи — Иброҳимнинг набираси Ёқубнинг ўн икки ўғлидан келиб чиқсан бутун яхудий ҳалқига ишора.

26:14 орамий тили — 21:40 изоҳига қаранг.

26:14 Шоул — Павлус исми билан танилган (13:9 га ва ўша оятнинг изоҳига қаранг).

26:22 пайғамбарларнинг ва Мусонинг айтганлари — Луқо 24:25-27 га қаранг. Яна 24:14 изоҳига қаранг.

26:32 Қайсар — барча Рим императорлариiga берилган унвон.

26:32 Юонча матндан. Баъзи юонон қўлёзмаларида қўйидаги сўзлар оятга қўшимча қилинган: *Шундай қилиб, ҳоким уни Қайсар олдига юборишга қарор қилди.*

27:1 Биз — 16:10 изоҳига қаранг.

27:1 ...Италияга... — Павлуснинг Римга олиб кетилиши (“Хариталар” бўлимига қаранг). Павлуснинг Римга етиб боргани ҳақида 28:16 да ёзилган.

27:2 бандаргоҳ — кемалар тўхтайдиган жой, порт. Тўлиқроқ маълумотга эга

бўлиш учун луғатдаги БАНДАРГОҲ сўзига қаранг.

27:9 *Покланиш қуни* — яхудийларнинг бу байрами сентябрнинг охирида нишонланган (Левилар 16:29-34 га қаранг). Об-ҳаво фаслга қараб ўзгариб тургани сабабли, сентябрь ойининг ўртасидан кейин, Ўрта ер денгизига кемада чиқиш хавфли эди. Одатда ноябрь ойининг ўрталаридан бошлаб, то март ойининг ўрталаригача бу денгизда ҳеч қандай кема юрмас эди.

27:12 ...қаттиқ қиши шамолларидан панада эди — юончча матнда ...жсануби-ғарб ва шимоли-ғарбга қаратилган эди.

27:16 *Кавда* — юончча матндан. Баъзи юонон қўлёзмаларида *Клавда*.

27:17 *Суртис* — Сидра деб аталган кўрфаз, ҳозирги Ливия мамлакатининг ҳудудига киради. Кўрфазнинг саёз жойлари ва қўчиб турадиган қумлари бўлгани боис, бу ер денгизчилар учун жуда хавфли эди. Қадимги пайтларда бу жой “денгизчиларнинг қабристони” деб ном олган эди.

27:17 *тезликни камайтирадиган лангар* — бу ўринда ишлатилган юончча сўз кеманинг орқасидан судраладиган лангарга ишора қилиши мумкин. Эҳтимол, бу лангар одатдаги лангардан фарқли равишда конус шаклидаги катта, маҳсус бир мато бўлиб, кеманинг орқасидан сувга ташланган бўлиши мумкин. Сувга тўлган мато кеманинг тезлигини секинлаштиради. Бўрон кемани Суртисга олиб кетмаслиги учун, денгизчилар шу лангардан фойдаланганлар.

27:24 *Қайсар* — барча Рим императорларига берилган унвон.

27:27 *Ўрта ер денгизи* — юончча матнда *Адрияс денгизи*, бу Крит ва Мальта ороллари орасидаги Ўрта ер денгизининг ҳудудига ишора қиласди.

27:28 ...20 қулоч...15 қулоч... — тахминан 37 метрга ва 27 метрга тўғри келади.

28:1 *Биз* — 16:10 изоҳига қаранг.

28:11 “Эгизак худолар” — қадимий юоннлар Зевснинг ўғиллари, деб ҳисоблаган икки бут — Кастро ва Поллукснинг унвони. Бу икки бут денгизчиларнинг ҳомийлари деб ҳисобланган, шунинг учун уларга асосан денгизчилар сажда қиласган.

28:15 ...*Аппиюс бозори...Уч меҳмонхона...* — Римга олиб борадиган асосий йўлнинг бўйидаги икки жой, улар шаҳардан жануби-шарқ томонда, тахминан 70 километр ва 55 километр масофада жойлашган.

28:16 *Биз Римга келганимиздан кейин, Павлусга...* — юончча матндан. Баъзи юонон қўлёзмаларида *Биз Римга келганимиздан кейин, юзбоши маҳбусларни лашкарбошига топширди. Павлусга эса....*

28:19 *Қайсар* — барча Рим императорларига берилган унвон.

28:20 *Исройлнинг умиди* — 26:6-8 оятларга ва 26:6 изоҳига қаранг.

28:22 *бу мазҳаб* — 24:5 га ва ўша оятнинг изоҳига қаранг.

28:23 ...*Мусонинг Таврот китоби...Пайғамбарлар битиклари...* — 24:14 изоҳига қаранг.

28:26-27 Муаллиф бу ўринда Ишаё 6:9-10 нинг қадимий юончча таржимасидан фойдаланган.

28:28-29 Юончча матндан. Баъзи юонон қўлёзмаларида қўйидаги сўзлар 29-оятни ташкил этиб, қўшимча қилинган: *Павлус шу гапларни айтгандан кейин, яхудийлар ўзаро қаттиқ баҳслашиб, кетиб қолдилар.*